

G

6

39 - a

42



~~39 - a 42~~



XXXI. 3. 13



IOANNIS

RAVISII

TEXTO-

RIS,



EPISTOLAE

VIRTVTE DVCE,



COMITE FORTVNA.



LVGDVNI APVD SEB.

GRYPHVM,

1544.

SEB. GRYPHIUS BONAE  
SPEI ADVLESCENTV-  
LIS SAL.

T A M propensa semper fuit nostra in prouehendis  
uestris studijs uoluntas, ut ne tenuissima quidem, quæ co-  
natibus uestris profutura intelligerem, ab officio meo du-  
xerim aliena. Proinde cum hæc Rauisij Textoris Epi-  
stolas, quas non indiligens ille institucndæ pubis artifex,  
uelut prima quædam conscribendarum literarum progym-  
nasmata, domesticis suis priuatim creditur dictasse, uobis  
non infrugiferas fore considerem: nihil ab instituto meo  
alienum facturus uidebar, si paulisper in re tam utili uestra  
causa repuerascerem, libellum, quæ hunc à mendis, quæ nō  
paucae inter excudendum irrepsent, repurgatum, typisq;  
nostris quàm accuratissimè excusum emitterem in lucem.  
Sunt quidem hæc, fateor, exigua, & in speciem minuta: cæ-  
terum rudibus tyrunculis ad maiora properantibus adeo  
utilia, & penè dixerim necessaria, ut nihilo facilius  
fuerit, sine his minimis ad grauiora conscen-  
dere, quàm infantulum, qui ab uberi-  
bus nutricis nunquam pepen-  
derit, in uirum adole-  
scere. Valete.

# I O R A V I - S I I T E X T O R I S

N I V E R N E N -

S I S

E P I S T O L A

I.



**H**ABVI iam pridem in uotis, mutuis te uerbis conuenire, & paucis admodum, quæ in rem tuam sunt, amicorum precibus hortari. Cœnabamus pridie huius diei domi meæ, ego & aliquot parentū tuorum, qui te à paruulo semper sibi demeruerūt. Inter cœnandum quum uarijs de rebus unà loqueremur, accessit insperatus nescio quis nuntius, tuus (ut dicebat) familiaris. Protinus (ut liberorū curiosi sunt parentes) mater tua percunctari cœpit: quomodo esset filio suo, quàm prosperè ualeret, quantumq; in literis profecisset. Respondit ille, bene quibem tibi esse, teq; parentum monitis ubique semper acquieuisse, præter quàm quòd literarum studia non amauisses. Quod ubi accepit pauperrima illa muliercula, miserū me, quantum indoluit. Verba mea apud te fidem non caperent, si eiusdem de tua hac negligentia querimonias tibi aperirem. Indoluit siquidem uehementius, quàm ut credi ualeat. Te oro si hactenus dementaueris, nunc resipiscās, & ad literas animum conuertas. Si enim tuæ semper negligentiae Epimenidis (quod aiunt) somnum indormires: esses ei causa mortis, quæ tibi fuit uitæ. Vale.

E P I S T O L A

II.

**A**micorum tuorum permulti satis ægrè tulcrūt, quòd quotidianis penè conuicijs tui te honoris iam pridem



monuerint : neque tamen assiduis eorū clamoribus locum reliqueris. Volebant, & ita sperabant futurū, opera tua, quæ iandiu cum blattis ac tineis rixantur, in lucem emitti: cum ut ex ea editione aliquid tibi laudis accederet : tum etiam, ut inde fructū caperēt studiosi adolescentes. Quam quæso iacturam faceres, si nostris omnium uotis responderes? Existimas ne parentibus esse permolestum, repulsam abs te pati, à quo omnia sibi promittebant? Non sum adeo imprudēs rerum, ut non facîle uideam, nihil non maturum & concoctum curiosis hominum iudicijs committi oportere. Quinetiam summorum quoq; scriptorum opera & labores, criticis lectorum unguibus & lituris plerūq; uapulant. Nihilominus quum multos annos, tu (hoc est homo doctissimus) uigilias tuas ad unguē elimaueris: securè (mea quidem sententia) potes parcre, quod iam pridem parturis. Ego enim te extra omnem liturarum & obeliscorum aleam esse dijudico : neq; iacturam ullam inde futuram uideo, præterquam quòd docilem tibi iuuenem demereberis, & amicorum precibus satisfacies : quibus si non parcas, quandiu certè uiues, tandiu malè audies. Vale.

## EPISTOLA

## III.

**P**udet me nostri huius seculi: quo iā ea inoleuit cōsuetudo, ut si quis, uel proletarius, uel semidoctus opus aliquod rudi (quod aiunt) Minerua compegerit, magis quam fabrefecerit : dignum statim existimemus quod nihil non uellicatibus hominum iudicijs committatur: quod'que lecturiant omnes, & empturiāt. Quasi uerò nō esset nobis compertū, nil esse usqueadeo elimatum, quod non interdum lectorum unguibus & graphijs expungatur seuerissimis. Quorsum uerò hæc, roget aliquis? Hortabar is me paucis abhinc diebus, ut ego friuolas quasdā nugas à me tumultuario,



tuario, & interrupto plerunq; studio, congestas, curarem imprimēdas: quin etiā me stultitiæ arguere uidebaris, quòd tandiu hoc ipsum facere supersedissem. Næ tu ipse multum deliras, qui Horatii non perpendis consilium monentis, ne præcipitetur editio, nonumq; prematur in annū. An uerò non uides plerosq; primæ in dicēdo celebritatis uiros, delictiles Cēsorum spongiās pertulisse? Si ergo has mei laboris primitiās euentilarē, quid inde futurum diceres: quum nihildū cōmēdatione dignū scripserim, nihil quod marcētē lectoris stomachū nō magis ad somnum propocet, quā ad amplius legēdum euerberet? Quicquid habeo, parentibus reſero acceptū: magis tamē nitār honori meo cōſulere, quā incautis eorum iudicijs temerē assentiri. Vale.

Nonum in annū editio pre menda,

## EPISTOLA IIII.

**Q**uum præterpropter uoluptates cō tui te parentes nūserunt, quò solent, qui bonas amant disciplinas: da operam, quāso, ut eam, quam de te ceperunt omnes, non fallas opinionem. Dicebam nouissimis, quas ad te dedi, literis, quantum matri tuæ doluisset, quòd accepiſſet, te parum adhuc, aut nihil omnino in bonis literis promouiſſe. Eſſes malignæ conditionis, si amicorum (qui tibi honesta & profutura consulunt) precibus nihil condonares. Tuum est nobis obedire, ut nostrum te hortari. Aliquid ne tibi suademus, quod factu non sit utile? Nos, si nescis, tuæ non nostræ utilitatis satagimus. Negligentiam tuam & inertiam susq; deq; ferremus, nisi eā sciremus tibi futuram detrimento. Fac ergo quod monemus, & prosperè tecum agetur. Si enim feceris, omnia ex animi sententia abundè tibi suppeditabimus. Vale.

## EPISTOLA V.

**Q**uum certò uideas ad nullius rei summā, nisi præcedentibus

dentibus initijs, perueniri posse: miror maximè, quòd minores disciplinas (sine quibus tamen non est maioribus locus) adeò spreueris: ut earum studio tibi omnino interdixeris. An quia procul ab ostentatione positæ sunt, inutiles propterea, & infrugifera tibi uidentur? Vsu uenit, ut qui minoribus primum elementis exerceri uel recusant, uel erubescunt: in his quæ sublimiora sunt, infirmum ingenij sui captum præbent, & experiantur. Neque enim credibile est, firmum fore ædificium, quod inualidis ruinosisq; nititur fundamentis: aut eos magno oneri non succubituros, qui per modico fatiscunt. Si sciperes, altiora non molire: sed potius imitareris auiculas, quæ nidis suis nunquam egrediuntur implumes: neq; prius aëri corpuscula comittunt, quàm facto primum periculo, sese idoneas ad uolatum didicerint. Vale.

## EPISTOLA VI.

**E**Mergunt quotidie nouæ mihi anxietates, quæ animum meum supra, quàm cuiquam credibile sit, uariè distorquent. Sed nihil est quod dolorem meum magis adaugeat, quàm quòd turpissima tuæ uitæ uenit in mentē. Effluxit iam triennium, ex quo sumptu nō modico tui te parētes in scholis nutrierūt, tibiq; omnia ex animi tui sentētia abūdè suppeditarūt. Fuere tamen receptæ fidei homines pleriq; qui paucis adhinc diebus mihi narrarunt, te parū adhuc, aut nihil omnino, in bonis literis promouisse: ita ut tertio quoq; uocabulo barbarissimum committas. Egeris ut uoles: uiue tuis legibus: ego te missum faciā: sciueris tamen, rebus tuis pessime consultum iri, nisi uitam in melius commutaueris.

## DISTICHON.

Tot fortunati sine morbo sint tibi menses,  
Tempore quot uerno parturit hybla fauos.

EPIST

## EPISTOLA VII.

**N**ihili facis, ut audio, amicorum consilia: qui tuæ tamē student utilitati. Neq; laboro, neque grauātē fero, quòd uerba mea susq; deq; habeas. Doleo tamen, quòd his non pareas, qui tibi nocere, non minus, quàm prodesse ualeant. Pessimè, ut uideo, rebus tuis cōsuletur, si solitæ semper demētiae institeris: neq; apud amicos culpam deprecaberis, nisi cis acquiescas, quibus & animam debes. Vale, & me serio, non ioco, loqui existimes. Nā nisi feceris quòd moneo, periclitaberis parum tibi frugis accidere. Iterum uale.

## DISTICHON.

Non prius incurras duri contagia morbi,  
Quàm sese immiti copulet agna lupo.

## EPISTOLA VIII.

**S**i existimarē literas meas aliquid ad stomachum tuum facturās, tibiq; fore plausibiles: ego te non minus scribendo satiarem, quàm tuis ipse clamoribus ad hoc agendū me iam pridem compulisti. Culpā enim deprecari, aut noxæ me eximere non possē, si repulsam à me patereris: cui te hactenus totum deuouisti, quēmq; tuis semper opibus iuisti, & consilijs. Sed quum uideam eorum nomen periclitari maximè, qui suas ineptias uiris saltem eruditis, tuiq; similibus, non tam legendas, quàm ridendas exponunt, & euentilant: ego infirmitatis meæ deterritus conscientia, nugās meas tanti uiri iudicio non ausim exponere. Nā si scriberem, risum (certò scio) mouerēt tibi mei barbarismi, & te ab amore mei fortasse diuerterent. Quare nostræ uellem deprecationi ueniam non deroges. Vale decus literarum.

## DISTICHON.

Sint tibi tot nummi, tot opes, auriq; talenta,  
Poma quot Alcinoi nobilis hortus alit.

## EPISTOLA

IX.

**E**X quo tempore ad bonam frugem te recepisti, caui-  
stiq; ab eorum commercio, quos more pecudum, ve-  
neri, & uoluptatibus non pudet indulgere: tantam ubiq;  
locorum famam tui nominis concitasti, ut iam uicatim, cō-  
pitatimq; te prædicet omnes, ac Deū penè faciant. Quod  
si eo, quo cœpisti, pede perrexeris: certò scio, tantam ami-  
cis futuram inde letitiam, ut ne digitum quidem transuer-  
sum à nominis tui commendatione recessuri sint. Pater  
tuus (nihil comminiscar) tantam ex ea re cepit uolupta-  
tem, ut iam se totū tibi deuouisse, relictisq; omnibus alijs,  
quos habet, liberis, in tuam unius iurasse utilitatem uidea-  
tur. Quare prudenter, mea quidem sententia, ficeris, si à  
scopo uirtutis non declines. Vale, & recte monentem  
sequere.

## EPISTOLA

X.

**C**Redebas, ut opinor, te tuis uerbis fore mihi formi-  
dolosum, quum nuper irascereris, euomeresq; quic-  
quid in buccam ueniret. Non sum is, qui fulgura ex uitro  
reformidē: cuiq; terrori sint futiles & importunæ, qua-  
libus tunc temporis strepebas, comminationes. Conuicia  
tua nullo me detrimento afficiunt. Si tamen solita semper  
loquacitate stomachum mihi moueris, faciam te tuæ stulti-  
tiæ poenitere: secus enim illatæ tibi iniuriæ culpam præsta-  
rem: quum tamē rebus tuis perinde ac meis, hactenus sem-  
per consuluerim. Vale.

## EPISTOLA

XI.

**N**escio quàm odiosa mihi semper fuerit superba &  
impudens hominum arrogantia, eorum maximè,  
qui, quum ex humili & peregrina conditione ad perpin-  
guem conscenderunt, adeò protinus insolescunt, primæq;  
paupertatis obliuiscuntur, ut neminem præ se ducant ho-  
minem.

minem. Cuiusmodi morbo, quoniam tota laboras ceruice: periclitari. mihi libuit, possem nec ne, aliquo uelut helleboro, contagiosam hanc cerebri tui expurgare dementia. Qui utinam prescius paulò generistui uilitatem examinares, ac reminisceris, quoties pater tuus ostiatim, domesticatimq; stipē emendicauit. Tu pridic quā huc uenisses, ne obolum quidem habebas, unde restim emerēs. Nudus eras, tanquam ex matre. Si benignior tecum fortuna luserit, & utranq; (quod dicitur) mammā dederit lactandam, debes propterea tantum tibi arrogare, tuoq; indulgere supercilio, ut iam pauonis flabellū, & exuium leonis prae te feras. Si diuitias illas tuæ uirtuti magis, quā fortuito casui adscribis, tota erras uia: nā si fortuna ex hominum meritis opes dispensaret, & largiretur: multi certe emendicarent, & inedia consumerentur, qui bonorum habēt myrmecias: multi cōtrā (in quos nouercatur eadem fortuna) opulescerent, & drachmæ grandine operirentur. Quare nosce teipsum, & tuorum natalium, qui ortu Nili sunt obscuriores, reminiscere. Vale.

## EPISTOLA

## XII.

**N**on desisto literis ferè quotidianis aures tuas onerare, teq; hortari, ut uerbis antiquarijs & inusitatis tibi interdicas. Nihilominus tamen quotiescunq; scribis, tota tua oratio obsoletis adeò scatet uocabulis, ut coniectare plerunq; me oporteat, quid sibi uelint tua uerba. Nescio an inusitatū eiusmodi sermonem, gratum cuiquam existimes: sciueris tamen tantum mihi displicere, quantum literatis placet Cicero. Pluris multò facerem protritās & proculcatas dictiones, quā priscas illas: quæ nec tibi frugem afferunt, nec eruditū ualeptatē. Proinde (si me ames) Phaustinum sequere, consulētē, ut uerbis utamur prae-

sentibus, & moribus priscis uiuamus. Vale.

## E P I S T O L A

XIII.

**N**uper mihi quidam retulerunt, eò te impudentiæ con-  
scendisse: ut iam non crubescas, cum ganeonibus,  
perditissimisq; patrimoniorum decoctoribus conuersari:  
qui omnia prandiorum gurgitibus absument, & abligu-  
riunt. Quod ubi primum accepi, non potui à lacrymis tem-  
perare: adeò me tuæ calamitatis miseruit. Quid autem  
de patre tuo loquar? uix certè fidem impetrarem, si uer-  
bis uellem consequi, quantum se distorqueat, & excru-  
ciet. Miror, quòd te non pudeat tuæ immanitatis: qui de-  
crepitum illum morti & capulo uicinum, & iam in Pro-  
serpinæ (quod dicitur) peculio annumeratum, sic affli-  
gas: qui ab amore tui, nunquam ne latum quidam unguem  
recessisse uisus est. Egeris ut uoles, nunquam tamen sat y-  
ras & uirulenta linguarum uerba declinabis, tantisper  
ad bonam frugem te receperis. Vale.

## E P I S T O L A

XIIII.

**Q**ui miseriam sibi fabricant, & asciam cruribus suis  
illidunt, si forte fortuna in discrimen aliquod in-  
pegerint: non est quòd cuiquam irascantur, aut in alios  
quàm seipsos, acerbitalis suæ uirus euomant. Tu, ubi satis  
Veneri & gula indulxisti, uirtutesq; omnes reclamanti-  
bus ne quicquam amicis, à te relegasti: eò tandem miseriæ  
reductus es, ut quorsum te uertas, aut quem implores, ne-  
scias. Quis quæso in culpa? Nonne certatim omnes hoc  
ipsum prædiximus tibi futurum? Verba nostra contemptui  
tibi fuerunt & ludibrio. Nunc si tua unius causa infortu-  
nium seras, patienter patere. Vale.

## E P I S T O L A

XV.

**I**ncredibilis me tenet admiratio, quòd crescentibus an-  
nis,



nis, nihilo plus sapias, quàm quum in puerilibus balbutires cunabulis. Nemo est adeò delirus animi, quem suæ tandem stultitiæ non pœniteat. Te uerò nec piget nec pudet, rebus tuis etiam pessum euntibus, cunctisq; naso te suspendentibus, & postica eludentibus sanna, quòd nuces nondum reliqueris. Dic quæso, quonam modo apud parentes super uita ratiocinabere, nisi his ignorantie tenebris emergas? Fucrat nobis in summa uotorum, bene semper de te mereri, teq; nullo non honoris genere profectui. Videretur ne tibi uacantis operæ, si his obedires, qui tuæ satagunt utilitatis? Hactenus quanta maxima potui beneuolentia, te monui. Verùm nisi blandis huiuscemodi uerbis animus tuus remollescat, præceps in conuicia mutabo: tuisq; (quod dici solet) te pingam coloribus. Vale.

## EPISTOLA

## XVI.

**N**escio quid in patrem deliqueris: tamen nudiusquartus quum epistolam tuam me præsentem legeret, uisus est mihi frontem caperare. Est enim credibile, aut barbarissimum aliquem reperisse, aut aliquod aliud ignorantie tuæ fecisse periculum. Da operam quæso, ut cum in amore tui contineas, eiusq; indignationem exarmes. Quod erit tibi factu facile, si quid in bonis literis te profecisse uiderit. Hæc ego iam pridem tacitè & in aurem tibi dixeram, iterum dico, ne posthac excusationis ueniam fore tibi confidas. Obseruare debes quantum hactenus te dilexerit, quàm nihil unquam tibi deesse permiserit. Nisi feceris quod monco, pessimè rebus tuis uideo consultum iri: nam præter ludibrium, quo afficeris, amici tui omnes te deserent: quod si fiat, quomodo uiues, nullo manum porrigente? Vale.

## EPISTOLA

## XVII.

**E**o foras, quando rediturus, nescio: quàm citissimè  
tamen

tamen potero, redibo. Commendo tibi rem domesticam. Suffragiū meum demereberis, si me absente sine tumultu omnia & citra pulueris iactum sese habeant: ita uiuas, ut nihil in te nota dignum percipiant liberi mei. Habēt enim nasum, & hæc propius obseruant, quæ deteriora sunt. Si cui flagitio succumbas, reminiscerentur, nec te poterunt reuereri, quem crimini obnoxium cognouerunt. Quod si inculpatam tuā uitam perceperint, nō solum mandatis tuis assurgent, sed & aspectum reformidabunt. Vale.

## E P I S T O L A

## XVIII.

**P** Verum habeo eleganti forma, & ingenio facili: quē quoniam magnam spem futura uirtutis pollicetur, studio literarum deuouere constitui, & tuæ primū committere disciplinæ. Si quid sub te profecerit, faciam ut tui te laboris non poeniteat. Si quid fortasse tibi offerat, nolo ut assem quidē aut eo plus, in muneribus ab illo suscipias. Laboribus tuis cumulatē, & largo fœnore satisfaciam: si modō eum talem reddas, qui aliquando sua doctrina amicos omnes ab iniuria mortalitatis asserat, & obliuionis. Quod faciet, si tantum docendi illius desiderium te teneat, quanto discendi ille trahitur. Vale.

## E P I S T O L A

## XIX.

**N**escio quo pacto alienæ semper calamitatis teneat me commiseratio: quotiescunq; tamē amici mei quid detrimenti capiunt, aut fortunæ flagellis uapulant & confodiuntur: eorum iactura non minus animū meum euerberat, quā si ipse naufragium facerem, aut meis quoq; rebus pessimē uiderem consultum. Propterea quum uideam famam tuam in dies periclitari: me oportet (ut dolori satisfaciam, & animus meus conquiescat) rebus tuis manū dare. Omnes magnopere tristamur, quod perditissimis quibus



quibusdam & libidinis compertæ nebulonibus adherereas, qui neq; Deum timent, neq; homines reuerentur. Qui si corruptis suis moribus aliquantò diutius te inebriauerint, iam nullam tui liberandi spem relinques, actum erit de tuo nomine. Sin eorum uinculis properè te eximas, adhuc morbo tuo mederi poterimus. Et quamuis primū tui mores patri stomachum mouerint, tamen uelit, nolit, ab eo ueniam extorquebimus, modò mōrari prima longa desinas, & meam expectationem non destituas. Per me non stabit, quominus in parentum amorem redeas. Dij faciant, ut nostra hæc exhortatio aliquem tuæ menti relinquat aculeum. Vale, & uerborum meorum reminiscere.

Morari syllaba prima producta desipere, insanire, delirare.

## EPISTOLA

XX.

**A**Mo te plus quàm capiat humanæ mentis coniectura, Corneli suauissime: neq; est mihi frequentius uotum, quàm ut tuæ semper uoluntati respondeat fortuna, & omnia ex animi sententia consequare: & si scirem, opera mea tibi esse opus, accommodarem me tuis rebus, uel usq; ad aras. Quum tamen uenit in mentem capularis illius & decrepiti parentis tui, quem non sine nota & postica multorum sanna turpiſsimè reliquisti: nequeo mihi tēperare, quominus ingratitude tuæ irascar, uel (ut uerius dicam) impietati. Quid enim inhumanius debeat dici, quàm si trementē senio, & morbis affectum parentē filius grauatim uideat, nedum non adiuuet? quū ratione carentibus brutis, modicisq; animantibus hoc ipsum sit odiosum? Ciconiæ genitricum senectam inuicē educant. Glires genitores suos fessos senectā alūt insigni pietate, Quid autē hæc testimonia exēplis præpono domesticis, ac uernaculis? Canes ipsi alumnos sua morte tutantur sæpenumero: à quibus tamen nihil præter uilissimā stipe, (utpote modica panis, idq; ordeacci,

de acei, fragmenta) suscipiunt. Neq; moueris, tuam ipsius naturam uideri brutis deteriore? Quis hoc non excreetur? Quis tēperet inuectiuis? Pater tuus assidue languet. Nulla non hora laborat morbo, & capris ipsis (quod aiunt) est febriculosior: neq; tamen morienti dextram porrigis. Dij immortales, ut iā exulat probitas: ut pessum iere boni mores, quū iā natos nihil parentū misereat! Dic bona fide, si nunc cpulari lautē, si abunde rerum omnium tibi suppetit, id ipsum cui acceptum referri conuenit, nisi patri, cui uitam ipsam debes etiamnum? Meditaris ne impudentissime, quid de te uicatim prædicetur, aut quanto tibi crimini uertatur: quum nitida & bene curata cute, ac probè saginato corpore incedis ampullosus, patre tuo iam senumortuo? Mortuam murenā fleuit Hortensius orator multos dies atratus. Tu patris morientis non miserebere? O mala tempora. O perditam ætatem. Velim, nolim taceam oportet. Plura enim dicere non permittit animi ægritudo. Superest tantum, ut resipiscas, aut non ægrè seras, si ab amore tui recessero. Vale.

## EPISTOLA

## XXI.

**Q**uam bene decipiuntur, qui domus uestre ruinam sperant propediem tua uirtute restauratum iri, quum tu (cuius interest assiduo labore lucrum uenari, & domesticarum rerum satagere) non solum nihil acquiras, sed & iam parta deuores, ludisq; & conuiujs omnia absorbeas, quæ pertinaci, & improbo sudore parentes tui collegerunt. Hæccine est illa tui expectatio? Sic amicorum opinioni respondes? Nescis (me miserum) nescis, quam grauem tibi tuisq; facias plagam? pigritare quandiu uoles, porrectisq; (quod aiunt) pedibus, & in utramuis aurem quiescas: timeo tamen, ne ubi diuturnum stultitiæ tuæ somnum

Sonnum indormiueris, ad respiscendum serò consurgas, & expergiscare. Demum, si casu aliquo infortunium feras, & nouercam tibi Nemesis experiare, quis cachinnis temperabit? quis te naso non suspendet? Quis de te otiosa garrulitate non fabulabitur? Scio uerba mea nullum menti tuæ aculeum relictura, ne tamen causeris tuæ te utilitatis nunquam monitum fuisse: neu iacturam tuam cuiquam improperes, & impingas, docere uolui, per me non stetitisse, quo minus bene & prudenter uixeris. Vale, & deserta omni ornatu ac uerborum lautitia epistolam boni consulas.

## EPISTOLA

## XXII.

**M**irum non debet uideri, si nostræ ætatis liberi ab omni morum honestate recesserint, & uelut impudentes, ac inuerecundi ganeones unicuique iam uirtuti dixerint extremum uale. Neque enim fieri potest, quin quam à nobis infantuli, & ab ipsis quidem semper astris corruptelam, & improbitatem imbiberunt, adulti quoque tenacissime retineant. Nos autore Fabio (quum adhuc repunt) infantiam delicijs soluimus: gaudemus, si quid turpe, & impudicum dixerint: uerba ne abiectissimis quidem porcarijs, aut mulionibus permittenda, risu & osculo excipimus: aut etiam (quod turpius est multò) alijs dicenda in aurem susurramus. Quid, huic innutriti cōtagio, ubi adoleuerint, flagitij non experientur? qui priusquam hiscere, aut rectè proloqui possint, turpissimis, & impurgabilibus maculis iam se totos, & aurium tenus immerferunt: uoluptatumque delicias concitauerunt, priusquam, quid esset uoluptas, agnoscerent. Demum, quam illis mercedem rependent, à quibus licenter adeò, & molliter sunt enutriti? Eos, ut suæ turpitudinis autores arguent, & insinulabunt, nedum

nedum eis non assurgent. Prudenter quocirca fecerit, cui aliena iactura melioris consilij suggeret argumentum.

## EPISTOLA

XXIII.

Indulgentia.

**Q**uoniam ego multis audientibus nuper docui, quantum pueris detrimentum afferat mollis illa educatio, quam Indulgentiam dicimus: efflagitasti, ut aliquanto uberius tibi aperirem, quibusnam institutis & moribus liberos tuos formare debeas. Quod (quamuis a grè seram studia mea quibuscunq; negotijs interpellari) facere tamen non recusabo: ne nihil omnino amicitiae nostrae uidear condonasse. In primis, quod ad mores spectat, caue ne corruptis iuuenibus adhæreāt, qui pernoctant in alea, dies integros compotant, & lasciuiunt. Nam si huiusmodi maculas ab infantia contraherent, nihil esset de futura probitate sperandum. Compara tibi præceptorem sanctissimum, cuius sanctitas tenciores ab iniuria tueatur: prouectiores à licentia deterreat grauitas. Neq; enim, si me audis, eorum doctrinae magis, quam moribus consulas: absit enim, studijs magis, quam uirtuti scholas prodesse. Secus enim bene uiuendi ratio potius esset eligenda, quam uel optimè dicendi. Laboribus paulatim sunt assuescendi: non tamen pondere, cui superesse nequeant, opprimendi. Si delinquant, si mendacij conuincantur, si iugum detrectent, si uel tantillum quidem remurmurent aut muginentur, acerrimè uapulent: neq; prius parcatur flagellis, aut animaduersioni temperetur, quam & arrogantia cognoscatur emollita, & tranquilliores oleo, aut pepone molliores facti sint. Quòd si uerborum lenocinijs iram præceptorū uelint exarmare, adulabilis eorum sermo omnino dandus est uentis. Ante omnia, cauendum puto maxime, ne eorum delictis conniueant, neu consultò dissimulentur errata, ubi palam

Comparandus  
præceptor mo-  
rum sanctimo-  
nia insignis.

palàm sceleris comperti fuerint. Si bene fecerint, laus eorum quandoq; non est suppressenda: ut eo uelut gloriolæ fumo plecti, acrius solito uirtuti dent operam. Importuna redeuntis ad te nuntij festinatio, plura scribere non permisit.

## EPISTOLA XXIIII.

**S**I essem ex eorum numero, qui criminatorias amicorum Epistolas cum bile & stomacho excipiunt, non paterer tandiu tuis me literis obiurgari: quæ enim desidiâ meam culpas, aut arrogantiam criminariis, aut in uoluptates re=clamas. Sed quum non ignorem, te hoc aliouersum facere, quàm ut nomini meo maculam inuras, quicquid scribis, boni consulo: tantum abest, ut aures tuis cõsilijs uelim occludere. Sit uita mea moribus non usquequaq; probatis, adhuc tamen dabitur mihi laudi, si probè monenti assurrexero. De his hætenus. Porro si qua ex tuis illis monumentis ad in= eudem iam satis reuocata maturuerint, fac in lucem pro= deant, & euẽtilentur: cum ut nos pleniorẽ obsequio tibi demerearis, tum etiã ut teipsum ab omni incõmodo moralitatis & obliuionis asseras. Vale.

## EPISTOLA XXV.

**N**escio certè si existimes te operæpretium facere, aut multiũ haurire lucri, dum scuerè adeò, & Stoico uelut supercilio uitam meam criminariis. Ac ut intelligas, te nec hilum proficere, ego uerba tua nihili penitus duco. Nã cum tetrici nimium censores mihi displiceãt, hi omniũ maxime, qui se erratis alienis ingerunt Aristarchos, & alij prædicant benè uiuendum, quum ipsi turpissimè uiuant. Si audiueris, me uel minimum peccasse, exclamas protinus, & nasum non aliter suspendis, quàm si uel parricidij, uel stupri me compertum haberes. Quasi uerò mores tui intus

Tetrici censores.

et in cute unicuique non essent explorati. Tu bonam etatis tue partem contriuiisti ludo, uniuersum ferè patrimonium latrunculis et alea prodegisti: nihilominus tamen, simulata, et quadam uulpina sanctitate alienis illatras delictis. Dices, non mea interesse, quid agas, obseruare. Certè non uideo, cur plaris tua referat, mores meos obiurgare, quàm me sceleribus tuis irasci. Propterea uel alienam uitam culpares desinas: aut ipse ducas inculpatam. Secus tuæ censuræ nec unius assus æstimabuntur. Valc.

## EPISTOLA

## XXVI.

**F**ieri nequit, ut nissum te faciam, nisi prius culpandi tui argumentum mihi auferas. Si dixeris te culpa carere, ac nihil commeruissse, dicto citius, et sub manu mendacij te conuincam. Nuper quum unà cœnaremus, suaseram tibi, ut relictis quibusdam nugis, Græcas amplectereris literas: quòd ab his fluxerint Latine, et ad imponendum bonis studijs Colophonem plurimum conducant: et adeò quidem, ut sine his perfectus dici debeat nemo. Fidem dederas, facturum te quod dixeram. Neque omnino quidem stetisti promissis: nam primis elementis dedisti biduum: uerum mutata post paulò sententia, aliò negotij animum conuertisti: sola (ut credibile est) leuitate ductus et inconstantia, quæ te Proteo mutabiliorem arguit facilè. Si dicas, terrori tibi fuisse eius rei difficultatem: Non diffitebor, amaras esse studiorum radices: uerum hoc molestiæ dulcissimorum inde fructuum comes pensat utilitas. Propterea si quid loci apud te habet nostræ exhortationes, eò reuertere, unde imprudenter desiluisti, neque primo labore terrearis: nam quas in portu credis tenebras, tibi postea sole clarius elucescent. Si annum integrum sub hoc iugo durare non graueris, nullius postea desiderabis operam, Solus poteris sine

Studiorum radices amaræ, fructus uero dulces.



sine cortice natare. Vale.

## EPISTOLA XXVII.

**V**bi pater tuus sumptu domesticae charybdis rem omnem usque ad assem et pulvisculum prodegit, ne ostiatim liberos stipem oporteret emedicare, coactus est omnibus mechanicis artibus collegare, praeter te unum, quem meo unius beneficio academij deouit, ea expectatione, ut proficeres, et uestrae omnium consuleres paupertati. Cecutis plurimum, si non uideas, tecum melius quam cum ceteris actum esse. Fratrum tuorum, alius est alutarius, alius lapidarius, alius institor, alius figulus, alius phrygio, alius fullo, alius pegasarius. Omnes quotquot sunt, in paupertate nocturno, diurnoque labore, dimicant. Nulli omnium melius, quam tibi consultum, modo fortunam sequaris ducem, et occasionem nunc capillatam effugere, et caluam fieri non permittas. Si uis euadere in uirum magnae et reconditae literaturae, prius oportet, ut ab ipso statim principio te totum labori deuocas. Ante omnia solida iacias fundamenta, ne corruat quicquid superextruxeris. Nullam de te mihi frugem polliceor, si remissus primū uidereris, et in ipso (quod aiunt) portu, impingeres. Quum te studiorum tenebit satietas, non offendet me aliquantula sudoris remissio: parcatamen haec tibi indulgeas: nam, qui diu nimis ab instituto opere desuescunt et friantur, otij consuetudinē plerumque induunt. Constitui de te mereri quam optime, nec sententiam mutabo, aut calculum reducam, modo spem meā non sefelleris. Dura patere: futurum est enim, ut te laboris tui non poeniteat, quum satis olei consumpseris.

## EPISTOLA XXVIII.

**V**ulgò dicitur, eos non facile emergere, quorum uirtus paupertate caligat. Quod adeo uerum est, ut paucis admodum

Non facile  
emergunt, quo-  
rum uirtutibus

obstat Res an-  
gusta domi.

admodum pauperibus liceat opulescere: nisi uel utranq; fortunæ mammam suxerint, aut prodigiosum aliquid sua comminiscantur industria. Cui infortunio supremum illud accedit malum, quòd ubique ferè gentium miseris illudant felices, & scarabeos contemnant aquile. Neq; tamè propterea melior tibi cōditio desperāda est: nam quāuis hoc seculo sufficiens uirtuti merces non exoluatur, neq; tamen usqueadeò exulauerunt literæ, quin quandoque principibus placeant, & familiarescant literati, pinguioremq; fortunam sibi ipsi faciant. Quòd si nihil melius tuis unquam uotis accesserit, adhuc faturum est, ut te studiorum tuorum non poeniteat, hoc saltē lucrifeceris, quòd scientia, & multarum rerum cognitione à brutis differes.

## EPISTOLA XXIX.

**N**unquam ferè ad me scribis, quin opinionē meam roges, quid de stylo tuo mihi uideatur. Sed sanè quid respondeam nihil dum certum habeo: quòd certum, & sui similem scribendi modum non habeas. Nunc enim impediò te delectat Laconismus, nunc uaria uerborum supellectile orationem locupletas. Nihil tamen (ut uerè dicam) adhuc reperi, quod abhorreat à castimonia linguæ Romanæ: neque est ullus, qui sermonis tui puritatem non deoscularetur, nisi quibusdam molestum & graue esset auditu, quòd pleraq; triduo tibiingas elaborata, in quibus tamen temporis multum & operæ collocasti. Hac ostentatione si careres, nihil daretur tibi probro: at dum ingenij gratiā studes demereri: otiosam lectorum in te garrulitatem excitas suscitāsq;: & facis, ut immodicis nugis obstrepāt arrogantiæ tuæ. Quare uide, ne dum tibi places, multis displiceas.

## EPISTOLA XXX

**H**actenus aures tuas uerbis onerare non destiti, ut & torpere



torpere desineres, & tandem aliquādo ad uirtutes exper-  
gisceretur. Quod te facturū deicraueras, si uetus tibi con-  
donaretur culpa. Condonata est, & puerilem stultitiam  
omnes conuiuente oculo dissimulauimus: neq; tamen ex-  
perimur, te factum aliquantò meliorem. Si tui sceleris te  
non pudeat, periculum est, ne ea mali suboriatur consue-  
tudo, cui, quum uelis, mederi nequeas. Interrupi interim  
negotia mea, ut honori tuo consulerem: nec me quidem pi-  
gebit hoc fecisse, modò resipiscas tandem, ac dementire  
desinas. Sin pergas semper facere, ut cœpisti, finem faciam  
exhortationibus. Liberum tibi relinquetur, utram se qua-  
ris uiam, uoluptatis ne, an uirtutis. Demum si casu ali-  
quo infortunium feras, aliorum esto iudicium, quis fuc-  
rit in culpa. Vale.

Consuetudini  
malè mederi  
difficile.


## EPISTOLA XXXI.

**Q**Uum ea frè sit omnium natura, ut suarum potius  
rerum, quàm alienarum satagent: adeò tamen uti-  
litas tua semper mihi fuit curæ, ut uix effluerit momen-  
tum, quo me ceperit tui obliuio. Quare non ægrè feras,  
aut ab amore tui me recessisse arbitreris, si interim uitij  
tuis irascar. Reclamaui fateor, quòd illiteratis quibusdam  
fabulis tempus contereris. Sed hoc ipsum feci, ut aliud stu-  
dium complectereris, unde plus frugis aliquanto referres.  
Et si non putarem tibi probatum iri, quæ dico, sanè nū-  
sum te facerem. Hoc unum tibi persuadeas, Me tui semper  
studiosum fuisse, & qui ardentius amet, esse neminem: sed  
quum uideo famam tuam apud uerbosas hominum linguas  
periclitari, tacere nequeo, neq; si uellem, permetteret tuæ  
laudis desiderium: quo, dispeream, si quid unquam arden-  
tius cupiuerim. Vale.

## EPISTOLA XXXII.

b 3

Quatnor



**Q**uatuor abhinc annos frequentibus literis te salutauimus: neq; tamen certiores sumus facti rerū tuarum. Quid sit in causa coniectare non possumus. Credibile non est, tantis te negotijs districtum fuisse, ut tanto tempore nullum omnino scribendi otium potueris tibi suffurari. Aut ergo nostri te cepit obliuio, aut negligentiae culpa non cares. Quā pridem enim te monuimus, ut non solum scriberes, sed ad nos ipse reuertereris, & matrē capulo uicinam reuiferes. Si uenires, amici omnes, quos longa tui fatigat expectatio, animi curas discuterent, incolumitati tuę gratularentur, obuijs te manibus exciperent, & longa salutarent præsatione. Meditare, quanto spectandi tui desiderio ardeant omnes. Nulla non hora de te loquimur, & uitam nobis acerbam putamus, quod tādīu consuetudinis tuę fructu careamus. Propterea, si nos amas, fac nobis aliquātulam uidendi tui copiam. Vale.

## EPISTOLA

## XXXIII.

Gymnosophistarū consuetudo laudabilis. Amasis regis Aegypti probanda sanctio.

**L**audabilis mihi uidetur Gymnosophistarum consuetudo, apud quos pueris, qui nihil quotidianę frugis afferunt, cibus denegatur. Nec minus probanda est Amasis regis Aegypti sanctio, qui edicto iussit, ut singuli quottannis apud cuiusque præsecturae præsidentem ratiocinarentur, unde uiuerent: cisq; mors inferretur, qui non facerent. Quod utinam nostro quoq; seculo obseruaretur. Non tot passim nequam, & nihili reperirentur nebulones, quot ubiq; ferē gentium reperiuntur: quibus nullum est aliud negotium, quā ut prona, & obedientia uentri pecora, toto die crapulari, aut alienę insidiari uitę. Quorum perditos mores quotiescunq; memoria repeto, uidere uideor desolatam, & multis madentem lacrymis Iustitiam, quę & principum negligentię irascatur, & senatum iam sepul-

tum

tum somno, aut commiuentem arguat. Et nisi obuiam ab omnibus properè catur, resistaturq;: pullulantibus abunde flagitijs, intantum se propagabit iniquitas, ut nullus sit futurus uirtuti locus. Actum erit de bonis moribus, exulabit probitas, & improbitati ius relinquetur sedendi in Orchestra. Proinde Corneli, si me amas, (ut amas) caue, ne eorum numero adscribaris, qui naturam sui partus pœnitere faciunt, & antiquissimum illud chaos confusis adhuc elementis appetere. Da operam, ut quum parètes tui perrogabunt quid profeceris, dignus reperiare qui uiuas, & quem ament. Hoc si feceris, neq; te pigebit fecisse, neque illos bene de te meruisse. Vale.

## EPISTOLA XXXIIII.

Natura frè comparatum est, ut quò quisq; maiore doctrina, hòc & superbiat magis, & supercilium seuerius contrahat. Nec sanè mirum. Nam & uolucris quò plures sunt plumæ, hòc sublimius in auras effèruntur. Et pauones hòc sese miràtur magis, quò latius flabellum proferiunt. Sed est hominum genus, qui quum sint elementarij, & bonas literas ne à limine quidem salutarint, se tamen omnium primos (si dijs placet) haberi uolunt. Feeruntq; ægrè, quòd non æstimètur pluris, & quòd quaqua- uersum transierint, transeuntibus non assurgatur: Cuiusmodi erat nescio quis magistellus & grāmatisa, qui audiente nuper idiotarū & uetularū turba, multis fabulis strepebat immodicè, ut importunis illis cōmentationibus populo esset admirationi, & magnam doctrinæ opinionem sibi mercretur. Huc ergo quum eius uidendi causa certatim omnes conuolarent, cœpi protinus percontari, quid illud esset: Eodem omnes ore responderunt, alterum, & muno redditum Cicronem. Tūc ego cum reliquis accessi, ut

percontarer, uerum esset, necne, quod de nebulone sibi persuaserat uulgus. Sed, dii boni, quam nihil inueni quum accessi proximè. Vix orationem proferebat, in qua non tot essent barbarismi, quot dictiones. Quum ego nugis illis aliquandiu fatigatus pertæduissem, temperare mihi non potui, quin eum sua sede disturbare: quod quum fecissem, parum abfuit, quin delusa nugis plebecula in me saxis irrueret: tot iam ille fumos uendiderat turbæ, tot ueneficij uniuersum excætauerat theatrum. Quod quotiescunq; memoria repeto, non possum nostro seculo non irasci, cui non sit aliud in doctorum literis discrimen.

EPISTOLA XXXV.

**P**lerumque mihi doluit, quod conueniendi tui nulla sese offerret opportunitas. Eram enim nescio quæ tibi dicturus, in rem tuam magnopere spectantia. Paucis abhinc diebus, pater audiuit te uoluptatibus irretitū usque adeò, & illaqueatū, ut iam uirtutes omnes aspernatus fueris, ac æstimaueris nihili. Vale.

EPISTOLA XXXVI.

**E**st genus hominum, quorum utilitati dum consulti-  
tur, se præbere grauantur dociles, ita ut uideantur habere minus cerebri, quam cimex sanguinis. Nihil tibi blandiar, nec oleum (quod dicitur) in auriculam tibi instilabo: sed mihi uideris unus, qui nec scelera sua uellicari, nec uiscera sibi tangi uolunt. Nouissimè quum me consuleres, ad quem uite scopum arcum intenderes, uetueram tibi, ne insectareris aulicos istos palpones, qui pellace uulpe benigniores, & in ostio tantum formosi, aureos montes pollicentur, & à tertio usq; iugere manus porrigunt, his tamen sæpenumero ficum faciunt, à quibus amplissima susceperunt munera. Nescio qua diluendi tui sceleris fiducia

fiducia consilium meum nauici feceris: hoc ipsum tamen est tibi maximo malo futurum. Nescis quàm austerum sit inculpatè uiuere, ubi probitas & uirtus exulant? In aula qui Arabicè olent, & in cute sunt purpurati, intus ulceribus & lepra scatent. Postremò uidetur ne à uirtute alienum, in multam noctem pergracari, in alea pernoctare, ære alieno obrui, nihil non inhonestum audire? Et ne multa, nihil est non probrosum. Oportet in primis ab alterius iussu pendere. Religiosè, & ad anxietatem usq; obseruandum est, non tantum quid uerbis iubeat dominus, aut imperet: sed quid nutu significet, aut digito crepet. Aliena uiuendum quadra. Bullatis nugis aures sunt præbendæ: unicuiq; uirtuti mittendum repudium. Nihil dicendum est, quod aures tyranni grauet. Si caleat, aestuandum est, si frigeat, tremendum: & plerunq; quum diuturnam seruitutem seruiueris, si in ipsius iram impingas, ob rem nihili, ob floccos, ob uitiosam nucem te relegabit, perinde ac uilißimum Canopi uernam: nec primorum laborum stipendium extorquere poteris. Iam pridem te huius rei moueram: tamen uerba mea nihili fecisti. Si tui infortunij fueris autor, æquanimiter feras. Aequum est enim, ut sâber quas fecit compedes, ipse gestet. Vale.

## EPISTOLA

## XXXVII.

**M**ORIS est mihi ubicunq; locorum uixerim, eorum semper reminisci, quorum beneficio bonæ literæ iniuria temporum prius sepultæ, reuiuiscunt paulatim, & repullulant. Nec sanè mirum, nam mea quidem sententia non minoris, (minoris autem, imò uerò longe pluris) æstimandi sunt, qui linguam Latinam à morte uindiciant, & pristinae restituunt dignitati, quàm qui ciuitatibus amplissimis iugum seruitutis excutiunt, reddita libertate. Sed

Quanti æstimā  
di qui linguam  
Latinam pro-

præ restituunt  
dignitati.

Inuehitur in  
barbaros.

est hominum genus, qui quum rudere magis quàm loqui  
nouerint, probis eruditorum uotis & conatibus renitantur:  
timentq; ne optimæ se propagent disciplina. In quos si  
reclamet aliquis, Deus bone, quibus uerborum tonitribus  
fulminabunt, quot plaustra conuicijs onusta reuoment?  
Non tantum non assurgent autoribus renascentis eloquen-  
tiæ, sed facta uelut coniuratione in eos certatim conser-  
timq; dimicabunt, neq; prius concutere parietes theatro-  
rum, uerbis uel obtundere desistent, quàm sui similes ad la-  
trandum inlaudabiles illos linguæ Latinæ candidatos, &  
rediuuios eloquentiæ Camillos excitauerint. Diceres esse  
Gotthorū, Vuandalorumq; reliquias, quæ in Romanam  
Rempublicā arma parare, resarcire copias, suisq; barba-  
rismis togatum sermonem corrumpere uelint. Quare autē  
uelint non uideo, nisi quod fortē uerentur, ut ne qui suis nu-  
gis idiotas prius eluserunt, & agrestibus imposuerunt in-  
genijs, redeunte Mineruæ principatu ridiculi fiant, &  
ipsis etiam contemptibiles, quibus prius fuerant admira-  
tioni. Sed longē sua spe falluntur: Nam si suscitandæ sem-  
per eloquentiæ animum adiecerint eruditi, tantumq; ope-  
ræ, quantum iam ceperunt, barbaris huiusmodi retruden-  
dis collocauerint: non est mihi dubiū, quin pudore deterri-  
ti hoc genus Gotthi, causa sua casuri, ac arena cessuri sint,  
et ad extremum sese in pedes daturi. Quod si suis ineptijs  
contenti uiuerent, neq; ceteros hominum eodem cupe-  
rent sordere luto, essent quidem ridendi, non tamen tanto  
odio habendi. Verum (quod omnium multo turpissimum)  
quum nullo non uerbo solœcissent, indignanter ferunt, nō  
omnes eadem infātia, iisdemq; barbarismis iuuenari &  
ineptire. Et (quod magis rideas) sacras literas eo esse fāto  
arbitrantur, ut cum his stare nequeat regina rerum  
eloquen



eloquentia, quasi Hieronymus, Ambrosius, Lactantius Athanasius, et alij plus sexcenti barbarè semper sint locuti, aut eloquentiam cum theologia non ita coniunxerint, ut nescias utri duarum magis debeat. Quiescite, quiescite philosophastri, nostræ omnium aures uestris iam delicijs cal lent. Magno uobis malo futurum est, nisi à suscepto in lite-  
 ratas literas bello pedem retuleritis: nam ut numerosas Xer-  
 xis copias paucissimæ Græcorum turmæ pepulerunt: ita et  
 paucule cruditorum cœturæ infinitas uestre gentis Vana-  
 dalicæ myriades nullo negotio et uictoria expugnabunt  
 incruentæ. Ridiculum est quod publico exclamatis theatro,  
 renasci hæreses, Antichristos surgere, fidem catholicam  
 ruinam minari. Qui (malum) religionis hostes reuiuiscunt?  
 hi ne qui ex Græcis ad uerbum docent Latina? Quieta  
 erat fides, quis eam commouit? Vos plebeculam in re ni-  
 hili concitatis, ut eruditæ terrori sitis: monstra confingi-  
 tis, quæ nec fuerunt hætenus, nec posthac sunt futura:  
 neque est quisquam, cui à satyris uestris securo esse liceat,  
 quiq; loquacitatis uestre retia possit declinare, quum au-  
 diente uetularum turba sermocinamini: ceu uerò ad seren-  
 dum ocymum sitis nati, et maior quædā maledicendi liber-  
 tas uobis, quàm cæteris mortalium sit concessa. Quod si  
 quisquam reluctari satagat, aut eadem tragula uos referi-  
 re, tantisper illatrabitis, dum rudi uulgo persuaaseritis,  
 eum uel ceruicem matris rupisse, uel in patrios minxisse  
 cineres. Et (quod peius odi) neminem putatis dignum,  
 qui uestra uestigia (si dijs placet) lambat et osculetur:  
 quasi uerò legitimi sitis naturæ filij, nos spurij tantum:  
 aut sit aliquid in uobis doctrinæ, quod nemo quisquam  
 sperare audeat. Si eloquentiam creditis uiliorem, quàm  
 cui uacari debeat: respondebo uos similes esse procis Pe-  
 neelop

hil depictum est, præficrentur uiri moribus non minus  
 quam doctrina cōspicui: qui nutricibus nihilo asperiores,  
 ipsos primis literarum edulijs, utpote minutulis elementis  
 imbuerent, atq; animum uirtutibus pèrinde ac doctrina  
 formarent, excolerent: non ignorantes eos arduis oneri-  
 bus non sufficere, quorum uires modicis etiam rebus suc-  
 cumberent: eos præterea maioribus disciplinis nō esse ido-  
 neos, qui in ipso uestibulo deficerent. Cognitis demum ele-  
 mentis lininaribusq; literis, grammatices rudimenta stu-  
 duerunt his inculcanda, quò facilius orationem gramma-  
 ticam, licet ornatu & cultu immunē, contexerent. Quod  
 ubi facere tam probè sciuiſſent, orationibus partim solutis,  
 partim pedestribus, leporum & uenustatis succo affatim  
 delibutis, componendos uoluerunt: ut imitatricis instar  
 simiæ, alienis inhaerent uestigijs: quodq; ab alijs factum  
 inspicerent, ipsi facere, aut saltē æmulari à tergo, & emi-  
 nus conarentur. Hoc uno motus argumento, quum pridie  
 huius diei audissem Petroni charissime, te ad artis dialekti-  
 ces studia remis uelisque aspirare, non potui ut utilitatis tuæ  
 semper studiosus, quin id desiderii literis conarer excute-  
 re, difficilimū factu suspicatus, te illius succos ebibere, qui  
 aliarum artium parentis riuulos uix bene labellis primo-  
 ribus degustaueris. Nec enim te latet, caduca & fragilia  
 architectorum fore ædificia, quorum debile fundamentum  
 extiterit. Agedū ergo, priusquam immaturis condescēdas  
 affectibus, sagaci examine perpendas, quid tibi sit utile:  
 neq; quicquā pares extruere, priusquam stabili fulcro il-  
 lud solidaueris. Futurumq; dubio procul expecta, te à cū-  
 ctis artibus lōgè exulaturū, si hanc à te floccifectam pro-  
 scripseris, proscripſtam floccificeris. Cui enim, per deos  
 immortales, idoneus uideberis disciplina, si hanc (gram-  
 maticen



maticen dico) ignores? Quid ad stomachum tuum faciet  
 riuus, cuius fons tibi odiosus fuerit? Eris Iuris Ciuilis aut  
 Canonici peritus, qui Latinarum dictionum sensus ignora  
 ueris? Callebis physicas rationes, qui uerborum etymo=  
 logiam nesciueris? Extricabis difficiles sophismatū mæan=  
 dros, qui apertissima quæq; explanare nequiueris? Scrue=  
 taberis cœlestes & altissimas Astrologiæ, aut Theolo=  
 giæ causas, qui quæ infima sunt, & pedibus tuis uicina  
 contemplari nesciueris? Degustabis arborum, herbarum,  
 unguentorum, ac radicum succos, cui odiosa fuerit prima  
 rû literarû delibatio? Aliorû morbos unguentis aut anti=  
 dotis repelles, qui tuæ ignoratiæ remediū adhibere negle=  
 xeris? Declamabis in Senatu, aut ages in theatris, prius=  
 quam in schola loqui didiceris? Alijs ne persuadebis, qui  
 quæ tibi præuides utilia, suadere nequiueris? Perpède ue=  
 lim, & in memoriam aliquantisper reuoca ex maiorū an=  
 nalibus, quàm frugifera, quàm utilis, quàm iucūda sit artiū  
 humanitatis lectio: cuius amœnitas, lepos, suauitas Italos  
 (à quorū scatebris linguæ Latinæ rorē primū constat ema=  
 nasse) ita pellexcrit, ut parum grauatē tulerint cæteras  
 omneis disciplinas à se reijci, & eliminari: ut has obuijs  
 ulnis amplecterentur, harū odorē assiduis naribus olfice=  
 rent, saporem lingua inexplebili degustarent, uenustatem  
 labellis artissimè cōpactis deoscularentur. Quotusquis=  
 que enim Philosophus aut Sophistes in ipsis etiam Italiæ  
 penctralibus comperitur? Quot illic Medicos, quot Astro=  
 logiæ peritos, Quot Iureconsultos inuenies? Nullos sanè,  
 aut paucos. Contrà uerò, poëtarum nominibus ciuitatum  
 compita ebulliunt. Rhetoribus ac declamatoribus uix  
 theatra sufficiunt, grammaticos non capiunt scholæ. Hi=  
 storiorum uerbis passim locorum compita fulminant.

Italici gratissim  
 ma artū hum  
 nitatis lectio.

nedum eis non assurgent. Prudenter quocirca fecerit, cui aliena iactura melioris consilij suggeret argumentum.

## E P I S T O L A

XXIII.

Indulgentia.

**Q**uoniam ego multis audientibus nuper docui, quantum pueris detrimentum afferat mollis illa educatio, quam Indulgentiam dicimus: efflagitasti, ut aliquanto uberius tibi aperirem, quibusnam institutis & moribus liberos tuos formare debeas. Quod (quamvis egrè feram studia mea quibuscunq; negotijs interpellari) facere tamen non recusabo: ne nihil omnino amicitiae nostrae uidear condonasse. In primis, quod ad mores spectat, caue ne corruptis iuuenibus adhæreāt, qui pernoctant in alea, dies integros compotant, & lasciuiunt. Nam si huiusmodi maculas ab infantia contraherent, nihil esset de futura probitate sperandum. Compara tibi præceptorem sanctissimum, cuius sanctitas tencriores ab iniuria tueatur: prouectiores à licentia deterreat grauitas. Neq; enim, si me audis, eorum doctrinae magis, quam moribus consulas: absit enim, studijs magis, quam uirtuti scholas prodesse. Secus enim bene uiuendi ratio potius esset eligenda, quam uel optimè discendi. Laboribus paulatim sunt assuefaciendi: non tamen pondere, cui superesse nequeant, opprimendi. Si delinquant, si mendacij conuincantur, si iugum detrectent, si uel tantillum quidem remurmurent aut niuginentur, acerrimè uapulent: neq; prius parcatur flagellis, aut animaduersioni temperetur, quam & arrogantia cognoscatur emollita, & tranquilliores oleo, aut pepone molliores facti sint. Quòd si uerborum lenocinijs iram præceptorū uelint exarmare, adulabilis eorum sermo omnino dandus est uentis. Ante omnia, cauendum puto maximè, ne eorum delictis conuiueant, neu consultò dissimulentur errata, ubi palam

Comparandus  
præceptor mo-  
rum sanctimo-  
nia insignis.

palam sceleris comperti fuerint. Si bene fecerint, laus eorum quandoq; non est suppressenda: ut eo uelut gloriolae fumo pelleſti, acrius solito uirtuti dent operam. Importuna redeuntis ad te nuntij festinatio, plura scribere non permisit.

## EPISTOLA

## XXIIII.

**S**I eſſem ex eorum numero, qui criminatorias amicorum ſepiſtolas cum bile & ſtomacho excipiunt, non paterer tandiu tuis me literis obiurgari: aut enim deſidiam meam culpas, aut arrogantiam criminariſ, aut in uoluptates reclamās. Sed quum non ignorem, te hoc aliouerſum facere, quàm ut nomini meo maculam inuras, quicquid ſcribis, boni conſulo: tantum abeſt, ut aures tuis cōſilijs uelim occludere. Sit uita mea moribus non uſquequa; probatis, adhuc tamen dabitur mihi laudi, ſi probè monenti aſſurrexero. De his haſtenus. Porro ſi qua ex tuis illis monumentis ad inuicem iam ſatis reuocata maturuerint, ſac in lucem prodeant, & euētilentur: cum ut nos pleniore obſequio tibi demerearis, tum etiam ut teipſum ab omni incōmodo mortalitatis & obliuionis aſſeras. Vale.

## EPISTOLA

## XXV.

**N**Eſcio certè ſi exiſtimes te operæpretium facere, aut multū haurire lucri, dum ſeuere adeò, & Stoico uelut ſupercilio uitam meam criminariſ. Ac ut intelligas, te nec hilum proficere, ego uerba tua nihili penitus duco. Nā cum tetrici nimium cenſores mihi diſpliceāt, hi omniū maxime, qui ſe erratis alienis ingerunt Ariſtarchos, & alijs prædicant benè uiuendum, quum ipſi turpiſſimè uiuant. Si audiueris, me uel minimum peccaſſe, exclamas protinus, & naſum non aliter ſuſpendis, quàm ſi uel parricidij, uel ſtupri me compertum haberes. Quasi uerò mores tui intus

Tetrici cenſores.

et in cute unicuique non essent explorati. Tu bonam ætatis tuæ partem contriivisti ludo, uniuersum serè patrimonium latrunculis et alea prodegisti: nihilominus tamen, simulata, et quadam uulpina sanctitate alienis illatras delictis. Dices, non mea interesse, quid agas, obseruare. Certè non uideo, cur pluri tua referat, mores meos obiurgare, quàm me sceleribus tuis irasci. Propterea uel alienam uitam culpæ desinas: aut ipse ducas inculpatam. Secus tuæ censuræ nec unius assus æstimabuntur. Vale.

## EPISTOLA

## XXVI.

**F**leri nequit, ut nissum te faciam, nisi prius culpandi tui argumentum mihi auferas. Si dixeris te culpa carere, ac nihil commeruissè, dicto citius, et sub manû mendacij te conuincam. Nuper quum unà cœnarem, suaseram tibi, ut relictis quibusdam nugis, Græcas amplectereris literas: quòd ab his fluxerint Latinæ, et ad imponendum bonis studijs Colophonem plurimum conducant: et adeò quidem, ut sine his perfectus dici debeat nemo. Fidem dederas, facturum te quod dixeram. Neque omnino quidem stetisti promissis: nam primis elementis dedisti biduum: uerum mutata post paulò sententia, aliò negotij animum conuertisti: sola (ut credibile est) leuitate ductus et inconstantia, quæ te Proteo mutabiliorem arguit facilè. Si dicas, terrori tibi fuisse eius rei difficultatem: Non diffitebor, amaras esse studiorum radices: uerum hoc molestiæ dulcissimorum inde fructuum comes pensat utilitas. Propterea si quid loci apud te habet nostræ exhortationes, eò reuertere, unde imprudenter desiluisti, neque primo labore terrearis: nam quas in portu credis tenebras, tibi postea solc clarius elucescent. Si annum integrum sub hoc iugo durare nõ graueris, nullius postea desiderabis operam, Solus poteris sine

Studiorum radices amaræ,  
fructus uero  
dulces.

sine cortice natare. Vale.

## EPISTOLA XXVII.

**V**bi pater tuus sumptu domesticæ charybdis rem omnem usq; ad assem & puluisculum prodegit, ne ostiatim liberos stipem oporteret emedicare, coactus est omnibus mechanicis artibus collegare, præter te unum, quem meo unius beneficio academijs deuouit, ea expectatione, ut proficeres, & uestræ omnium consuleres paupertati. Cæcutis plurimum, si non uideas, tecum melius quam cum cæteris actū esse. Fratrum tuorum, alius est alutarius, alius lapicida, alius institor, alius figulus, alius phrygio, alius fullo, alius pegasarius. Omnes quotquot sunt, in paupertate nocturno, diurnoq; labore, dimicant. Nulli omnium melius, quam tibi consultum, modò fortunam sequaris ducem, & occasionem nunc capillatam effugere, & caluam fieri non permittas. Si uis euadere in uirum magnæ & reconditæ literaturæ, prius oportet, ut ab ipso statim principio te totum labori deuou eas. Ante omnia solida iacias fundamenta, ne corruat quicquid superextruxeris. Nullam de te mihi frugem polliceor, si remissus primū uidereris, & in ipso (quod aiunt) portu, impingeres. Quum te studiorum tenebit satietas, non offendet me aliquantula sudoris remissio: parcatamen hæc tibi indulgeas: nam, qui diu nimis ab instituto opere desuescunt & feriuntur, otij consuetudinē plerumq; induunt. Constitui de te mereri quā optime, nec sententiam mutabo, aut calculum reducam, modò spem meā non sefelleris. Dura patere: futurum est enim, ut te laboris tui non poeniteat, quum satis olei consumpseris.

## EPISTOLA XXVIII.

**V**lgò dicitur, eos nō facile emergere, quorum uirtus paupertate caligat. Quod adeo uerum est, ut paucis

Non facile  
emergūt, quorū  
uirtutibus

obstat Res an-  
gustia domi.

admodum pauperibus liceat opulescere: nisi uel utranq; fortuna mammam suxerint, aut prodigiosum aliquid sua comminiscantur industria. Cui infortunio supremum illud accedit malum, quòd ubique ferè gentium miseris illudant felices, & scarabeos contemnant aquilæ. Neq; tamè propterea melior tibi cõditio desperãda est: nam quãuis hoc seculo sufficiens uirtuti merces non exoluatur, neq; tamen usqueadeò exulauerunt literæ, quin quandoque principibus placeant, & familiarescant literati, pinguioremq; fortunam sibi ipsi faciant. Quòd si nihil melius tuis unquam uotis accesserit, adhuc futurum est, ut te studiorum tuorum non pœniteat, hoc saltè lucrifeceris, quòd scientia, & multarum rerum cognitione à brutis differes.

## EPISTOLA XXIX.

**N**unquam ferè ad me scribis, quin opinionẽ meam roges, quid de stylo tuo mihi uideatur. Sed sanè quid respondeam nihildum certum habeo: quòd certum, & sui similem scribendi modum non habeas. Nunc enim impediò te delectat Laconismus, nunc uaria uerborum supellectile orationem locupletas. Nihil tamen (ut uerè dicam) adhuc reperi, quod abhorreat à castimonia linguæ Romanæ: neque est ullus, qui sermonis tui puritatem non deoscularetur, nisi quibusdam molestum & graue esset auditu, quòd pleraq; triduo tibiingas elaborata, in quibus tamen temporis multum & operæ collocasti. Hac ostentatione si careres, nihil daretur tibi probro: at dum ingenij gratiã studes demereri: otiosam lectorum in te garrulitatem excitas suscitassq;: & facis, ut immodicis nugis obstrepât arrogantia tua. Quare uide, ne dum tibi places, multis displiceas.

## EPISTOLA XXX.

**H**actenus aures tuas uerbis onerare non destiti, ut & torpere



torpere desineres, & tandem aliquādo ad uirtutes exp-  
gisceris. Quod te facturū deicraueras, si uetus tibi con-  
donaretur culpa. Condonata est, & puerilem stultitiam  
omnes conniunte oculo diſſimulauius: neq; tamen ex-  
perimur, te factum aliquantò meliorem. Si tui ſceleris te  
non pudeat, periculum eſt, ne ea mali ſuboriatur conſue-  
tudo, cui, quum uelis, mederi nequeas. Interrupi interim  
negotia mea, ut honori tuo conſulerem: nec me quidem pi-  
gebit hoc feciſſe, modò reſipiſcas tandem, ac dementire  
deſinas. Sin pergas ſemper facere, ut cœpiſti, ſinem faciam  
exhortationibus. Liberum tibi relinquetur, utram ſequa-  
ris uiam, uoluptatis ne, an uirtutis. Demum ſi caſu ali-  
quo infortunium ſeras, aliorum eſto iudicium, quis ſuc-  
rit in culpa. Vale.

Conſuetudini  
malè mederi  
difficile.


## EPISTOLA XXXI.

Q Vum ea ſerè ſit omnium natura, ut ſuarum potius  
rerum, quàm alienarum ſatagant: adeò tamen uti-  
litas tua ſemper mihi fuit curæ, ut uix effluerit momen-  
tum, quo me ceperit tui obliuio. Quare non ægrè ſeras,  
aut ab amore tui me receſſiſſe arbitreris, ſi interim uitijſ  
tuis irascar. Reclamaui fateor, quòd illiteratis quibuſdam  
fabulis tempus contereris. Sed hoc ipſum feci, ut aliud ſtu-  
dium complectereris, unde plus frugis aliquanto referres.  
Et ſi non putarem tibi probatum iri, quæ dico, ſanè miſ-  
ſum te facerem. Hoc unum tibi perſuadeas, Me tui ſemper  
ſtudioſum fuiſſe, & qui ardentius amet, eſſe neminem: ſed  
quum uideo ſamam tuam apud uerbosas hominum linguas  
periclitari, tacere nequeo, neq; ſi uellem, permitteret tuæ  
laudis deſiderium: quo, diſpercam, ſi quid unquam arden-  
tius cupiuerim. Vale.

## EPISTOLA XXXII.

b 3

Quatuor



**Q**uatuor abhinc annos frequentibus literis te salutauimus: neq; tamen certiores sumus facti rerū tuarum. Quid sit in causa coniectare non possumus. Credibile non est, tantis te negotijs districtum fuisse, ut tanto tempore nullum omnino scribendi otium potueris tibi suffurari. Aut ergo nostri te cepit obliuio, aut negligentiae culpa non cares. Quā pridem enim te monuimus, ut non solum scriberes, sed ad nos ipse reuertereris, & matrē capulo uicinam reuiferes. Si uenires, amici omnes, quos longa tui fatigat expectatio, animi curas discuterent, incolumitati tuæ gratularentur, obuijs te manibus exciperent, & longa salutarent præsatione. Meditare, quanto spectandi tui desiderio ardeant omnes. Nulla non hora de te loquimur, & uitam nobis acerbam putamus, quòd tādīu consuetudinis tuæ fructu careamus. Propterea, si nos amas, fac nobis aliquātulam uidendi tui copiam. Vale.

## EPISTOLA

XXXIII.

Gymnosophistarū consuetudo laudabilis. Amasis regis Aegypti probanda sanctio.

**L**audabilis mihi uidetur Gymnosophistarum consuetudo, apud quos pueris, qui nihil quotidianæ frugis afferunt, cibis denegatur. Nec minus probanda est Amasis regis Aegypti sanctio, qui edicto iussit, ut singuli quottannis apud cuiusque praefecturae praesidem ratiocinarentur, unde uiuerent: cisq; mors inferretur, qui non facerent. Quod utinam nostro quoq; seculo obseruaretur. Non tot passim nequam, & nihili reperirentur nebulones, quot ubiq; ferè gentium reperiuntur: quibus nullum est aliud negotium, quàm ut prona, & obedientia uentri peccra, toto die crapulari, aut alienae insidiari uitae. Quorum perditos mores quotiescunq; memoria repeto, uidere uideor desolatam, & multis madentem lacrymis Iustitiam, quae & principum negligentiae irascatur, & scnatum iam sepul-

tum



tum somno, aut conuiuentem arguat. Et nisi obuiam ab omnibus properè catur, resistaturq;: pullulantibus abunde flagitijs, intantum se propagabit iniquitas, ut nullus sit futurus uirtuti locus. Actum erit de bonis moribus, exulabit probitas, & improbitati ius relinquetur sedendi in Orchestra. Pròinde Corneli, si me amas, (ut amas) caue, ne eorum numero adscribaris, qui naturam sui partus pœnitere faciunt, & antiquissimum illud chaos confusis adhuc elementis appetere. Da operam, ut quum parètes tui perrogabunt quid profeceris, dignus reperiare qui uiuas, & quem ament. Hoc si feceris, neq; te pigebit fecisse, neque illos bene de te meruisse. Vale.

## EPISTOLA

XXXIIII.

Natura frè comparatum est, ut quò quisq; maiore doctrina, hòc & superbiat magis, & supercilium seucrius contrahat. Nec sanè mirum. Nam & uolucris quò plures sunt plumæ, hòc sublimius in auras efferuntur. Et pauones hòc sese miràtur magis, quò latius flabellum profèriunt. Sed est hominum genus, qui quum sint elementarij, & bonas literas ne à limine quidem salutarint, se tamen omnium primos (si dijs placet) haberi uolunt. Feruntq; egrè, quòd non æstimètur pluris, & quòd quaqua- uersum transierint, transeuntibus non assurgatur: Cuiusmodi erat nescio quis magistellus & grāmatisa, qui audiente nuper idiotarū & uetularū turba, multis fabulis strepebat immodicè, ut importunis illis cōmentationibus populo esset admirationi, & magnam doctrinæ opinionem sibi mercretur. Huc ergo quum eius uidendi causa certatim omnes conuolarent, cœpi protinus percontari, quid illud esset: Eodem omnes ore responderunt, alterum, & mundo redditum Ciceronem. Tūc ego cum reliquis accessi, ut

percōtarer, uerum esset, ne c'ne, quod de nebulone sibi persuaserat uulgus. Sed, dii boni, quàm nihil inueni quum accessi proximè. Vix orationem proferebat, in qua non tot essent barbarismi, quot dictiones. Quum ego nugis illis aliquandiu fatigatus pertæduissem, temperare mihi non potui, quin eum sua sede disturbarē: quod quum fecissem, parum abfuit, quin delusa nugis plebecula in me saxis irrueret: tot iam ille fumos uendiderat turbæ, tot ueneficijs uniuersum excātauerat theatrum. Quod quotiescunq; memoria repeto, non possum nostro seculo non irasci, cui non sit aliud in doctorum literis discrimen.

## E P I S T O L A

XXXV.

**P**lerumque mihi doluit, quod conueniendi tui nulla sese offerret opportunitas. Eram enim nescio quæ tibi dicturus, in rem tuam magnopere spectantia. Paucis abhinc diebus, pater audiuit te uoluptatibus irretitū usqueadè, & illaqueatū, ut iam uirtutes omnes aspernatus fueris, ac æstimaueris nihili. Vale.

## E P I S T O L A

XXXVI.

**E**st genus hominum, quorum utilitati dum consulitur, se præbere grauantur dociles, ita ut uideantur habere minus cerebri, quàm cimex sanguinis. Nihil tibi blandiar, nec oleum (quod dicitur) in auriculam tibi instilabo: sed mihi uideris unus, qui nec scelera sua uellicari, nec uiscera sibi tangi uolunt. Nouissimè quum me consuleres, ad quem uitæ scopum arcum intenderes, uetueram tibi, ne insectareris aulicos istos palpones, qui pellace uulpe benigniores, & in ostio tantum formosi, aureos montes pollicentur, & à tertio usq; iugere manus porrigunt, his tamen sepenumero fucum faciunt, à quibus amplissima susceperunt munera. Nescio qua diluendi tui sceleris fiducia

fiducia consilium meum nauci feceris: hoc ipsum tamen est tibi maximo malo futurum. Nescis quàm austerum sit inculcate uiuere, ubi probitas & uirtus exulant? In aula qui Arabicè olent, & in cute sunt purpurati, intus ulceribus & lepra scatent. Postremò uidetur ne à uirtute alienum, in multam noctem pergræcari, in alca pernoctare, ære alieno obrui, nihil non inhonestum audire? Et ne multa, nihil est non probrosum. Oportet in primis ab alterius iussu pendere. Religiosè, & ad anxietatem usq; obseruandum est, non tantum quid uerbis iubeat dominus, aut imperet: sed quid nutu significet, aut digito crepet. Aliena uiuendum quadra. Bullatis nugis aures sunt præbendæ: unicuiq; uirtuti mittendum repudium. Nihil dicendum est, quod aures tyranni grauet. Si caleat, æstuidum est, si frigeat, tremendum: & plerunq; quum diuturnam seruitutem seruiueris, si in ipsius iram impingas, ob rem nihili, ob floccos, ob uitiosam nucem te relegabit, perinde ac uilissimum Canopi uernam: nec primorum laborum stipendium extorquere poteris. Iam pridem te huius rei moueram: tamen uerba mea nihili fecisti. Si tui infortunij fueris autor, æquanimiter feras. Aequum est enim, ut faber quas fecit compedes, ipse gestet. Vale.

## EPISTOLA XXXVII.

**M**oris est mihi ubicunq; locorum uixerim, eorum semper reminisci, quorum beneficio bonæ literæ iniuria temporum prius sepultæ, reuiuiscunt paulatim, & repullulant. Nec sanè mirum, nam mea quidem sententia non minoris, (minoris autem, imò uerò longe pluris) æstimandi sunt, qui linguam Latinam à morte uindicant, & pristinae restituunt dignitati, quàm qui ciuitatibus amplissimis iugum seruitutis excutiunt, reddita libertate. Sed

Quanti æstimā  
di qui linguam  
Latinam pro-

restituunt  
ignitati.

Inuehitur in  
barbaros.

est hominum genus, qui quum rudere magis quàm loqui  
nouerint, probis eruditorum uotis & conatibus renitantur:  
timentq; ne optimæ se propagent discipline. In quos si  
reclamet aliquis, Deus bone, quibus uerborum tonitribus  
fulminabunt, quot plausura conuicijs onusta reuoment?  
Non tantum non assurgent autoribus renascentis eloquen-  
tiæ, sed facta uelut coniuratione in eos certatim confer-  
timq; dimicabunt, neq; prius concutere parietes theatro-  
rum, uerbis ue obtundere desistent, quàm sui similes ad la-  
trandum in laudabiles illos linguæ Latinæ candidatos, &  
rediuuios eloquentiæ Camillos excitauerint. Diceres esse  
Gotthorū, Vuandalorumq; reliquias, quæ in Romanam  
Rempublicā arma parare, resarcire copias, suisq; barba-  
rismis togatum sermonem corrumpere uelint. Quare autē  
uelint non uideo, nisi quod fortē uerentur, ut ne qui suis nu-  
gis idiotas prius eluserunt, & agrestibus imposuerunt in-  
genijs, redeunte Mineruæ principatu ridiculi fiant, &  
ipsis etiam contemptibiles, quibus prius fuerant admira-  
tioni. Sed longē sua spe falluntur: Nam si suscitandæ sem-  
per eloquentiæ animum adiecerint eruditi, tantumq; ope-  
ræ, quantum iam ceperunt, barbaris huiusmodi retruden-  
dis collocauerint: non est mihi dubiū, quin pudore deterri-  
ti hoc genus Gotthi, causa sua casuri, ac arena cessuri sint,  
et ad extremum sese in pedes daturi. Quod si suis ineptijs  
contenti uiuerent, neq; ceteros hominum eodem cupe-  
rent sordere luto, essent quidem ridendi, non tamen tanto  
odio habendi. Verum (quod omnium multo turpissimum)  
quum nullo non uerbo solæcissent, indignanter ferunt, nō  
omnes eadem infantiā, iisdemq; barbarismis iuuenari &  
ineptire. Et (quod magis rideas) sacras literas eo esse fato  
arbitrantur, ut cum his stare nequeat regina rerum  
eloquen

eloquentia, quasi Hieronymus, Ambrosius, Lactantius Athanasius, et alij plus sexcenti barbarè semper sint locuti, aut eloquentiam cum theologia non ita coniunxerint, ut nescias utri duarum magis debeas. Quiescite, quiescite philosophastri, nostræ omnium aures uestris iam delicijs cal lent. Magno uobis malo futurum est, nisi à suscepto in lite-  
 ratas literas bello pedem retuleritis: nam ut numerosas Xer-  
 xis copias paucissimæ Græcorum turmæ pepulerunt: ita et  
 paucule eruditorum ceterum infinitas uestre gentis Van-  
 dalicæ myriades nullo negotio et uictoria expugnabunt  
 incruentæ. Ridiculum est quod publico exclamatis theatro,  
 renasci hæreses, Antichristos surgere, fidem catholicam  
 ruinam minari. Qui (malum) religionis hostes reuiuiscunt?  
 hi ne qui ex Græcis ad uerbum docent Latina? Quia  
 erat fides, quis eam commouit? Vos plebeculam in re ni-  
 hili concitatis, ut eruditis terrori sitis: monstra confingi-  
 tis, quæ nec fuerunt hætenus, nec posthac sunt futura:  
 neque est quisquam, cui à satyris uestris securo esse liceat,  
 quicquid loquacitatis uestre retia possit declinare, quum au-  
 diente uetularum turba sermocinamini: ceu uerò ad seren-  
 dum ocymum sitis nati, et maior quædã maledicendi liber-  
 tas uobis, quàm ceteris mortalium sit concessa. Quod si  
 quisquam reluctari satagat, aut eadem tragula uos refri-  
 gere, tantisper illatrabitis, dum rudi uulgo persuaseritis,  
 cum uel ceruicem matris rupisse, uel in patrios minxisse  
 cineres. Et (quod peius odi) neminem putatis dignum,  
 qui uestra uestigia (si dijs placet) lambat et osculetur:  
 quasi uerò legitimi sitis naturæ filij, nos spurij tantum:  
 aut sit aliquid in uobis doctrinæ, quod nemo quisquam  
 sperare audeat. Si eloquentiam creditis uiliorem, quàm  
 cui uacari debeat: respondebo uos similes esse procis Pe-  
 nelop

nelopes: qui quum dominam assequi non possent, ad ancillas diuertebāt. Vos quoq; infirmitatis uestre conscientia deterriti, quoniam ad eloquentiam, ut ad solem noctuæ, caligatis, ad quæstiones quas Fabius Ceratinas uocat, crocodilinosq; diuertitis syllogismos. Quos tametsi uestrum pleriq; inutiles fateantur, neminem tamen habendum in pretio putabitis, qui futiles hoc genus nugas nesciuerit. Nunc (ne multis agam) si sapitis, ueteris insolentiæ cristas retundite. Secus, non deerunt qui tanti fastus peritæ si, acutas sibi sagittas esse, suis uulneribus sanguinem sequi, se domi urbinam habere (ut uos macharam) doceant, testeturq; non esse defendendā glandē, reperto iā tritico.

## E P I S T O L A XXXVIII.

**E**GO quum rerum tuarum studiosus, tuiq; longè amantissimus semper fuerim, nec ullum obsequiosi hominis officium tua in re prætermiserim, speraui, immò uerò intrepidè mihi sæpenumero pollicitus sum, te mei perpetuò fore memorem, ac si quando nouercantis fortunæ Boreas mihi insultaret, eum te fore, qui in accepti beneficii hostimentum primus adiutricem manum mihi porrigeres. Sed, dii boni, quàm longè mea me fefellit opinio, dum te mei memorem expectaui, qui tui dememineris: dum, inquam, te rebus meis adiutorem speraui, qui tuarum, plerisque mirantibus, imò uerò illudentibus, nunquam satagas: quin omnia, quæ multo parentum sudore tibi parata sunt, auide consumas, & cum flagitiosis hominum corruptissimorum gregibus uniuersum patrimonium stultissimè profundas, & quod longè deterius & ab humanitate magis alienum uidetur, patris defuncti obliuiscare, cuius uiuentis labor tibi omnia peperit: qui te suauissimè educauit, effusis charitatis habenis amauit: tibiq; omnia quæ ad bene & beatè



beatè uiuēdum pertinebant, ubertim semper, & ambabus suppeditauit manibus. Cui iam capulo instanti, & (quod dici solet) alterum pedem in cymba Charontis habenti, fidem dederas, te annuis parentalibus, ac sacrificijs Deo immolaturum. Quinetiam dum mortui cadauer per sandapilarios efferreretur, ciulabas, uociferabaris, & ad rauim usq; clamitabas, ita ut pro eo uitam pacisci uelle uidereris. Nūc autem, ubi fides uiuenti præstita? ubi simulata pictas cadaueri exhibita? O ingrata mentis iuuenem: O perditissimum adolescentem. Nihil sanè iam conqueror, quòd meidememineris, quem parentis cepit obliuio. Iam quoniam in nequitia tua ita occalluisti, ut lapideam magis, quàm humanam uidearis effigiem indutus, pluribus te uerbis hortari desistam. Viue ut lubet, egeris quæ uolueris, profundas, perdas, pereas, nihil ad me futurum. Sciueris tamen ex Pittaci sapientis dicto, tales te habiturum liberos, qualem erga parentes te præstiteris. Vale.

## EPISTOLA XXXIX.

**P**olitioris literaturæ uiri, multaq; lectione exerciti, qui de liberis educandis libros ediderunt, benè & doctè mihi instituisse uidentur, ut infantibus adhuc uagientibus studiosæ adhiberentur nutrices, quæ eos cibis mollioribus, utpote lacticinijs suauiter pascerent: ne si duriusculos ori tenero fortasse inculcassent, flaccidæ adhuc & bulla fragiliores maxillæ, dentibus immunes non frangerent, aut molliores pepone stomachi non decoquerent. Cautè siquidem obseruarunt tenellum corpus uix bene compactum, esculenti paulò asperioris non esse capax. Hunc ritum, qui de erudiendis pueris aliquid reposuere, itidem obseruari uoluerunt, ut uidelicet rudibus crudisq; ingenijs, quæ sunt ueluti tabula rasa, in quâ ni-  
hil



bil depictum est, præficerentur uiri moribus non minus  
 quam doctrina cōspicui: qui nutricibus nihilo asperiores,  
 ipsos primis literarum eduljijs, utpote minutulis elementis  
 imbuerent, atq; animum uirtutibus p̄inde ac doctrina  
 formarent, excolerent: non ignorantes eos arduis oneri-  
 bus non sufficere, quorum uires modicis etiam rebus suc-  
 cumberent: eos prætereà maioribus disciplinis nō esse ido-  
 neos, qui in ipso uestibulo deficerent. Cognitis demum ele-  
 mentis linānaribusq; literis, grammatices rudimenta stu-  
 duerunt his inculcanda, quò facilius orationem gramma-  
 ticam, licet ornatu & cultu immunē, contexerent. Quod  
 ubi facere tam probè sciuiſſent, orationibus partim solutis,  
 partim pedestribus, leporum & uenustatis succo affatim  
 delibutis, componendos uoluerunt: ut imitatricis instar  
 simiæ, alienis inhererent uestigijs: quodq; ab alijs factum  
 inspicerent, ipsi facere, aut saltē æmulari à tergo, & emi-  
 nus conarentur. Hoc uno motus argumento, quum pridie  
 huius diei audissem Petroni charissime, te ad artis dialecti-  
 ces studia remis uelisq; aspirare, non potui ut utilitatis tuæ  
 semper studiosus, quin id desiderii literis conarer excute-  
 re, difficilimū factu suspicatus, te illius succos ebibere, qui  
 aliarum artium parentis riuulos uix bene labellis primo-  
 ribus degustaueris. Nec enim te latet, caduca & fragilia  
 architectorum fore ædificia, quorum debile fundamentum  
 extiterit. Agedū ergo, priusquam immaturis condescēdas  
 affectibus, sagaci examine perpendas, quid tibi sit utile:  
 neq; quicquā pares extruere, priusquam stabili fulcro il-  
 lud solidaueris. Futurumq; dubio procul expecta, te à cū-  
 ctis artibus lōgè exulaturū, si hanc à te floccifectam pro-  
 scripseris, proscriptam floccifeceris. Cui enim, per deos  
 immortales, idoneus uideberis disciplina, si hanc (gram-  
 maticen

maticen dico) ignores? Quid ad stomachum tuum faciet riuus, cuius fons tibi odiosus fuerit? Eris Iuris Ciuilis aut Canonici peritus, qui Latinarum dictionum sensus ignoraueris? Callebis phyzicas rationes, qui uerborum etymologiam nesciueris? Extricabis difficiles sophismatū mæandros, qui apertissima quæq; explanare nequiueris? Scrutaberis cœlestes & altissimas Astrologiæ, aut Theologiæ causas, qui quæ infima sunt, & pedibus tuis uicina contemplari nesciueris? Degustabis arborum, herbarum, unguentorum, ac radicum succos, cui odiosa fuerit primarū literarū delibatio? Aliorū morbos unguentis aut antidotis repelles, qui tuæ ignorantie remediū adhibere neglexeris? Declamabis in Senatu, aut ages in theatris, priusquam in schola loqui didiceris? Alijs ne persuadebis, qui quæ tibi præuides utilia, suadere nequiueris? Perp̃de uelim, & in memoriam aliquantisper reuoca ex maiorū annalibus, quàm frugifera, quàm utilis, quàm iucūda sit artiū humanitatis lectio: cuius amœnitas, lepos, suauitas Italos (à quorū scatebris linguæ Latinae rorē primū constat emanasse) ita pellexerit, ut parum grauātē tulerint cæteras omneis disciplinas à se reijci, & eliminari: ut has obuijs uulnīs amplecterentur, harū odorē assiduis naribus olficerent, saporem lingua inexplebili degustarent, uenustatem labellis arctissimè cōpactis deoscularentur. Quotusquisque enim Philosophus aut Sophistes in ipsis etiam Italiæ penctralibus comperitur? Quot illic Medicos, quot Astrologiæ peritos, Quot Iureconsultos inuenies? Nullos sanè, aut paucos. Contrà uerò, poëtarum nominibus ciuitatum compita ebulliunt. Rhetoribus ac declamatoribus uix theatra sufficiunt, grammaticos non capiunt scholæ. Historicorum uerbis passim locorum compita fulminant.

Italīs gratissimā artiū humanitatis lectio.

ali sermonis  
latini parētes.

Nouus quotidie Scruius, nodosos enodat. Nouus assidue Valla, muscosos emungit, & (ut semel dicam quod sentio) laudanda uidetur Itatorum Latini sermonis parētum constantia: qui (quod has artes ceteris iucundiores semper credidere) ab earum castris nunquam defecerint. Legimus oratorum principem prouectæ iam ætatis Tullium, Rhodijs præceptoribus sese recoquendum tradidisse: quin & easdem artes à priscis regibus tantopere excultas, ut liberos suos præceptorum ferulis ac flagris perinde ac infimæ sortis, aut conditionis peregrinæ puerulos submittere uoluerint, ipsosque institutores amplissimis plerumque muneribus cumulauerint. Sic Marcus Antoninus Imperator, Frontoni Philosopho, quem dicendi præceptorem habuerat, statuam erexit: sic Scipio Africanus Ennii statuam sepulchro suo imponi, sic Archelaus Euripidem sibi conuiuium adesse, sic Traianus Romam ingrediens Dionem Prusium curru suo donatum honorari, sic Ptolemæus Philopater templum Homero dedicari uoluerunt: Sic denique (ut à peregrina ad domesticam transcamus historiam) Clotharius Sadragefillum ludimagistrum (quod Dagoberti filij sui pædagogus esset) ducatu Aquitanico donauit. Hæc & alia permulta quæ deduci possunt testimonia (ut opinor) sufficiunt, quæ artes humanitatis attentius excolendas, in animum (nisi lapideus fueris) inducāt. Verbis meis igitur acquiescas uelim, qui nihil tibi non utile, non frugiferum consulam. Id ubi feceris, meo in te amoris, licet infinitus propè fuerit, plurimum incrementi adiectum periclitabere. Vale.

Clotharij libe-  
ralitas in filij  
ui pædagogū.

## E P I S T O L A

X I.

**R**Em à me tibi frugiferam, nedum iucundam semper factum iri opinatus, si parentis instar quod ad animi tui

mi tui cultus & morum honestatem pertineret, dictum tibi legendum, ac pro suauiſſimo delibandum eſculēto proponerem: ſtatui apud me breuiſſimis ſepenumero eodiceſſis (quoniam id etiam quotidiano penē conuicio efflagitabas) quid tibi laudi, quid utilitati futurum, contrā quid honori tuo fuliginem & tenebras inducturum, aperire: quō certius meæ in te beneuolentiæ, licet tibi tuis unguiculis notioris, periculum adhuc facias, Feciſſe autem operæ pretium uidebor, ſi prius omnes in te uitiorum fauillas ſunditus extinxero, quā te ad uirtutis ſtudium inflammare ſtudeam: ſi inquam, docti agricolæ inſtar, prius tribulos, lolium, carduos, & urticas radicitus extirpauero, quā purgaſſimum, & purum tritici gramen ſulcis immittam. inter cætera, quæ nomini tuo magnopere officiunt, primas ſibi uēdicat Ebrietas: quam ideo primum eliminādam cenſui, quōd ea rationis uſum hominibus excutiat, uitij omnibus incrementum præſtet, uirtutibus ortum & nutrimentum impediāt. Hinc eō facilius clauſtris tui corporis interdicerē ſperaui, immo & mihi ſum pollicitus, quōd non ignores uinolentiam tabificum multis uenenum fuiſſe. Quis enim neſcit, florentiſſimis ciuitatibus & opulentiſſimis earūdem incolis pernicioſam & exitialem fuiſſe? Quis enim neſcit Troiam multis antē temporibus inclutabilem, & Martis rabie indomabilem, ſepultis uino Phrygibus captam fuiſſe? Quis ingentes Rutulorum copias à Niſo & Euryalo præter uindictam iugulatas? Romam à Brenno Senonum duce, obrutis Baccho ciuibz incendio datam? Fuit ne & contagioſa ſummis etiam principibus hæc temulentia? qua autore Antiochus magnus hyeme tota in uino & uenere contrita proſligatus, Olofernes à Iudith muliere interemptus, Polyphemus ab Ulyſſe excæ-

Incommoda  
quāta ex uino  
lētia oriantur.

catus, Deiphœbus à Menelao interfectus, Alexander ab Iola pincerna ueneno potus, Cynaras filia incestu contaminatus, Bonosus imperator à Probo superatus, ac suo sibi laqueo iugulatus: Athamas, Learchi, Agauæ, Penthei filiorum sanguine polluti. Anacreon acino uuæ passæ suffocatus. Lacides philosophus nimio hauſtu obrutus, Cyampus à Cyane, Armytus à Medullina filiabus occisi creduntur. Infinita propè testimonia quæ inexhausto orationis stylo mihi suppeditantur, in medium cuocarem, nisi hæc satis esse arbitrarer, quæ uel temulentiam omnem tibi adimerent, aut saltem aliqua ex parte refrigerarent. Perpende uelim, & apud te sagacius paulò contemplare, quid inde ueneni pullulet, quanta exhaletur mephytis. Obruti uino sensus hominem gliribus somnolētiorem efficiunt, è gradu mentis deiiciunt, & rectam tollunt de cardine mentem. Resipisce igitur, & ab hoc exitiali ueneno linguam reuocæ: aut si factu tibi uideatur difficile, eo prorsus abstine quod tādīu tātōpere dilexeris, ne saltē scythises, id est, Scytharum morem imūtere, qui ne ctar uel meracissimū Acheiloio poculo nunquam diluunt: quin (ut scribebat Androcydes Philosophus ad Alexandrum) memento quum uinum potas, sanguinem te bibiturum: nam cicuta homini uenenum est, cicuta uinum: hoc est, consydera, quanta uini uis sit, ut ueneni sit uenenum. Vale. Datum ex ædibus nostris pridie Calendas Decembres.

## E P I S T O L A

## XLI.

**F**Acit tua in omneis uel ignotos comitas nedum in liberos humanitas, pater colendissime, ut quamuis præter hoc corpus, & quicquid in eo est, tanta semper abs te suscepimus obsequia, plura semper dietim appetere nō erubescamus. Quinetiam ita natura comparatum esse non  
ignor

Liberorū spes  
in parētib.

ignoramus, ut (autore Vergilio) Omnis in Ascanio chari  
stet cura parentis : Contrā uerò liberorum spes omnis in  
parentibus, ueluti nautæ refugium in anchora constitu-  
ta permaneat. Audaciores igitur paulò in his quæ utilio-  
ra nobis fore conspiciamus, uel ob id unū facti sumus, quòd  
pictorem in excolendis morticinijs, imaginibus, simula-  
cris fictilibus sensu & anima uacuis, non auro, non ar-  
gento, non deniq; pretiosissimis parcere pigmentis con-  
spiciamus. Validius igitur argumentum cum nobis uisum  
sit, nec patrem in excolendis suis animatis imaginibus, de-  
bere facultatibus parcere, intrepidè quæ ad ingenij nostri  
nedum corporis cultum pertinent, exposcimus, te nibilo  
in his quæ ad ornatum nostrum spectant pictore tenacio-  
rem expectantes. Ne autem diutius te pendulum remore-  
mur, lucidius quid uerba hæc nostra uelint aperiemus.  
Defecimus à primo præceptore, quem dum rusticaremur  
mensæ tuæ conuiuam adhibuisti : nunc sub alio militamus,  
primæ itidem classis præfecto : qui discipulos solutæ par-  
tim orationis uenustate, historiæ partim flosculis expolire  
satagēs, Fabium Quintilianum, & Cæsaris commentarios  
assumpsit legendos : nec tamen ita assumpsit, quin reuo-  
cato calculo faciliè recantet, si alios ad stomachum tuum  
& palatum magis facientes eidem legendos iniunxeris.  
Hos tamen præ cunctis elegit, quòd Quintilianum, licet  
mendosum & maculis scatentem, ab omnibus laudari, Cæ-  
sarem ut historiæ domesticæ scriptorem, à paucis, imò nul-  
lis reprobati uideat. Ne autem à maiorum uestigijs ab-  
errare, & (quod triuiali fertur adagio) cornicum oculos  
cōfigere, & sexagenarios de ponte deiicere uideretur, sex  
nouissimos Aeneidis Vergilianæ libros explanandos, &  
ad finem superis arridentibus deducendos accepit : testatus

Cornicū oculo  
los cōfigere.



Lucanum, Silium, & Statium ut duriusculos, Mantuani  
 carmē, ut paulò flaccidius, à plerisq; nō usquequaque pro-  
 bari: unum Maronem heroici carminis scriptorem, ab o-  
 mnibus nullo reclamante laudari, amari, deosculari. Nunc  
 igitur pater æquissime perpendas, uideatur ne utilis ho-  
 rum autorum lectio, quam si probaueris, da operam, ut  
 condiscipulis proficientibus oscitantes non pigritemur, pi-  
 gri non oscitemus, sed emptis actutum codicibus, ceteros  
 omneis cursu & lectione præuertamus. Vale.

## EPISTOLA XLII.

**S**tomachum mihi aliquantisper mouit, ac bilem exci-  
 tauit multicida illa uerborum tuorum licentia: qua me  
 ut merulentum & uino marcentem, & (quod dicitur) ad  
 ambas usq; aures ingurgitatum, seuerius incessuisti: mo-  
 uissetq; acerbius paulò, nisi indubitata fide mihi comper-  
 tum esset, te non morbo animi, aut liuoris stimulo ductum  
 id egisse, quin potius, ut me tibi iampridè obnoxium, am-  
 pliori semper obsequio demerereris. Ego sanè inficias neu-  
 tiquam iero, me præter modum uinolentiæ deditum fuis-  
 se: ea tamen in re culpæ meæ ueniam eò facilius me exora-  
 turum spero, quòd non ignores, neminem tantæ esse pro-  
 bitatis hominem (fuerit licet dijs ipsis proximus) cuius ui-  
 ta aliquantulis uitiorum tenebris nō obnubiletur. Aeneam  
 sua commendat pietas, dedecorat proditio. Alexandrum  
 bellica uirtus extollit, deprimat ebrietas. Salomonis pru-  
 dentiam quisque laudat, lasciuiam nemo non uituperat.  
 Neque tamen propterea licere mihi existimo, ut sceleratis  
 aliorum uestigijs impune adhæream: uerum id unum sum-  
 mopere abs te oratum uellem, ut conuicijs aliquantò mi-  
 tioribus me increpares. Non sum pectoris adeò obtusi, ut  
 uerbis humanis non mollescam. Ceterum quoniam me à  
 potu



potu nimio multis & immodicis sermonibus deterruisti:  
 te deprecabundus postulo, ut prolixiore orationis stylo  
 mihi adaperias, & enarres, quid contraria ebrietati &  
 crapulae Temperantia utilitatis afferat. Secus haud faci-  
 le mihi persuasero, fugiendam esse prorsus uinolentiam:  
 quam semper (absit tamen uerbis tuis contraniti) non so-  
 lum iucundam, sed & utilem mortalibus existimaui: nec  
 existimaui tantum, sed ex recepta fidei autoribus, in o-  
 mni doctrina locum facile principem obtinentibus colle-  
 gi. Ennius in primis, si Horatiano testimonio succinere, &  
 calculum adijcere uoles, micro despumās ad carmen prom-  
 ptior extitit: quin & Cratinus asserit, nulla placere diu  
 nec uiuere carmina posse, quæ scribuntur aquæ potori-  
 bus. Mnestheus quoque uinum animæ & corpori robur  
 addere testatus est. Quod si horum testimonia, quod pro-  
 fani fortasse autores tibi uideantur, susque de que tuleris,  
 Christianæ religionis cultorem Baptistam Mantuanum  
 tibi obijciam, qui Faustum pastorem ita loquentem in-  
 ducit:

Ennius nisi po-  
 tus, carmina  
 scribere nō so-  
 lebat.

Vina sitim minuunt, animique doloribus obstant:

Vina ut amicitias, uires ita corporis augent:

Funde iterum, potare semel, gustare: Secundus

Colluit os potus: calefacta refrigerat ora

Tertius: arma siti bellumque indicere quartus

Aggreditur: quintus pugnat: uictoria sexti est:

Septimus (cenophili senis est doctrina) triumphat.

Ne igitur laborem tuum hac in re mihi adhuc deneges,  
 quin ubi crastina fulserit hora, epistolam ad me remittas,  
 qua lucidius omnia uerbis complectare. Caterum pridie  
 huius diei ad aures meas peruenit, te libris affluere com-  
 plusculis, quos ut minime tibi idoneos nunquam reuoluas:

sed in scrinijs putrescere, cum blattis ac tineis rixari permittas: hos uelim properè ad me curares deferèdos, ne nò sit quo corporis & ingenij mei uires exerceam. Vale.

## EPISTOLA

## XLIII.

**V**ix satis (ut opinor) uerbis exprimi posset, in quàm profusum ac uehementem risum me uel inuitum traxerit nouissima, quam ad me dedisti epistola, notissimum sanè tuæ cæcitatæ argumentum præferens, longeq; notius exhibitura, si ita semper cæcutire, hallucinari, ac desipiscere, ut occæpisti, pergat. Ego uerbis quàm fieri potuit humanis satis, ut opinabar, studueram te à uinolentia, cæterisq; permultis id genus flagitijs deterrere: quòd certò scirem, nullum ad uirtutes, non eradicatis à stirpe uitiorum fomentis, aditum mortalibus patère: mihiq; adeò præter scrupulum pollicebar, te in meam sententiam non pedibus modò, sed manibus quoq; ac toto corpore descendurum. Verùm quis ne oleum & operam perdidisse non fatebitur? dum te ab his, quæ perniciofa fore tibi conijciebam, diuertere studui: ad ea quæ profutura opinabar hortatus sum: cui uerbis meis, ut aliquanto asperioribus, ac consilio, ut importuno, parum fuit non acquieuisse, nisi & reprobanda quorundam Epicureorum testimonia ad uinolentiæ tuæ & erroris fulcimentum adduceres: quasi uerò delicti causam expurget erroris alieni testimonium, cæcisq; uisum restituat alienæ cæcitatæ probatio. Sed Christianæ religionis cultor Mantuanus uinolentiam probauit, qui septimum etiam haustum non deneget. Perpende uelim prius, quàm quicquam crudum, & impræmeditatum euomas, quem nam pastorem his uerbis inanibus effutientem induxerit: non ne, quæso, ut idiotam & consilij prorsus immunem? quòd sciuerit, quæ à rusticis nihil præter

præter aratrum redolentibus efferruntur, à sapientibus non pluris, quàm uentris crepitum aestimari. Videberis igitur agresti plus quàm ingenio natus, si rustici pèrinde ac grauiissimi Catonis, frontis rugosæ uiri, probaueris dictum: eo quòd ad nequitiam ampliorem (quod dici solet) fenestram tibi patefeceris. Quoniam autem efflagitas, ut amplioribus uerbis tibi aperiam, quid contraria crapula, & corporum uoluptatibus temperantia utilitatis aut laudis afferat: Notius id (ut opinor) tibi fuerit, si prius apud te mediteris, quid infamiae, quid probri, quid ignauiae afferant turpissimæ ac mellitæ uoluptates: quas (ut ait Cicero) qui sequitur, nomine tantum homo, re autem belua dicendus est: cuius sit proprium corpori inseruire, & his solum uoluptatibus quas tum è pastu, tum è uentris querit rebus. Turpissimum enim est genus hominum illorum, qui in uentrem proiecti ac libidinem, ueluti sues coeno uolutantur. Nihil est ergo quod ignores, hominem tantis laudibus ob temperantiam effrendum, quanto probro ob uoluptates illas, quibus semper pœnitentia subsequitur comes, depressum esse conspicias. Temperantiam (nisi cornea fibra, aut iecur adamantinum, roburq; & æs triplex circa pectus fuerit) ut laudabilem probabis, si diligentius obserues, quantam plerisque mortalium celebritatem, aut, ut uerius loquar, immortalitatem peperit. Non ignoras, communi omnium suffragio perpetuis laudibus efferrì Masinissam regem Numidarum, quòd centesimum suæ ætatis annum agens, semel tantum in meridie cibum sumpserit: ut milites suos ad temperantiâ suo induceret exemplo. Romanorum historijs Curium cælo tenus efferrì conspicias, quòd holusculis contentus uiueret. Lycurgum nonne regem ubiq; gentiû nominari, quòd abstemius uixerit? Alios item

Temperantiæ  
encomium.

propè infinitos per ora hominum uolitare, quòd sibi hac peste interdixerint? Cogant te igitur ad resipiscendum uirtutis præmia, aut à flagitio deterreant scelerum opprobria. Non me præterit, difficile admodum esse, contemnere uoluptatē iam nobis insitam, & quæ affectuum nostrorum semper sequatur comes. Possunt tamē sensim uitiorum fomenta extinguī, quæ momento uno extirpari nequeunt. Sed de his hætenus. Expetiueras nuper, ut libros, quos in scrinio putrescentes cum blattis tineisq; rixari permittebam, ad te curarem perferendos. Curavi: quòd etiam, licet ab ostentatione procul positos, utiles tamen tibi fore suspicabar. Ego ubi maiore paulò studijs meis quietem impetrauero; ad te maiora dare constitui. Hoc tu iterum boni consulas. Vale.

## E P I S T O L A

## X L I I I I.

**A**sfiduis (ut accepi) lacrymulis faciem humectas, curis edacibus animū corrodis, uerberibus crebris corpusculum diuerberas, unguibus insanis faciem deformas, quòd natum eximio literarum amore flagrantem, (cuius prima ætas iter ad ingenij lumen manifestum ostendebat) fatali iaculo percussam amiseris. Quod sanè audire, nedum perpeti, difficile admodum mihi uisum est: parumq; absuit (ita me stimulabat noui doloris rabies) quin interdum uulneribus inhonestis me mordicus mutilauerim: idq; (ut opinor) fecissem, ni muliebrem quandam ciulationem olim parentum & amicorum obsequijs interdictam, lege cautum fuisse me monuisset Cicerō. Ad id me urgebat indoles pueri eximia, mores probatissimi, & ingenuus pudor. Verū cum apud me sagacius paulò consyderauī, stultum esse (ex Senecæ dicto) id timere, quòd uitari nequeat, lacrymis temperaui: quod ut facias,

tultum est timere quod uitari nequeat.

cias, monitum te uelim. Nosti certius, quàm ut moneri de-  
 beas, mortales omnes, & si serius, morituros: tamen Par-  
 carum ordo stat immobilis, fatum ineluctabile, immutabi-  
 lis rerum dispositio. Surdas esse mortis aures, saxum pe-  
 ctus, ineuitabile telum conspicias. Nihil est ergo quòd  
 te diutius animi excrucies, nihil quòd uehementius indo-  
 leas, nihil quòd amplius Deos & astra uoces crudelia.  
 Esset hercle quod meritò posses conqueri, si mitius cū cæ-  
 teris mortalium, quàm cum nato tuo factum conspiceres:  
 Esset quod iustè mortem ut iniustam accusares. Verùm  
 (ut ait Tragicus) est omnibus æqua: non superbificis regū  
 diuitijs magis, quàm lacero mendicorum panno flectitur:  
 nec frequentius casas & tuguria, quàm turres & castra  
 ingreditur, et expugnat: nec magis Iro, quàm Cræso, Cu-  
 rio quàm Augustis se præstitit inimicam. Non hanc fu-  
 catis declamationibus oratores, suauidicis carminibus  
 poëta, promuscuis pharmacis aut unguētis medici ac my-  
 ropola, teretibus lanceis equites, pennatis mīsilibus striz-  
 ctis uē mucronibus pedites, gēmatīs coronis imperatores,  
 non deniq; cuncti mortales rebus ullis mortem effugiunt,  
 aut terrent: neq; sanè honestius aut sublimius Regi, quàm  
 pastori domicilium præparat,

Quantum quisq; sui metitur corporis umbra

Impendet terræ: maiorem non parat urnam

Principibus, quàm pauperibus, rudibus uē bubulcis.

Quin & urbes fortissimis munitas propugnaculis, tem-  
 pla uarijs extructa marmoribus, aulas Attalicis decora-  
 tas tapetibus funditus demolitur, euertit, dissipat. Quū ni-  
 hil igitur intactum relinquat, cui suæ acerbitalis uirus  
 non propinet, quod suo non fodicet telo: furorem mode-  
 rare, bilem cohibere. Erat (fateor) quem lugēs facili natus

Minerua, multaꝫ iam lectione exercitatus, ita ut prospere cum Latinis actum esset literis, si superuixisset. Quum tamē fatalis necessitas ita exigat, ut unumquenq; aliō migrare expediat: eius transitum uultu sereno ac minimē supercilioso perferre debes: quin etiam felicē illum censere, quōd non repentino (ut pleriq; à Plinio enumerati) obitu decesserit: sed diluta ac expurgata longo examine conscientia: quanquā nihil (ut conijcio) seuerā dignum scutica, breuibꝫq; Gyaris, & umbrarū carcere dignū perpetrauerit. Quōd si tantus animi tui dolor nullis uerborū aggeribus queat mansuescere, alienae saltem constantiae exempla te moueant: Anaxagorae in primis, qui audita filij morte, nihil sibi nouum nuntiari asseruit: quōd ex se natū mortalem sciret. Pericles item, qui duobus filiis intra quadriduum spoliatus, iisdē diebus uultu non magis moto, quā si fuisset dura silex, aut Marpesia cautes concionatus est. Aemilij Pauli, & Xenophontis postremō, quorū huic sacrificiū agenti quum nuntiatum esset, alterū ex filiis natu maiorem in acie cecidisse, coronam tantum deposuit: percontatus demum, quonam modo cecidisset: ut audiuit fortissime pugnantem interiisse, depositam capiti coronam reposuit, numina testatus, se ampliorem ex filij uirtute uoluptatem, quā ex morte amaritudinem sentire. Ille dum quarto ante triumphū suum Macedonicum die alterū filiorum amisisset, alterum demum tertio post triumphū, id est illam equo animo tulit. Id erat quod te monitum uolebam, & à te precario factum expetebam. Vale.

## E P I S T O L A

## XLV.

Saepe & multum apud me dubitauī, liceret nec ne, ad Deos uelut ad anchoram & asyllum semper in aduersis confugere, quorum suppetijs & patrociniū iam plerunq;

Qui tulerint  
fiorū mortē pa  
tenter, conu  
merantur hīc  
nonnulli.



runq; fuerimus adiuti: atq; eò magis, quòd beneficium qui  
 dare nescit, (inquit Seneca) iniuste petit: sitq; ingrata, &  
 minime generosa mentis, accipere semper, lagiri nūquam.  
 Fecit ea res ut nouo emergente scrupulo, qui malè me ha-  
 bet, consilij tui suppetias adhuc emendicare diutius & cū-  
 ctanter erubuerim: quū iam tua beneficia in me tanta ex-  
 titerint, ut si uitam pro tua unius dignitate profunderem;  
 uix partem minimam uiderer affecutus. Quum tamen mo-  
 nuit me Tullius, grati esse animi, ei multum uelle debere,  
 cui iam plurimum debeas: tanti, tamq; prudentis uiri dicto  
 audacior paulò factus, timorē exui: neq; adhuc turpe exi-  
 stimauī, ad te ueluti Mecœnatem beneficum recurrere:  
 qui si meritis tuis respondere, aut gratiam referre nequeā,  
 agere saltem non desistam: eosq; imitabor mendicos, qui  
 quum acceptæ stipis mutuum referre nequeunt, beneuola  
 uerborum actione rependunt. Is autem scrupulus qui me  
 cordicitus uulnerat, nocturnū somnum mihi adimūt, seuerā  
 faciem mihi exasperat, meq; propè dixerim de gradu dei i-  
 cit, talis est: Insurgit in me rabiose loquacitatis, & conta-  
 giosae uirulentiae clamosus quispiam detractor, ac pestifer  
 libitina, satyricis armatus aculeis, telaq; uipereo sanguine  
 tincta gerens. Quem nec uerbis à me læsum, nec iniuria  
 affectum (testes uerborū meorū Deos inuoco) putauerim;  
 sed (quod nunquā sibi persuasit) plerunq; nūris extulerim  
 præconijs, meisq; rebus, ac modica supellectile quantula-  
 cunq; fuerit, si egiisset, uti uoluerim: is tamen, ut norūt o-  
 mnes, passim locorū canina utens facundia, nomini meo il-  
 ludit, genuino dente me mordicat, indelebile stigma mihi  
 inurit. Hūc diceres quotidie totū perlegere Archilochū:  
 quod sanè perpeti, difficilius, ac molestum magis uidetur,  
 quàm qua me accusauit culpa ipse uacē, simq; eorum, quae  
 mihi



Chilonis præ-  
ceptum.

mihî impingit, minime cōscius. Si ulla uerborū petulantia à me præter hanc fuisset irritatus, immeritò sanè uiderer conqueri: qui paterer telis uulnera facta meis. Quū præsertim Lacedæmonius Chilo præceperit, Proximo nō maledicas, si non uis malè audire. Verū (repetere cogit doloris rabies) nunquam quicquam usquam à me factum dictum uel existimo, quare ita in me stomachari, succensere, inuehi, ac scuire debeat. Id tolerandum nec ne fuerit, non satis scio. Tolerarem, nisi tacendo culpam præstare uiderer: nisi etiā ab hoc me diuerteret Publij mīmographi poetæ, uerbum scribentis, Veterem ferendo iniuriam, inuitas nouam. Te igitur plus, quàm dici queat, oratum uelim, ut ubi primū negotijs, quibus nunc districtus es, quietē impetraueris, aliquam consilij tui scintillam mihi porrigas: quodq; imponitur oneris, sponte suscipias: simul ut plenior obsequio me tui amantissimum demerearis, simul ne id suffragijs mihi denegans, sis delicti mei (quod alioqui fortasse perpetrare) autor conscius. Vale. Valetudinem tuam cura diligenter, & me semper ama, ut semper fecisti. Datum ex ædibus nostris, quarto nonas Ianuarij.

## EPISTOLA

## XLVI.

**S**Aepe & multum dubitasse te asseris, esses nec ne, si quando sinister scrupulus animum tuum pressius uulneraret, ad me uelut anchoram præsidij causa confugiturus. Miror sanè, unde perplexa ista fluctuatio, & anxietas tibi primū irrepserit: qui amicitia iure omnia tibi polliceri debuisses, quæ aut corporis, aut ingenij mei uires non exuperant. Esset quod cunctantius paulò hæsitares, si ulla in re quæ amicum postulaueris, te repulsam apud me passum testareris, aut si in præstando uulneribus tuis medicamine, tardiusculum me aliquando amicum præsti

præstitissem. Verum (nisi fallor) cum me semper probasti, qui (ut Periclis uerbum mihi uendicem) paratus sum me rebus tuis accommodare, sed usq; ad aras: quiq; conseruandi tui causa, de uia declinare cum Chilone nō dubitauerim. Dignissimum enim hoc mutuae inter nos charitatis pignore te semper iudicaui. Hæsitare igitur quiescas moneo, tibiq; persuadeas, me (ut cum Terentio loquar) pedibus manibusq; omnia semper facturū, quò rebus tuis cōsulam. Quod autem scribis, malignum quendam ac rabiosæ loquacitatis Zoilum in te contagiosæ uirulentiae dietim quicquam ubiuis locorū euomere: quem nec uerbis à te læsum, nec iniuria affectū putes: uis quid in ea re utile factu sentiam tibi adaperiam? Socraticæ patientiæ tibi lorica assumas, frontem baccare cingas, inconcusso uultu omnia perpetere, patere, & abstinere, eiusq; uerba non pluris quàm saturi uentris crepitus facias. Non ignoro, ideo durius bilem tibi ac stomachum mouisse, quòd quorū te insimulat minimè sis conscius. In hoc hercle notius argumentum fuerit tuæ sapientiæ, si ubi clamosa comminatione uerbisq; iurgiosis ita oblatrat, ita cornicatur, elinguem Serryphi ranam te præstiteris. Quid enim huic homini bombilio litem dissuadeas? Quid serpentinæ linguæ uenenum excutere satagas? Patere, patere, ac prius quàm temere quicquam exustes, Tiberij Caesaris modestiam in memoriam reuoces: qui (ut testatur ille) post conuicia, malosq; rumores, ac famosa de se ac suis carmina, firmus et patiens, dicere satis habuit, In ciuitate libera, liberas esse linguas oportere. Ad id te omnia Philosophorum apophthegmata ac sententiæ inuitant, Cleobuli in primis, cū cauillantibus non esse insanandum præcipientis. Quid, quæso, te lucri consequuturum speras, si cum iurgioso litiges, & (quod fertur)

In Serrypho insula ranæ mutæ sunt.

Cleobuli sententia.

Aduersum im-  
probos non est  
uelitandum,

fertur) in puteo cum cane pugnes? Nihil sanè malè dicit,  
qui bene dicere non nouit. Eius igitur uerba zephyris cō-  
mittas. Clamet, obstrepat, crepet, increpet, nihil est quod  
tibi dari queat uitio, si pertuleris. Vale.

## EPISTOLA XLVII.

**M**agni (ut uideo) uerba mea aestimasti, magni con-  
silia fecisti, hominū stultissime: qui quod tibi perni-  
ciosum semper fore prædicaui, excacatus, et stultitia te-  
nebris inuolutus perpetraueris. Parum tibi uisum fuerat  
iuuentutem innumeris propè flagitijs contaminare, nisi  
et summam tuis miserijs impositurus, uxorem duceres:  
quasi uerò odiosa tibi fuerit libertas, infantum clamor  
iucundus, quasi multorum curam appetas, qui tui tantum  
uix curiosus esse poteras. Quid dicet homo antiqua uir-  
tute, ac fide pater tuus, si rescouerit, qui iam sacris myste-  
rijs et cultui diuino ab incunabilis te deuouerat? Te-  
stor Deū atq; hominum fidem, ad insaniam redigetur:  
uix erit sui compos, ita ardebit iracundia. Et cui dubium  
potest esse, quin sicubi locorum te repererit, quingentos  
protinus tibi infringat colaphos, aut cerebrum tibi  
diminuat, aut te uerberibus cæsum in pistrinum dedat?  
Quibus autem uerbis ambire furem conabor? Quæ  
prima exordia sumam? Quo assatu lenire studebo? Vo-  
ciferabitur, scio, et me erroris tui conscium protinus  
exclamabit, arguet, detestabitur. Quum enim interdum  
apud me iuuentutis tuæ iugum, libidinem, prodigentiam  
biliosus increparet, atq; adeò execraretur, ut penè in ca-  
pillis tuos uellet inuolare: apud eum te semper excusa-  
tum habui, dixi q; iuuenile id esse uitium, ac primæ uis o-  
mnibus commune, quod crescentibus annis facillè extirpa-  
retur: promisi q; perditos illos mores me tibi facillè excus-  
surum.

farum. Dij boni quid inquam dicet? Vtri nostrum grauius excandescet? utri durius conuicium euomet? Vtrunq; sanè (ut opinor) pari cultro dignum putans, furcis deuouebit. Miserum me, quid agam? Hoccine etiam hominum perditissime, fecisse debueras, quin prius amicorum cuiquam uerba faceres: mihi saltem, qui te semper pari loco habui, quo & parentem: cui nihil unquam tam arcanum intus latuit, quod tibi adaperire dubitauerim? Quid est quod in erroris tui fulcimentum adducas? Quod huic malo remedium inuenies? Quid quum te arguet, referes? Si prius quam quicquam molireris, amicorum neminem consilijs tuis adhibere uoluisti, cautius saltem praemeditari debuisses, quid oneris subibas, cui iugo ceruicem inclinabas: iugo dico, quod cum uel cornibus excutere placeat, non liceat id auribus tuis inculcatum: si profundius uoluas, ademptam tibi libertatem comperies. Te solum tui curiosum prius esse oportebat: Vxoris posthac, & liberorum cura erit habenda. In diem antehac uiuebas: incepto uix prandiculo matutino, coenae sequentis anxium te esse nunc expedit. Porrectis (quod dicitur) pedibus, & in utranq; prius aure dormiebas? nocturnum somnum tibi posthac auferet domestica necessitas. O hominem inconsultum. O tribus Anticyris caput insanabile. Erit, polliceor, tempus, in quo stultitiae tuae poenitentia ductus, & unguibus faciem tibi deformes, & matrem quum te peperit, abortiuum malles peperisse. Quid, queso, si amicorum uerba nequiuert, suis aureis sententijs philosophi ab hoc non deterruere? Quid primum omnium tibi non succurrit Alexandrides, qui dicebat, Diem nuptiarum, omnium malorum initium? nam aiebat, Si pauper diuitem duxeris, dominam, non uxorem acceperis. Si pauperem, onus uitae ferre non poteris, quum pro uno duos sis nutritur

Multis sunt  
obnoxij curis  
quibus nuptiae  
runt mulieres.  
Hora.

Vxoris dies  
duo dulcissimi

nutriturus: Si turpem, dolebis: Si pulchram, habebis com-  
munem. Quid inquam Hypponaſtes & Cheremon non  
diuerterunt? quorum ille duos dixit uxoris dies dulciſſi-  
mos, Nuptiarum uidelicet, & mortis: Hic, ſatius uxorem  
efferre, quàm ducere. Ceterùm quoniam ueteri fertur  
prouerbio, ſerò Phryges ſapere: tuo nunc infortunio ſa-  
pias: & quam in te cudisti fabam, perpetere. Quod tibi  
propinaſti uenenum bibe. Vale.

## E P I S T O L A XLVIII.


**Q**uid cauſæ eſt, quòd nouiſſimis tuis literis tãtopere  
mihi ſuccenſeas, in me tam grauitè exclames, tam  
acriter inueharis, tam ſurioſè ſeuiaſ? Sum'ne incendiarius,  
pirata, ſacrilegus, homicida? Nihil hercle (ut ſuſpicio)  
peccaui, nihil commerui, nihil deniq; tanto dignũ cõuicio  
perpetraui. At uxorem (dicis) parentibus, qui iam ſacris  
myſterijs ab incunabulis me deuouerant, ignorantibus,  
aut inuitis potius duxi. Quid ni duxerim? Quis à proto-  
gamia hominem diuertat, quum nec humanis, nec diui-  
nis legibus cautum ac uetitum fuiſſe unquam reperiatur?  
Tu ſic ubi legum, locorum, gentium, autorum' uè eminen-  
tiſſimorum, contra factum probaueris, digniſſimus cenſeri  
uelim, cuius in exitium et mortem non una paretur ſimia,  
non ſerpens unus, non culeus unus: ſed quicquid ab inge-  
nioſis ad hominum tormenta, & miſerias tyrannis un-  
quam repertum eſt. Vis me ſenio tenuis (quæ miſera eſt laſ-  
ſitudo) ſolitarium ac cœlibem conſenſcere? Vis breuiſſi-  
mam hanc uitam inſtar lacrymoſi turturis præterire?  
Fruſtra igitur moneret Tragicus, læti ut uiueremus dum  
fata ſinunt, quum præſertim properet curſu uita citato, uo-  
lucriq; die rota præcipitis decidaſt anni. At ueterum qui-  
dem philoſophorum multos & caſtè uiuendũ præcepiſſe,

& ut

Et ut praeceperunt, uixisse, facile concesserim. Non est tamen dissimulandum, plerosque non barba tenuis philosophos, sed uerè sapientes, non tantum nuptias commendasse: sed ad eas quoque accessisse. Summi enim philosophi Pythagoras, Socrates, Crates etiam, qui sine supellectile fuit, uxores duxerunt, eisque cohabitauere: neque philosophiae impedimento putauerunt. Quid enim (ut arguebant) magis officium philosophi, quam secundum naturam uiuere? quid autem magis secundum naturam uiuere, quam uxorem ducere? Tu te ipse nosti animal plenum rationis (quem hominem dicunt) sociale esse, atque ex philosophorum testimonio, societatis illius principium esse coniugium, sine quo neque ciuitas consistere, neque domus perfecta esse potest. Illud enim uinculum (quae iucunda est animi requies) utrique curas adimit, in utroque amicitiam conflat, ac si quod acerbitalis uirus in altero enascatur, partem alter ebibit. Non sum etatum adeò imprudens, ut cui uel reiectis statim repudijs, id licere contenderim: ubi tamen aetas firmius aliquando maturuerit, non uideo quare id commodè fieri non possit, aut si possit, debeat, aut si debeat, cur mihi quoque non liceat, cum necessarium uideatur matrimonium, ex triplici Lacedaemoniorum lege: Quarum prima, Qui uxorem non duceret: secunda, Qui tardius: tertia, Qui non bene, dānabitur. Apud Romanos quoque Valer. Max. et Iulius Brutus Bubulcus censores, bona eorum qui ad senectutem calibes peruenerant, fisco adiudicasse creduntur. Sed qui deformem (inquis) duxerit, molestam feret: Qui diuitem, non uxorem, sed dominam acceperit: Qui pulchram, tenebit communem. Duxi ego uxorem forma liberali, et uultu adeò modesto, ut nihil supra: neque enim (spero) communis erit: quae nullum adulterio capitalius

Officiū philosophi.

Homo animal sociale.



Bona eorum qui ad senectutem calibes peruenerant fisco adiudicabantur.

d esse



esse flagitium sibi unquam persuasit : sed eos , qui aliquid tale perpetrassent, Perilli tauro, & Busiridis ara dignissimi semper asseruit. Quid quæso melius facerem eo , quo qui laborum partem sustineret, partem uoluptatis & lætitiæ mecum ebiberet, reperirem? Faciam enim aliquid oportet, sacris me addicerem mysterijs , qui id utile fore ut crederem adduci nunquam potui? Solus beluæ instar uiuerem , cui solitaria uita nihil unquam magis odiosum uisum est? Fornicarer , aut adulterijs me contaminarem , cui aliter concupiscentiæ præter scelus parêre liceat? Fornicatione & adulterijs abstinerem , cui stimulo carnis reluctari, impossibile magis quàm difficile extitit? Quum igitur secus fieri nequiuerit, quiescas porrò moneo , ac desistas mihi uelut ignominiosum aliquid connubium obijcere. Egeo tua & parentum opera , quam si facti huius pertæsi mihi denegaueritis : solus rerum mearum utcunq; potero satagam, quādo etiam id efficere, mea propius quàm aliorum interest. Quòd si assiduus corporis mei sudor minor fuerit , quàm ut nostrum utrique uictum conferre ualeat : certum est domesticatim potius manum ad stipem porrigere, quàm inedia miserè consumi. Vale, habes animi nuntia uerba mei. Datum ex meo & sponsæ tugurio Calendis Martij.

## EPISTOLA

## XLIX.

**H**ominum barbaris & incultis moribus præditorum hæc opluscula beluina & propè feritatis exēpla historiarū, passim reperire est. Nec usquam tamen annalium legisse aut uidisse tam lapideæ ceruicis , tam agresti natū ingenio quenquam memini, quem pepone molliorem, & oleo tranquilliozem non redderēt meæ uitia tua detestantis inelamationes, quæ te cordicitus non solum non pupugere , sed



ne in cute quidem titillarunt. Quod me aninui suspensum  
 ita reddidit, ut quotiescunque rei huius in mentem uenit,  
 (uenit autem per singulas horarū minutias) mihi uix ipse  
 temperem, quin uitæ longioris pertæsus, nouam aliquod  
 & inauditum mortis genus misero mihi comminiscar:  
 quo possim inuisam quàm primùm abrumpere lucem. Fe-  
 cissemq; iampridem (ut opinor) nisi ferreum hunc animi  
 tui rigorem humanissimis uerbis sensim excuti posse mihi  
 persuasissem. Quis enim perferat probris alienis se in-  
 famem fieri? At puerorum flagitia sæpenumero parenti-  
 bus impinguntur: quod hanc peccandi occasionem, mol-  
 lemq; educationem (quæ omneis corporis & animi ner-  
 uos frangit) liberius illis uideatur indulgisse. Videbor igi-  
 tur mea secordia, aut formandi tui negligentia, ad nequi-  
 tiam fenestram tibi patefecisse, atq; cum nihil aliud perpe-  
 trauero, quàm quod talem genuerim, magnam tamen Rei-  
 publicæ iniuriam uidebor intulisse: quasi uerò omnem ope-  
 ram, curam, industriam, diligentiam deniq; omnem, ut te  
 quàm optimis formare institutis, nō adhibuerim. Quan-  
 do enim, quæso, rerum tuarum negligens uisus sum? quan-  
 do tardus aut fugiens laboris eius, præsertim quem tibi  
 usui fore credidi? non ne à puero paruulum eduxi? Nō-  
 ne pecuniarum, aliarunq; rerum tibi utilium affatim sem-  
 per ministraui? Non ne sub præceptoribus Latinas lite-  
 ras haud incuriose doctis, quos intra priuatos parietes  
 non modico retinui stipendio, erudiendum curauī? Abun-  
 dè lignorum, si quando uehemens esset frigorū inten-  
 peries, præbui, mundius cæteris fratribus uestiui. Spera-  
 bam itaq; his in te meritis, te quoquò terrarum misissem  
 iturum, nihil eorum quæ præcepissem, morosa cervice de-  
 trectaturum: sed pedibus manibusq; in meam sententiam

descensurum. Neq; tamen te pudet hominum turpissime ea  
 facere, quæ & me ad insaniam redactura, & te (ne dubi-  
 taueris) aliquando ad furcas & scalas gemonias ductura  
 sint. Nam si lucidius aliqua ex his, quæ infinita sunt, uerbis  
 complecti liceat, quænam scelerum species reperiri queat,  
 qua te non inquinaueris? quis in tota Gallia sicarius, quis  
 ganeo, quis adulter, quis patricida, quis nepos, quis aleo,  
 qui se tecum familiarissimè uixisse nō fateatur? Taceo pue-  
 ritiam tuam, quam delicijs soluisti, uerba impudica, ne Ale-  
 xandrinis quidem permittenda delicijs, in ore tuo frequen-  
 tia. alia item grauissima, quæ ab omnibus perpetrasse uti-  
 nam falsò dicereris, quæ tametsi dictu pudenda sunt, fecisse  
 tamen te non puduit. Acciuerunt me ad coenam nudius-  
 quartus amicorum nonnulli, ubi cum in tui mentionem mu-  
 tuis incidissemus colloquijs, cœpit quidā immodicus alio-  
 qui uirtutum mearum æstimator, me sinistris auib<sup>us</sup> na-  
 tum prædicare, qui filium genuissem effigie tenus homi-  
 nem, spurcissimis autem moribus, porco similitum, cui iu-  
 cundius sit in cœno & stercore uolutari, quàm aqua pu-  
 rissima dilui. Nec defuere, qui te ipsum perinde ac spurium  
 semine meo genitum inficias irent, qui uirtutum mearum  
 ne minimam quidem referres scintillam, nec mea te mo-  
 nentis uerba pluris quàm eminulos lanarum floccos æsti-  
 mares. O quanta quæso, quamq; accita doloris cusside pe-  
 ctus meum tunc perfossum fuisse existimas? O quanta ira  
 siccum iecur arsisse opinaris? Vidisses (ita me Diij ament)  
 excussos oculis meis lacrymarum riuiolos ubertim erum-  
 pere. Vidisses capillos uentis diffusos extrahi. Dixisses,  
 aut me dentium stridorem perpeti, aut quibusdam numi-  
 num intemperijs, morbo uel comitiali miserrimè agitatam  
 distorqueri: ita me stimulabat rabies, ita comprimebat do-

Natus sinistris  
 auib<sup>us</sup>.

Iecur ardere  
 ira sicca.

lor. Quem dum, qui adcrant, uerbis lenire (frustra tamen) conarentur: aggrauescebat, ita ut perendie uiderer moriturus. Dij boni, si te talem futurum sperassem, te hercle (ut opinor) nutricis ab ubere raptum seris deuorandum obiecisssem. Idq; in rem utriq; fuisset, uitijs saltem caruisses, ego miserijs istis, quas perditissimi tui mores glomeratim mihi congerunt. Tu ob scelcrum ignominiam, ego ob eam (quam praeuuisse dicor) peccandi occasionem despectui, & ludibrio non haberemur. Mirabar, mirabar quod tui uidendi copiam neq; nobis, neq; amicorum cuiquam iampridem fecisses. Tuæ enim turpissimæ uitæ conscius reformidabas, ne nostris omnium clamoribus (ut criminose est) arguereris. Timebas licentiam tibi adimi, & iugum seruuile imponi. O quàm inopes, mentis meo unius periculo, eos prædicauerim, qui dum ætas, metus, magister prohibet, quodam uelut præsagio putant sibi compertum, quales sint futuri iuuenum mores: his nihilo sagaciores, qui ab unguib; leonem iudicant. Tu cum adhuc puerulus esses, eminentissimum futurae uirtutis lumen præ te ferebas, omnesq; (ut eos iuuenum, qui uerecundi sunt, laudare mos est) modestissimum te prædicabant: nec erat, qui spem de te quàm optimam non conciperet. Sed,

Ex Terentio  
de promptu.

Ab unguibus  
leonem iudicare

Heu hominum ignaræ mentes, ignara futuri  
Pectora, dum ualidos ætas tibi contulit annos,  
Virtutum radijs scelcrum præferre tenebras  
Cœpisti, & miseræ præsagia fallere turbæ.

Iam ut aliquando uerbis istis nihil apud te lucrifactoris, nullū (ut scio) pondus habituris, finem adijciam: ad ea quæ nunc dicam aures aduerte. Non si (ut cū Terentio loquar) ex capite meo sis natus, itidē ut aiunt Mineruam esse ex Ioue, ea causa magis patiar flagitijs tuis me infamem fieri:

aut igitur uitam in melius commutes, aut de te literā longam facturus, iugulum pares laqueo. Nisi enim te respiciisse audiero, ego uelut spurium, & puerum me patre minime dignum, te exheredabo, exheredatum breuibus Gyaris, perpetuis tenebris, aut furcis potius deuouebo. Vale, & uerborum meorum (si sapias) noli dememinisse.

## E P I S T O L A

L.

**V**ix audeo herclē postulare, ut uerbis meis fidem adhibeas: non quod commētitia quædam, aut hyperbolica scripturus sim: sed quod factu difficilima fortasse uiderentur, nisi sincera fide tibi persuaderes, eū me esse, quem amicorū absentia non minus torqueat, & exulceret, quā delectet præsentia, & enutriat. Postulabo tamē (scio) multa intempestiuē, & illepidē meo more dicturus: sed quæ omnia meæ imperitiæ tua condonet & indulgeat humanitas. Iam primum omnium latere te nolui, ex eo, quo Lutatianus mythologias, uilioresq; istas (quibus impallescimus) nenas reliquisti, Aureliamq; profectus es, ut ibidem in meliores disciplinas, & magis quætuosas te totum impenetrares, animum meum tui absentis desiderio ita intabuisse, ita somnolentis quibusdam cogitationibus emarcuisse, ut Socratis non longe absinulis uiderer, qui stare solitus dicitur pertinaci statu perdius atq; pernox, à summo lucis ortu ad solem alterum orientem inconniuens, immobilis, iisdem in uestigijs, ore, atq; oculis in eundem locum directis, agitabundus. Dixisses me instar Niobes in lapidem obriuisse, aut præstigijs quibusdam, laruisq; bustuarijs stupefactum obmutuisse. Quinetiam Agelaſtus, ac uelut irrisibilis lapis factus sum. Testes collegæ nostri, qui ubi attenuatam prorsus faciē, & ossa ipsa cute tenus protuberantia contuentur, morbo, & eo quidem acerbō, ac diuturno

Quæ hīc scribuntur de Socrate ex A. Gellio excerpta sunt.

turno me laborasse coniectant: qui tamen mutuae nostrae beneuolentiae certiores fiunt, id tui causa mihi contigisse, non ambigunt, a grum propterea solantur, aut saltem solari contendunt, causati nullum esse tam pertinax & indissolubile amicorum cõtubernium, quod aliquando alio istuc, alio illuc profecturis separari non oporteat. Vellem nihilominus à dijs immortalibus ita comparatum fuisse, ut mori tecum mihi licuisset, quo cum tam beneuolè uiuere, quid uiuere? imò iocari semper & otari licuerat. Sed ô fortuna (exclamat Plautus) ut nunquam es perpetuò bona. Eo me amico priuari oportuit, quo cum omnia, ut mecum, libere loqui poteram? Qui dolorum meorum partem ebibat? sine quo iucundum nihil mihi uidebatur? qui acerbitatis meae uirus ut cunq; pestilens inexhausta uerborum magniloquentia repellebat? Facundo tibicini persimilis, quem scitè & modulatè adhibitum uiperarum moribus mederi testis est Theophrastus ille Gellianus. Quae omnia, qui adu-landi studio à me dicta suspicaretur, is hercle tibi non minus quàm mihi esset iniurius, me uidelicet parasiti similem existimās, te Thrasoni Terentiano auris popularibus gaudenti comparans, qui inadulabilis es, & iudicij tui non prodigus: quiq; palpum obtrudere, si lenocinium esset, caute nouisti. Stultum esset & inconsulte factum, hoc astu ad tibi congratulandum uelle irrepere, quem nuda & insu-cata delectat ueritas, quemque (ut cum Aulo Gellio loquar) hominem esse noui scientia nihil de uerbis laborante. Et si autem ea animi aegritudine semper fuerim, scribendi tamen cupido mihi nunquam defuit, neq; enim deesse permisisset insopita mutuae inter nos amicitiae recordatio, quae audacem suggerebat animum & hortabatur: licet timidiusculum faceret imperitia, eoq; audacior fiebam, quò

Palpum obtrudere.

opinarer stylum meum insulsum & rusticum, solæcis'que (ut tecum & cum Gellio loquar) ubiuis scatentem, nō multum ab eorum abhorrere facundia, qui uel Casareo, uel Pontificio iuri uacarent: non quòd eis linguæ cultū dero- gem, sed quòd mihi dicēdi peritiam uēdicare nolim. At ubi reddita est nobis à Trimestigo tuo uerè (ut opinor) legu- leio epistola, Dij boni quantum stupui, quantum inquam mihi admirationis attulit rei nouitas, qui bellè in animum meum induxeram, sermonis cultum non magis cum legum studio coniunctum esse, quàm maturam cum infantia pru- dentiam. Putabam ego philonomos omneis barbarè, aut saltem non multum lepidè loqui: plerosq; non Latine lin- guæ inscitia, sed ostendendæ doctrinæ tædio, aut odio po- tius. Video tamen, si modò tui similes multi comperiātur, peritiam & faciūdiam cum legibus adeò coniunctam esse, ut difficilimum sit iudicare, magis'ne legibus artes huma- nitatis, an artibus ipsis leges debeant. Qua in re maximū mihi stuporè attulisti, quòd eas contemptui nedum dereli- ctui habeas, sine quibus leges ipsæ uel sanè rudētibus Ar- cadiaë pecuarijs displiccant, aut syluestribus rusticis no- tescant facilimè. Gaudeo tamen quicquid dicas earū amœ- nitate & succo te oblectari: quarum studio coactus tibi interdixisti. Dij faciant, ut eo semper animo, etsi dissi- miles, perdures, ut palatinam mephitim, & causidicorum istic latrantium barbariem, tua eruditione, simul & do- ctrina uenustes, & Budæum (quem doctissimum esse uel frequentibus cuiusq; testimonijs, & inter Lutetianos ue- lut monstrū prius inuisum nemo inficias ire audeat) omni modo insecteris doctrina: eosq; aliquando castiges patro- nos ineptientes, qui nullū utriq; iuri sermonem aptū exi- stimant, nisi cum qui inornatus sit maximè: quasi uerò ex  
indu



industria barbarè loquantur, quos Latine loqui uetat im-  
 peritia. Quòd autē multis uerbis artes nostras despicari  
 uisus es, te sanè felicem prædico, cui tandem aliquando ex  
 his garrientibus disciplinis nihil homini præter pauperiē  
 comparantibus, emergere, ac pedem reuocare licuit. Nos  
 autem malè feriatis, qui in his consenesimus, ac penè Phe-  
 recydis instar Phthiriasi, & morbo Syllano inter pedi-  
 culos collegiales emarcemus, & tabe lenta consumimur.  
 Nos impèdio loquaciores theorematibus tantū nugalibus  
 puerilibusq; commentationibus dilatrantes, & captionū  
 grāmaticarum laqueis strepentes, stipulas & culmos ste-  
 riles colligimus: uos (absit uerbis meis inuidia) grana reli-  
 ctis inanibus paleis ubertim metitis. Nos (ut uerè dicis)  
 uerborū & argutiarū fuligine obcaecati præsentia tantū  
 conspiciamus, futurorū immemores. Vos & præsentium et  
 futurorū solliciti, posthabitis disciplinarum nihil crumenæ  
 profuturarū studijs, prospicienter uobis & reipublicæ cō-  
 sulitis. Quare nimirum si ad magistratus amplioresq; di-  
 gnitates erecti fortunā uestro temperetis arbitrio: nos ue-  
 rò ueluti pulli inuolucres & implumes, è nido surgere  
 nūquā possumus. Sed quid aliud faciamus? Non cuiuis ho-  
 mini contingit adire Corinthum. Vnum est, quod me sola-  
 tur maximè. Securius ego me in infima cōditione uicturū  
 spero, si modò paupertate mea fuero contentus, quàm si  
 amplioribus inhians, me semper animi excruciarè miserè:  
 etsi hoc eorū sit dictum, qui quum nihil assequi possunt,  
 desperantes suis se contentos rebus asserūt: quod quidem  
 uelint nolint, faciāt oportet. Cæterū ne in re nihili utrāq;  
 paginam fecisse uidear, conditionis meæ certiorē paucis te  
 uelim facere, ut mihi si sinistra sit, condoleas: si prospera,  
 congratulere. Discipulorū in primis numerus in eodē sta-

Malè feriati.

Phthiriasis pe-  
dicularis mo-  
bus, quo Syl-  
felix dictate  
extinctus est,  
Pherecydes  
poëta.

è nido surgere



tu permanens, præterquàm quòd uno Florido imminutus  
 est, qui patrē mala uoletudine laborantē uisurus abiit, ut  
 uel atratus intersit exequijs, uel conualescentem lætus ui  
 deat: uenturus sit, nec ne latet: neq; sanè multum laboro.  
 Eam enim à discessu tuo constantiæ loricā indui, ut iam fri  
 uolis id genus rebus cōtristari non decreuerim. Ego pro  
 sperè ualeo: id unum me semper male habuit, quòd absen  
 tiæ tuæ impatientissimus fuerim: dolorem tamen hūc leniit  
 prospera tua (quam ex literis cognoui) cōditio. Nihil istic  
 noui agitur. In regum festo tria aut quatuor tantum colle  
 gia, mimos et comœdias recitare, & eas quidem satyri  
 cis immunes aculeis: timuit enim capiti suo unusquisq;  
 quorundam periculo factus cautior, qui (quòd regiæ maie  
 statī & muliebri perduelles stigma inuississent) catenati  
 ad regē non tam ducti, quàm tracti sunt. Magister Duran  
 dus, cui doleo, adhuc in uinculis est: dolorē tamen, sperato  
 reginæ aduentu, ubi se liberum fore confidit, solatur. Fatis  
 (ut multa plerunq; cadunt inter calicē supremaq; labra)  
 concesserunt magister Ioannes Tylli, olim Nauarrici tem  
 pli sacellanus, & N. hic Lutetia, Niuernis ille: misereatur  
 utriusq; dominus. Salutaui omneis quos literis tuis sa  
 lutandos iusseras, qui te pariter resalutant. Superest etiam,  
 ut uerbis, utcunq; fieri poterit humanis, dominos meos  
 Amoncurianos (quorum ego obsequijs ad aras usq; sum  
 paratissimus) meo nomine salutem dones. Item M. Xanto  
 nensem, & utrunq; Garsonerium. Itidem magistros, &  
 (quos omīssisse fuisset inciuilis & rustici planè hominis)  
 discipulos nostros, Rutiliū Pedianum, & Mirādulanum  
 ingenuos adolescētes, mei (ut opinor) amantiſsimos, qui  
 bus quoq; in amore respondeo. His plurimum gratulor  
 gratulaborq; quādiu uixero: quòd (ut scribis) contentio  
 sa quad

sa quadam emulatione studio avidissimè incumbant, & à simili hero mores imbibant, sintq; ut morū tuorum, ita & studiorum ingeniosi sectatores, & solertes simij. Spero rem nostram publicam tua & eorum doctrina ac prudentia tandem maximè auctum iri, & prudentissimè gubernatum. Dij faciant, ut ea res falsum me non habeat. Si quid est, quod mea ars illic in tua, et eorū causa efficere ualeat, aut patrocinari, nō parcas laboribus. Inuenies me non se-gnem, neq; tui absentis immemorē. Vale tu Nomophage, & illi Nomophili, & excusatam habete ut sermonis, ita & formandorum cōpingēdorumq; debitè elementorū in-scitiam. Datum ex cubiculo nostro, decimo octauo Calen. Febr. Vnum est quod omiserā, Caute quæso mei animuli, ne ingeniola uestra, & corpuscula tantis laboribus, aut peruigilijs, frequētiori q; studio ita fatigētis, ut propterea immedicabile morbū incurratis. Id dico, quoniā iam pridē compertum est, uos hac re frēnis, nō calcaribus indigere.

## EPISTOLA

LI.

**N**Vdiustertius, hora post meridiem circiter quarta, eas ego suscepi literas, quas tabellario nostrati pridie Calend. Octob. ad me dederas, quibus ego lectis notissimum prudentiæ tuæ feci periculū, notius longè facturus, si in ea perstiteris animi modestia, quam hactenus tibi uen dicasti. His autem me consulcbas, sub cuius præceptoris ferula tibi ad doctrinam comparandam esset militandum. Quod & si inquisitius, exactius, ac magis sollicitè quaesitum reposceret iudiciū, coactus sum hac epistola raptim & tumultuariè scripta, tibi paucis aperire, quid super ea re mihi sit animi, idq; facere propter desperatam abituri nuntij celeritatem, qui antelucano sequentis diei, quo uenerat, tēpore, sibi properè redeundū esse testabatur. Consul-  
lerem

ceptor qui lerē in primis, ut eum præceptorem tibi eligeres, cuius uir-  
 tus non minus animum excoleret, quàm doctrina ingenium  
 uegetaret. Nam si studijs (ut cum Fabio loquar) scholam  
 profuturam, moribus autem nocituram constaret: potior mihi  
 honestè uiuendi ratio, quàm uel optimè dicendi uideretur.  
 Est ludimagistrorum genus, qui rudimenta illa, (sine quibus  
 quicquid superextruxeris corruet,) neglectui habet,  
 et fastidiunt, quod ab omni ostentatione aliena sint: ea  
 tamen maximè curant, quæ xenodochiam, id est, uanam glo-  
 riam afferant. Sub his te merere nolim: tum quod plura in  
 fronte promittant, quàm præstent in recessu: tum quod im-  
 pendio loquaciores, ac nugilibus quibusdam nanijs dila-  
 trantes, pueris fumos uenditent: nihil doctrinæ eorundem  
 animis suggerant et inculcent: sed inani uerborum et ar-  
 gutiarum fuligine perbellè deludant: ita ut quum quinque-  
 nio eosdem habuerint discipulos, abecedarios, et primorum  
 elementorum ignaros, si interrogas, comperias: quod quàm  
 molestum sit parentibus, qui pecunias non modicas his nu-  
 triendis profuderunt, quàm perniciosum illis ipsis, qui il-  
 lic pueritiam in nugis contriuerunt, dictu esset difficile.  
 Huiusmodi præceptores uerbis interdum piperatis stre-  
 punt, præ se ceteros rudes esse, et agrestes prædicant,  
 inanes flant glorias, ac falsam scientiæ persuasionem sibi  
 induunt, dignosque penè dixerim se iudicant, quibus uica-  
 tim assurgant omnes. Verum si propius consyderes, quid  
 utilitatis habeat eorum doctrina, nihil sanè reperiēs, quod  
 uel fracta nuce tibi putes emendū. Horum igitur scholis ti-  
 bi maximè interdicas, præstabilis sapientiæ uirum elige,  
 cuius sanctitas teneriores puerorum animos ab iniuria cu-  
 stodiat, ferociores à licentia grauitas deterreat: hæc si se-  
 ceris, nec te sub eo meruisse, nec consilijs nostris acquie-  
 uisse

uisse pœnituerit. Vale. Datum ex ædibus nostris, decimosexto Calendæ Nouembris.

## EPISTOLA

## LII.

**V**itam meam nec unius assis æstimandum putauirim, nisi te rebus meis ac salutis totum deuoucas, qui nulum amantiſſimi hominis officium in me prætermiseris: imminet enim capiti meo discrimen, quod nisi tuo unius patrocínio ac præsidio uitare non liceat. Ne autem uerbis meis defatigatus pertædeas, rem omnē tibi à principio stricim aperire cōstitui. Celebrabatur nuper conuiuū, perdicibus, phasianis, coturnicibus, pauis, lepusculis, ferina, tantisq; alijs omne genus delicijs, & esculentis superfluens, ut huius respectu memorabile Cleopatrx cœnā sordere dixisses. Aderat & trimum nectar, quod iam in subterraneis œnopolijs penē emarcuerat. Huic ego interfui, affuerunt & plerique multi nostrates non obscuri nominis uiri. Saturis iam omnibus, ubi depositæ epularū reliquæ, cœperunt protinus (ut moris est) citharistæ & tibicines peramœnis instrepere cantiunculis, atq; omnium ita aures delinire, ut iam diuorum, nedū regum felicitati inuideret. Nænix surrexerunt, histriones, funambuli, qui multiformi corporum uolutatione plurimū oblectabant: uenerunt interdum qui prurientum animos titillarent. Aderat (ut semel finiam) omne genus uoluptatis, grataq; omnia & iucunda supra modum uisa sunt, præterquàm quòd comatuli cuiusdam uno digito caput scalpentis molities plerisq; tædiosa satis uisa est. Erat enim, qualē fuisse Demosthenē scribit Gellius, uestitu certoq; cultu corporis nitido, uenusto, nimisq; accurato; talaribus tuniculis more Lydi cauponantis circumspectè et compositè induebatur. Erant eius manus inter agendū argutæ & gestuosæ:

Cœna Cl.  
ux.

stuosa: ita ut Dionysia saltatricula cognomento dignus cum Hortensio uideretur. Quum igitur id omnibus molestum esse conspicerē, nullum tamē esse, qui eius rei tedium uerbis auderet exprimere, iusta obiurgatione superfluētē tantis rebus hominē incessui, quod agrē ferens animo colaphum mihi protinus infregit, ego contrā gladio uagina excerpto, hominem cordicitus uulneraui: quo factō, salutem mihi fuga quærere coactus sum, uiuat, nec adhuc mortuus sit, nescio. Querunt me satellites ad furcas, ut sicubi locorū me repererint, de me propediem actum sit. Venio igitur te oraturus, ut uel me domi tuæ occulas, aut saltem uisum tibi, si istac trāsierint, inficiaris. Iniquum est, fateor, mendacium perpetrare. Parua tamen (inquiunt Theophrastus Gellianus, & Liuius) uel turpitudine, uel infamia subeunda est, si ea re magna utilitas amico quæri potest. Et Chilo sapiens conseruandi amīci causa de uia declinauit, falsum enim consilium pro eius salute dedit. Pericles quoq; rogatus ut pro amico falsum deieraret, opus est (respondit) me amīcis cōmodare, sed usq; ad aras. Hunc igitur precibus meis locum relinquo uelim. Tantum enim me tibi debere fatebor, quantum patri, si tuo unius præsidio periculum hoc effugero. Vale.

## E P I S T O L A

## L I I I.

**D**Emosthenes Græcorum eloquentissimus apud Philippum regem Amyntæ filium uerba facturū, in ipso statim orationis limine stupefactus obmutuit, maiestate (ut credibile est) tanti uiri perterritus. Quod (ut opinor) heri ac nudius tertius mihi contigisset, dum me colloquio tuo dignatus es, nisi stuporem hunc explorata mihi iam pridem excussisset humanitas tua: nam quum paruulus esses, & in re literaria militares, tantam morū facilitatem præ

præ te tulisti, tantam in omneis abiectissimos, & gregarios inopes benignitatē, ut iam tum primum, qui spēs de te quam optimam futurae uirtutis non ceperit, fuerit nemo. Quò mihi ampliori laude cumulandus uideris, qui prouectior factus tibi semper constiteris, neq; amplissimis honorum culminibus euaseris arrogantior, aut magis insolens: quod qui faciant, albis sanè coruis rariores comperiuntur. Vsu enim uenire conspiciamus, ut à teneris annis permulti dociles uideantur pueri: qui ubi collū iugo subtraxerunt, tandē uelut pristinae cōditionis immemores, statim superbiant, eosq; aspernentur, quibus cū pueruli familiariissimè uixerunt: quodq; multò deterius est, uirtutes omneis abrogant: Neroni hercle persimiles, qui licet ephebus optimè uideretur indolis: ubi tamen uirum egit, tantis, tamq; probrosis uitam flagitijs commaculauit, ut eius in exitium & mortem non una parari simia, non serpens unus, nō culleus unus debuerit. Quod genus hominū moribus quantū tibi interdixeris, uel cæco appareat, qui quantò prouectiores annos attingis, amplioribus animum uirtutibus exornas. Nam ut exemplo contentus unico reliqua innumera, quæ sese ubertim mihi offerunt, et ingenium penè obruūt, omittam: Quis mansueti, ac modesti hominis factū non iudicet, quòd me in ludo (quē prius tyronē agnoueris) abiectissimū homuncionē è quercubus (ut dicitur) & saxi natum, uixq; satis dignū, qui pedum tuorum uestigia deosculer, simul & iterum in familiam tuā euocaueris, nunquam de te benemeritum. Quid enim benè mereri posset is, cui nihil est, de eo, cui nihil deesset? Quid si ullo genere obsequij lacesitus fuisses? Credibile est sanè te magis paupertatis meæ & laborum misereri, quam opera & famulatio indigere. Nunc ne parasiti instar uerbis titillantibus au-

Coruis albi  
rariores.



res tibi demulcere, aut caput blādiendo cōfricare uidear: ea nunc primum literis aperiā, quæ mutuo reuclare colloquio, tua deterruit maiestas: ubi heri me tecū loquentem timidiusculū uidisses, concessisti (quæ tua fuit humanitas) ut id scriptis facerem. Faciam igitur. Percunctatus es me, uellē necne à regendis puerorū gregibus abstinere, atq; istinc domum tuam migrare. Nolo hercle istic cōsenescere: consenui tamen hactenus, expectans, quò istinc euocarer, ac de me bene mererer, non doctrinæ meæ (quæ nulla est) gratia: sed paupertatis, quæ magna est, intuitu. Hanc spem mihi suggeriebant pleriq; , quibus non usquequāq; sinistrè prouisum est. Nā, ut ceteros omitam, præceptor meus doctissimus magister Ioannes Clauimontius, ubi rotam aliquandiu istic uoluit, familiæ domini Laudunensis adscriptus est. Alij etiam permulti, quorum nomini bus parco, ne quis me oculis obliquis alienam prosperitatem limare dicat, fortuam satis pinguem sibi fecerunt. Eandem ego aleam dietim expecto: nullius tamen, quantumcunq; opulenti, domū intraturus, quin imperitiæ meæ ac morum non cōmonuerim. Quoniam igitur tuæ fuit modestiæ, me euocare: Id iam primum omnium non ignores uelim, nihil esse in me doctrinæ, aut eloquentiæ, quod tibi usui, uel honori esse possit. Si quod tamē sit in hac re ministerium, non negligens tibi polliceor, & (ut uires suppedi tabunt) frequens, & laboriosum: nam nullū aliud officij genus ab ipsa infantia exercui, in quo operā tibi possem promittere: quam si pōlicerer, & te tua spē fallerem, & me mendaciū conuincerem. Noueris adhæc, me & his moribus præditum, ut holusculis agrestibus liber malim uictitare, quàm seruis lautissimis esculētis. Quocirca tibi soli & uni obnoxius esse uelim, nec subiectus, omnibus tamē obsequio  
sus.

*sus. Præterea nudus sum tanquã ex matre, uixq; (ut in adagio dicitur) obolũ habeo, unde restim emam. Si tecũ fuero, omnia mihi suppedites oportet, quæ ad honestẽ uiuendum uidebũtur utilia, & necessaria. Et quoniam ex famulorum immũditia, & sorditate, domini plerũq; arguitur inopia, uestimentis (ut clericũ decet) honestis indui peto, non uersicoloribus, aut histrionicis, quæ si meo emẽda arbitrio uoles committere, stipẽdio quantumcunq; modico mihi opus est. Scio te munificũ, & qui famulos tersẽ, neq; tamẽ compositẽ, & uenustẽ nimis indutos malis, quàm crumenam immodicis auri ponderibus tumentem. Equum præterea uelim suis ephippijs ornatum, tuis sumptibus nutritum: & quoniã, teste Ouidio, Carmina sceßsum scribentis, & otia quærunt, uellem ut tandem aliquem locum mihi designares, ubi Musis, ac tibi liberius uacare. Impossibile est enim quæ tumultuario fiunt studio, ac frequentibus interrupta discursionibus, multũ esse decocta, ac climata. Hæc omnia etsi studiosẽ appetam, nihil tamen ardẽtius, & obnixẽ magis tua beneuolentia: quam ubi fuero consequutus, digito calum uidebor attigisse. Hæc omnia cõ audẽtius tibi aperui, quò me intrepidũ in his detegendis prius esse iussisti. Postularem si me susciperes, ut nõ citò desereres: nisi iamdudum mihi cõpertum esset, ea te cõstantia præditũ, ut quos tecũ euocaueris, nunquam nisi uolentes deseras. Perpẽdes igitur si adhuc hoc mihi condonare libet, placeat necne hæc tibi conditio: quæ si displiceat, fortunæ adhuc prioris contẽtus uiuã: ferreus tamẽ sim utcunq; contigerit, & lapis deus, si unquã tantæ tuæ humanitatis fuero oblitus. Vale.*

## EPISTOLA LIIII.

**V**ix licet per otium in mense semel tantũ feriari: tot meæ ceruici incubunt nẽgotia, tot ultro citroq; tuæ

ris agitor. Sed si aliquando possum aliquid suffurari otij, moris est mihi aliquo me loci recipere, ubi fatigatum labore spiritum reuocem, & huius seculi uanitates & misérias considerem. quod nudius tertius feci. Sed ubi satis apud me sagaci uelut trutina perpendi, nihil in toto mundo reperiri, quod suos non patiatur manes. Reges uenenum reformidant, domesticasq; metuunt proditioes: Primates ad ampliora semper obrepunt: Senatores sunt auari, & lucri cupidi: nunquam secure degunt Milites, mors propius instat, quam uita: in perpetuis uiuunt miserijs Agricola. Ne multa, nihil est quod suos non patiatur manes, quodq; non sit calamitatibus obnoxium. Quocirca si me consulas, quid in hac re sis factururus, te monebo, ut posthabito omni diutino studio, exitum uitae perpendas. Nam aperte constat, nihil hac uita esse fragilius: prudenter igitur feceris, si tuae saluti inuigiles. Vale.

## E P I S T O L A

L V.

**N**ihil peius odi, quam istos hypocritas & philosophastros, qui in opinionem sanctitatis ueniētes, Catonianam seueritatem capillis supercilio breuioribus paulatim promittunt. Expertus loquor, multos reperias uerborum tenuis retos, qui multa de uirtutibus publico theatro exclament: quiq; omnia uitio dant, aut digna putant incendio: intus tamen sunt pellace uulpe nequiores. Volo, si religionem imitari decreueris, ut sis aperto pectore, & infucatis moribus. In primis da operam, ut talis fias, qualis cupis uideri. Non est quod in me succensere debeas, sed potius ames, quod nullam nomini tuo maculam inuri permittam: insuper quod dicas, te uelle amicum habere, quo cum liberem omnia, ut tecum audeas loqui. Nullum (si me audias) amicum tibi comparabis, nisi prius cum eo tres modios salis comederis.

Multi

Multi sunt in ostio tantum formosi, & uerbis palàm amici, qui tamen clanculum ferunt insidias. Vale.

## EPISTOLA

LVI:

**N**escio quid sit in causa, quamobrem mihi succenscas: nihil enim me puto fecisse, aut dixisse, aut excogitasse quidem, quod tibi detrimento sit futurum. Culpam fateor, nonnunquā ignauiam tuam. Obseruauī quibuscū uersabaris, tuarum rerū satēgi: sed aliouersum hoc feci, quā ut tibi nocerem. Tute olim mei in te amoris periculum fecisti: Nisi uelis in tua uitia reclamari, aliò te diuertas: nam quādiu simul uiuimus, nullam tuo nomini maculam inuri permittam: mihi etiā, si secus agcrem, summo uerteretur opprobrio. Verbis meis paulatim acquiescas, & bene tibi uertet: omnia ad uotum tuū faciā. Non parcas pecunijs meis, atq; adeò omnibus domesticis rebus. Hauries à me, uelut ab ipso horreo. Sed si cuiquam detrahere uelis, ut genialius tibi indulgeas, nullum à me speres auxilium. Vale.

## EPISTOLA

LVII.

**M**oneo te plerunq; tuæ utilitatis, & ab omni scommatum iniuriā nomen tuū uindicare satago: sed dum aliquātiſſper mihi tecum loqui licet, aliò diuagaris, & (ut dicitur) extra meum sermonem tuæ peregrinantur aures. Non admodum habebis in pretio, si eo, quo cōpisti pede, semper perrexeris. Vt enim uicatim compitatinq; eos iuuenum prædicāt omnes, qui rectē consulentibus dociles se præbere non ingrauantur: ita & maximo probro datur his, qui amicorū consilijs aures ocludunt, aut prudentum exhortationes nihili penitus ducunt. Et cum unusquisq; sibi persuaserat, te esse ingenio facili & benigno, in spem ueneram, te nihil detrectaturum, quod suassissem. At (ut uideo) si rosas loquerer, uerba mea ne hili quæ-

dem duceres. Nescio quid sit causæ, quam ob rem id ipsum facias. Tantisper enim dum tua consuetudine mihi frui licuit, intimum te semper habui: sed (ut conijcio) illud ipsum est. Nemo non nouit arduum esse, hominem natura distictum corrigere. Nequitie tuæ diuturnum indormiisti somnū, & in pectus semper obduruisti: quare difficilimum est, te noua pelle induere. Vale.

## E P I S T O L A

## L V I I I.

Amasis institutu. n.

Gymnosophistarum mos,

**L**audabile fuit Amasis Aegyptiorum regis institutum, qui lege sanxit, ut singuli quotannis apud cuiusq; præfecturæ præsidem profiterentur unde uiuerent: quod qui non facerent, extremum illis supplicium esset pœna. Cui sanctissimæ legi conformis propemodum uidetur Gymnosophistarum mos, apud quos impransī abibāt, qui nulum diurni laboris fructum parentibus afferebāt: & apud Baleares Hispaniæ insulas, puer antiquitus cibum à matre non capiebat, nisi quid ea monstrante sagitta percussisset. Nam ut in Olympia non meretur coronam, nisi qui legitime certauerit: ita nec dignus est uita, qui nihil partuerit, quo testetur se uixisse. In omnibus elementis ita uel Deo placuit, uel naturæ, ut nihil penitus torperet in otio. Cælum, quo integuntur omnia, cyclo & orbiculari motu se uoluit. Sol & Luna alternatim suos meatus peragūt, & sibi cedunt, Hæc noctem illuminat, ille diei præest. Venti suas tenent regiones, unde flatu spirant immobili. Signa zodiaci alternatim Solis flexum amittunt. Mare quiescentibus uentis tranquillum, iisdem reslantibus agitur, & suos pisces nunquam non eijcit. Terra sterilis & infœcunda hyberno tempore, uernis & æstiuīs frugibus otiiū pensat hyemale. Arbores & Plantæ ut tempus aptum fructui ferendo persentiscunt, egerunt botros, & uiro-

rem

rem induunt: Ilices & Quercus concipiunt glandes, Laurus & Oliua baccas, Corylus nuces, Mespilus corna: nec aculeatis quidem dumis, spinis & uepribus cessatio est: nam & rhamnum & alios fructus minutissimos pariunt. Sed obseruemus nobiles uinearum gemmas: Consideremus quanta fidelitate rerum omnium mater & parens Terra, semen sibi commissum regerat, refundat, rependat: quanto foenore Agricola suum ditet, triticum, siliginem, hordeum, auenam, milium, fabas, pisa, lentes, eruum, lupinum, & alia id genus frumenta, & legumina cumulatissimo prouentu generans. Quid Annus ipse, quē rerum nostrarum, & uitæ dimensorē cognoscimus, quando à sua desijt natura? Quis uidit Ver sine uiolis, Aestatem sine granis & calore, sine pomis Autumnum, Hyemem absq; niuibus & pruinis? Non ne succedentes seriatim Menses suis officijs manent? Quis inuersum uidit ordinē? Quod si hæc omnia naturæ legibus & institutis parent, ut suos semper emittāt foetus, pudeat ne hominē solum (quem tamen præesse omnibus creaturis Dij uoluerunt) quiescere, solū putrescere in otio, solum sine fruge consensescere, effoetam solum ætatem præterire, solum sine ullo uitæ ornamento emori? Quis hoc probaret, nisi defioculus, nisi qui cucurbitas lippit, & inops est rationis: cum bruta ipsa cæteraq; animantia, quibus deest ratio, ratiocinentur unde uiuant, & quantulūcunq; laboris sui testimonium nobis omnibus uidendum proponant? Alia hominibus prosunt, sibiq; charum, & nobis utilem proferunt partū: paucissima admodum reperiuntur sterilia, & quæ nihil omnino in publicum afferant emolumentum. Si quis in aquatilibus fidem requirat & exemplum: parit Balena, partumq; lacte nutrit: oua gignit Cephalus, Delphini egerunt foetus, quos

De quatuor anni temporibus.



fœmina ubcribus & lacte pascit copioso: Agunt uere coniugia, pariunt catulos æstiuo tempore: Echini ferunt oua: Hippocampus contra canis rabiosi morsum prodest. Sed ad hominis usum nonnihil operatur. Nec minor est in aui-  
bus sedulitas: Aquila pullos probat ad solem, qui eum sustinere nequeant, ut degeneres repellit: Columbi bina oua pariunt, masculum primum, secundum fœminam, concipiunt diebus quadragenis: Galli longa edunt oua, rotunda fœmina, nuntiant lucem, & pigros ad laborem excitant: Pauones incubant oua duodecim: Hirundo quinque pullos parit, quos magna pascit æquitate, incipiens ab eo qui maximus est natu, & ita in cæteris ortus habens rationem. Usque ad cætera descendam animantia: Tauri laborem iuuant mortalium, & agricolæ sunt, arantque terram, ex qua fruges demetimus: Oues suis lanis nos induunt, lacte uagientes pascunt infantulos: Apes nobis mellificant: Sues se saginant ad esum nostrum: Canes pro foribus nostris excubant, greges à lupis, domos à latronibus tutantur: Feles cubacula purgant muribus. Dum oculos circumfiro passim, nihil inuenio, quod in re aliqua non exerceat naturam, nihil quod otium non refugiat. Quid ergo (ut ad institutum aliquando deueniam) faciendum nobis putamus? uolumus uinci à brutis, quæ ratione, anima, dignitate, forma, & nobilitate præcellimus? Imitemur potius Plinianum illum Apellem, qui nullum diem ducebat sine linea. Caneamus ne similes illi uideamur uernæ pigro & ignauo, qui ruri degebat, ut mortuum cadauer in sepulcris. Reuolutus est annus, arbores sua poma pepererunt: Ceres agricolæ uotis respondit: horti suos carbunculos, suas uiolas, suos dederunt flores: Racemis suis rubuerunt uinæ, pomis arbores tumuerunt. Soli supersumus, qui an-

Galli pigros  
excitant.

Nullus dies  
sine linea.

nuam

nuam nondum frugem protulimus. Reminiscamur opprobrij, quod paritura est nobis ignauia, si conuincamur desidia. Reminiscamur iacturæ, quæ nostris omnium ceruicibus impendet, si comperiantur ignorantia. Expergiscamur socij, surgamus ab otio, ad aratrum conuolemus, ad burim, ad ligones, ad uomeres, latremus in aula ceruinam pellem, ut tandem in syluis militemus. Declamemus inter domesticos & priuatos parietes, ut in Senatu causam Milonis agamus. Relegemus Catilinam, patrocinemur Cluentio, pupillis obsequamur, explodamus oppressores, consulamus patriæ, & tyrannorum uim reprimamus. Probemus balbutiem linguæ inter paucos, probemus ingenij uires, purgemus linguæ uutiliginem, priusquam eò ueniendū sit, ubi superciliosi sedent consules, nasuti tribuni, oculati prætores, acuti causidici, quæstores uasfri, cæteriꝫ emunctæ naris homines. Ecce gymnasiarcha aures arrigit, in expectando est, quid dicamus: paratus est excipere, quod offeremus, paratus audire, quod recitabimus, nec fauorem aut patrocinium nobis recusat modestus comes & ingeniosus hypodidascalus: cæteri insuper doctrina & moribus clarissimi præceptores nostri aduertunt, fauorem, uultum pollicentur, & ridibundis oculis bencuolentiam: neq; porro nobis uerendū est, ne si quid ornate parum aut inconcinnè protulerimus, id ipsum protinus crispa nare subsannent, & auersentur. Non estis doctissimi uiri ætatum ad eò imprudentes, ut non cognoscatis facile cum Marco Fabio suam esse studijs infantia. Fortissimus quisq; edidit aliquando uagitum, & qui coram principibus aut senatoribus magna sui gloria in omnium admirationem causas orauerunt, prius tamen fuerunt rudes & alphabetarij. Vultis exigere ab adolescentulo, quod pa-

Sua est Rudijs  
infantia.

rentē eloquentiæ Ciceronē deceat? Vultis sarcinam dare infantulo, cui Demosthenes succumbat? Habenda est attum ratio. Non habet senectus vires iuuentutis, sed nec iuuentus consilium senectutis & eloquentiam. Vale.

## E P I S T O L A

LIX.

**S** Atis certasti pater, satis militiam sequutus es: tempus est ut conquiescas, & ferieris: tempus ut subtrahas te periculo, & solita professione tibi interdicas: tempus inquam ut iam doneris rude, & imiteris Horatianum illum Veianū, qui armis ad Herculis postem fixis domi sese continebat, ne in arenam denuo traheretur. Non est tibi formidandū, ne non habeas unde uiuas. Tu non es ut plerique gregarij milites, quibus cum stipēdia detrahūtur, tenuissimē uiuunt, & (ut est in adagio) digito plerunq; salinum terebrant. Patri tuo (quod Dijs habeo gratiam) abunde est auri & argenti. Parentes tui omnes habent affatim diuitiarū. Propterea, si me amas (ut amas) remigra domum, ut & trāquillius uiuas, & uotis amicorū respondeas. Vale.

## E P I S T O L A

LX.

**D** Oluit mihi quod nostrates aliqui nuper retulerunt, esse scilicet nescio quem nebulonem, qui quotidie me mordet, & famam meam passim compitorū uellicat. Eum queso moneas, ut (si sapiat) aliō suas conuertat satyras, & me missum faciat: nam si cerebrū mihi mouerit, ego illum à uertice capitis ad plantam pedis suis pingam coloribus. Scio nō esse sapientis, iuueniles curare nugas, aut anserum moueri strepitu. Quis tamen non grauetur istum foriolum (qui adhuc quotidie brachias & femoralia percacat, & culcitrās omneis cum lodicibus stercorat) sic unicuiq; obstrepere, nulla præsertim lace situm iniuria, nullo euerberatum stimulo? Hoc ego susq; deq; ferrem, si postularet ratio.

ratio. Verum quoniā fama nec etiam ludum recipit, malo meis ut oppedat naribus, quā me naso suspendat, aut posticis eludat cachinnis.

## EPISTOLA

## LXI.

**R**em nouam & auribus tuis non prius auditam assero Marce Tulli: Scribit Fabius eos fractum iri potius quā posse corrigi, qui in peius obduruerunt. Tortellius tamen ille, ille inquā homicida Tortellius, in quo futuram probitatem desperabant omnes, ad bonam frugem se recepit, & uitam commutauit in melius. Quod in tantam me rapit admirationem, ut in hac re quid dicam, nesciam: nisi Euripum tandem posito requiescere cursu, mutatumq; una consistere Protea forma. Nunquid enim mirum uidetur hominem illum, momento, et praefer omnium expectationem resipiscere: qui ab adolescentia, adolescentia autem? imò pueritia, adhuc lapsus sum, ab ipsis cunis morum improbitatem, & corruptelam cum lacte imbiberat, & nulli nō uitio fuerat innutritus: idq; adeo, ut iactam de illo aleam praedicarent omnes, uidereturq; Neronem propediem induturus. Quod quoniam accidit, redijt in beneuolentiam parentum. Plura scriberem, si per occupationes liceret: quoniam autem nunc non licet, mittam ad te cras aut perendie meum mulionem, qui quae supersunt tibi aperiat interim. Vale.

## EPISTOLA

## LXII.

**D**vrū est mihi studia mea interrumpere: quoniam tamen multis iam argumentis periculum feci, te esse ex eorum numero, qui accepti semel beneficij nunquam non reminiscuntur, uolo adhuc pleniore obsequio te mihi demereri: Ante omnia studijs tuis consule, in quibus, ne oleum & operam ludas, dicā quid opus factō mihi uideatur.

tur. Primum omnium, eorum lectione tibi interdico, quæ sesquipedalibus & antiquarijs quibusdā uerbis ab Euan-  
dri seculo repetitis ampullantur: quicquid nihil ducunt pul-  
chrius aut potius, quàm ut affectata obscuritate, & per-  
mistis dedita opera gryphis, & hiantem et suspensum te-  
neant lectorem, & crucē figant studiosis. Poeniteret te le-  
ctionis huiusmodi autorum, quandiu uiueres: qui se ope-  
ræpretium fecisse putant, si inuolucra quædā cōpegerint,  
quæ Oedipo coniectore, & natatore Delio (ut de scriptis  
Heracliti dicebat Socrates) indigeāt: quibusquæ Gordij no-  
dus, labyrinthus Dædali, Sphingis ænigmata, Numeri  
Platonici, Licophronis tenebræ, & Saliorū uersus suis sa-  
cerdotibus (autore Fabio) uix bene intellecti, comparari  
nequeant. Dum hæc scriberem, insperata quædam mora-  
menta me auocarunt: quibus implicitus interturbatā epi-  
stolam in diem sequentem coactus sum prorogare. Vale.

## EPISTOLA

LXIII.

**E**pistola quam heri ad umbilicum traxeram, nunc ad  
calcem perducenda est: quādoquidem otium scribendi  
liberius sese offert. Quod etiam si non adesset, adhuc ta-  
men rerum tuarum uellē satagere, partim amore tui, par-  
tim parentum. Quorum precibus expugnatus, promisi  
me aliquid quotidie scripturum, quod esset tibi usui. Qua-  
re ut intelligant me stetisse promissis, hominemque esse,  
quo cum securè in tenebris micent: plura præstabo quàm  
promiserim. Deterrebam te nuper ab eorum lectione,  
qui dedita opera antiquarijs strepunt uocabulis. Nunc te  
hortor, ut abstineas a librorum copia, neque tam uarijs au-  
toribus ingenium & memoriam confundas. Nam quod  
scribit Fabius, Lectionum uarietate refici stomachum, &  
pluribus cibis minore ali fastidio, non ibo inficias: modo  
tamen

tamen intelligamus hominem iam adeò in literis profecisse, ut huic labori non succumbat, & sub huiusmodi onere vires non fatiscant. Huic uerò labori quomodo poteris superesse, qui nihil adhuc, aut parum in bonis literis promouisti? Commodius multò feceris, si posthabitis illis, ex quorum paleis paulum colligitur fructus, unum tibi deligas Ciceronem, quem semper uelut archetypum seras, cuiusq; succum imbibas & doctrinam. Nam & Cicero ipse Terentium (quem familiarem suum uocat) semper habebat præ manibus: Et Cyprianus diem nullum sine Terulliani lectione præteribat: Scipio item Africanus, Pædiam Cyri de manibus non ponebat. Quos si imitaberis, rem facies tibi utilem, & mihi iucundam. Vale.

## EPISTOLA

## LXIIII.

**Q**uantum me pudeat puerorum nostri seculi, nec tu credere, nec ego satis exprimere possem Fabuline. Per multos enim reperias inuerecundos adeò & impudentes, ut quamuis adhuc sint elementarij & abecedarij, iam tamen plurimum sibi tribuant, neq; assurgant illis, qui ueteres omne genus scriptores multis uigilijs, magnaq; olei impensa iam excusserunt. Nolo putes deesse mihi in hac re testimonia, aut me aliquid comminisci. Nam quum nudiusquartus redire Nucerio, ubi metu pestis, nulli libi non seuientis, duos & amplius menses fuerat rusticatus, obuium habui quendam puerulum, quem quum rogassem, quò iret? unde ueniret? & cuius esset? dicere non erubuit, indignum me esse, quocum uerba faceret. Causam percunctanti, respondit esse sibi circulum & encyclopædiam illarum artium, quas in oratore perfecto requirit Fabius: mihi uerò tantum esse inscitiae, quantum sibi doctrinae, ac propterea non oportere, ut inter Arcadiæ pecuaria,



ria, & Musas, interq; graculos & olores aliquid esset commercij. Pueri insolentiam demiratus, satis habui consulere, ut Anticyram nauigaret, ibiq; sumpto helleboro repurgaret insaniam. Vale.

## E P I S T O L A

LXV.

**I** Am annis plus minus decem Grammaticos sequutus es Pauline, neq; tamē ab inscitiae tenebris pedem eduxisti. Nam quum scribis aliquid, aut loqueris, tertio quoq; uerbo incidis in solæcum: nescio quis excusationis locus tibi sit relictus, culpam non potes deprecari, si per te steterit, quò minus profeceris: Credo tamen partē culpæ tuis præceptoribus adscribendam, qui prima rudimenta memoriæ tuæ non inculcauerunt: quiq; te adhuc implumē ad uolatum prouocarunt: & Dædalum fecerunt, prius quàm esses Icarus. Superest tantum, ut quamuis serò, discas tamen, & ad prima redeas fundamenta. Noli putare hoc tibi futurum probro, ob ætatem iam prouectam: Præstat in ipsa etiamnum senectute resipiscere, quàm ad capulum usque delirare. Non puduit eloquentiæ parentem Ciceronē, post multas in Senatu declamationes dare se Apollonio Moloni recoquendum: Neq; octogenarium Socratem musicæ uacare: nec tibi quoq; turpe uideri debet in ipsa adolescentia, atq; adeò uirili ætate proficere, eaq; iacere fundamenta, sine quibus corruct quicquid superextruxeris. Quòd solito breuius ad te scribo, dabis ueniam: nam quum has à me literas nuntius postularet, non erat mihi otium ad mungendas nares. Deinceps plura scribam: interim salucbis ab amico, qui commendat se tibi, de meliore nota. Vale.

## E P I S T O L A

LXVI.

**M**agna posteritati fit iniuria, grauēq; iacturam faciunt bonæ literæ, dum ea supprimuntur opera, que

Cicero Moloni se recoquendum dedit,

quæ si prodirent in lucem, & euentilarentur, omnes inde frugem caperent. Omnibus enim exploratum est & compertum, quantum studiosi detrimentum acceperint in operibus Ennij, Lucilij, Cæcilij, Quadrigarij, aliorumq; plurimorum, ex quibus nihil nobis præter nomen relictum est. Non placet mihi eorum scripta circumferri, aut exponi uenalia, qui temerè & sine iudicio scribunt quicquid in buccam uenerit: neq; aliquid unquam ad incudè reuocant. De his loquor, qui quod rude primum pariunt, frequenter postea lābunt urforū more, frequenter incudi reddunt, et seueram ubiq; apponunt limam: quiq; refrigerato inuentionis amore perpēdūt postea, nō tāquam autores, sed lectores. Quod te multis iā lituris fecisse quoniā in cōfesso est, & constans ubiq; prædicat fama: cur tandiu eos retines suspensos, qui de te multa sibi pergunt polliceri, quiq; opera tua lecturiunt certatim, & empturiunt? Non est quod iudiciorum aleam, aut maledicorum graphia reformides. Certò scio, omnia ab omnibus probatū iri, quæ ex officina tua prodibunt: quum etiam quas tumultuariè scribis epistolas, omnes mirentur plurimum, atq; adeò tanti faciant, ut rosas loqui uideare, & omnia calamistris eloquentiæ cōpta dicere. Quare non minimo tibi daretur probro, si omnium expectatōnē fraudares ac destitueres. Opus est ergo ut parias, quod parturis iampridem.

## EPISTOLÆ

## LXVII.

**M**iratus sum plerunq; , cur nunc bonæ literæ pessum  
 Meant, quæ superioribus annis tanto in pretio habitæ sunt: cur nunc liberati nihili fiant, qui quōdam aestimabantur maximi, & habebantur numinum loco. Sed nihil est quod mirari debeam. Quondam enim artes pretio & honore fovebantur: neq; erat qui non assurgeret eruditis:  
 adeò

gi non curat. Præterea eius labia cōtrahuntur, Oculi glaucescunt, dentes albescunt plus solito, oculi eius fiunt profundiores, quàm prius extiterant, aspectum auditumq; sine causa reformidat, & semiapertis dormit oculis. Quæ omnia signa esse mortis receptæ fidei autores dicunt. Vide ergo quomodo tam tristi spectaculo, siccis oculis, & sine lacrymis interesses. Superest, ut horum destitutus auxilio, prudenter tibi consulas. Vale.

## EPISTOLA

## LXX.

**N**on parua dignus es nota, qui aspectum amicorum sine causa refugias, & uidendi tui copiam nemini facias. Quod si semper feceris, præstabis culpam sceleris alicuius, & grandis flagitij conscius tibi uidebere: cuius horrore discedas è medio, & latebras inquiras. Quoniam etiam in suspicionem uenisti, relictis literarum studijs uxorem duxisse. Quod si falsum est, caue ne fiat: te poeniteret matrimonij, quandiu uiueres. Nam quomodo parares tibi uictum? neq; arare, neq; literas nosti. Errares, si quicquam sperares à patre. Si te uideret manum ad stipem porrigere, si sanguinem flere, tui non tamen miseretur: neq; obolum tibi daret ad emendā restim. Non est dissimulandum, quin sit aliqua in coniugio uoluptas: sed si prospicienter obseruaueris quàm sit breuis, quot eam dolores, quanta sequatur poenitētia, nuptias ultabis cane peius & angui. Consule Hypponaetem, qui duos dixit uxoris dies dulcissimos, nuptiarum uidelicet & mortis. Refer ad Alexandrum, qui dixit nuptiarum diem multorum malorum initium. Nam si pauper diuitem duxeris, dominam non uxorem acceperis: si pauperem, onus uitæ ferre non poteris: si turpem, dolebis: si pulchram, habebis communem. Audi quid suadet Cheremon, uxorem (inquit) præstat

stat efferre quàm ducere. Interrogatus Simonides quid esset uxor, Viri (inquit) naufragium, domus tempestas, quietis impedimentum, uitæ captiuitas, pœna quotidiana, pugna sumptuosa, bestia conturbernalis, canis ornata, malum necessarium. Horum consilio si oculos animumq; ad-moueris, mutabis sententiam, & citò calculum reduces. Debes etiam apud te cogitare, multas puellas sursum uer-sum uideri formosas, quæ deorsum uersum, nœuis & ulce-ribus crurum ubiq; scatent. Valc.

## EPISTOLA LXXI.

**N**ON uideatur tibi mirum, si nunc præ lætitia oculus dexter mihi saliat, qui nudius quartus eram totus irri-sibilis & agelastus. Accessit mihi quod frequenti uoto semper cupiueram. Pater constituerat annos plus quatuor me in scholis captiuum tenere: sed precibus amicorū, quos semper meæ calamitatis miseruit, expugnatus, libertatem & exitū mihi promisit pridie Natiuitatis Domini. Quod si præstiterit, Deus sum: Fortunam ipsam anteibo fortu-nis meis. Nunquid enim seruile & miserum tibi uidetur in hac languere carnificina, in qua nullus nisi de inferen-dis uerberibus sermo? Quales putas qui nos erudiūt præ-ceptores? diceres esse plagiarios, carnifices, & tortores uulnerarios, inter leænas, inter lupo, & tigres educatos. Si quid fortasse aberrauimus, si tantillum oculos deieceri-mus, si uel unguem latum recesserimus ab eorū manda-to, tota ui consurgunt in pœnam. Denudant nos à calca-neo scapularum tenus, lacerant, tundunt, mutilant, pedi-bus conculcant, parietibus illidunt. Nullum in miseriam nostram non comminiscuntur impietatis genus. Sola oculo rum toruitate & contractione superciliorum nos adeo plerūq; terrent, ut malleamus in orci culū incidisse. Quodq;

f                      summæ

gi non curat. Præterea eius labia cōtrahuntur, Oculi glaucescunt, dentes albescunt plus solito, oculi eius fiunt profundiores, quàm prius extiterant, aspectum auditumq; sine causa reformidat, & semiapertis dormit oculis. Quæ omnia signa esse mortis receptæ fidei autores dicunt. Vide ergo quomodo tam tristi spectaculo, siccis oculis, & sine lacrymis interesses. Superest, ut horum destitutus auxilio, prudenter tibi consulas. Vale.

## EPISTOLA

## LXX.

**N**on parua dignus es nota, qui aspectum amicorum sine causa refugias, & uidendi tui copiam nemini facias. Quod si semper feceris, præstabis culpam sceleris alicuius, & grandis flagitij conscius tibi uidebere: cuius horrore discedas è medio, & latebras inquiras. Quoniam etiam in suspicionem uenisti, relictis literarum studijs uxorem duxisse. Quod si falsum est, caue ne fiat: te poeniteret matrimonij, quandiu uiueres. Nam quomodo parares tibi uictum? neq; arare, neq; literas nosti. Errares, si quicquam sperares à patre. Si te uideret manum ad stipem porrigere, si sanguinem flere, tui non tamen miseretur: neq; obolum tibi daret ad emendā restim. Non est dissimulandum, quin sit aliqua in coniugio uoluptas: sed si prospicienter obseruaueris quàm sit breuis, quot eam dolores, quanta sequatur poenitētia, nuptias ultabis cane peius & angui. Consule Hypponactem, qui duos dixit uxoris dies dulcissimos, nuptiarum uidelicet & mortis. Refer ad Alexandrum, qui dixit nuptiarum diem multorum malorum initium. Nam si pauper diuitem duxeris, dominam non uxorem acceperis: si pauperem, onus uitæ ferre non poteris: si turpem, dolebis: si pulehram, habebis communem. Audi quid suadet Cheremon, uxorem (inquit) præstat

stat efferre quàm ducere. Interrogatus Simonides quid esset uxor, Viri (inquit) naufragium, domus tempestas, quietis impedimentum, uitæ captiuitas, pœna quotidiana, pugna sumptuosa, bestia conturbernalis, canis ornata, malum necessarium. Horum consilio si oculos animumq; admoueris, mutabis sententiam, & citò calculum reduces. Debes etiam apud te cogitare, multas puellas sursum uersum uideri formosas, quæ deorsum uersum, nœuis & ulceribus crurum ubiq; scatent. Valc.

## EPISTOLA

## LXXI.

**N**on uideatur tibi mirum, si nunc præ lætitia oculus dexter mihi saliat, qui nudiusquartus eram totus irrifibilis & agelastus. Acceßit mihi quod frequenti uoto semper cupiueram. Pater constituerat annos plus quatuor me in scholis captiuum tenere: sed precibus amicorū, quos semper meæ calamitatis miseruit, expugnatus, libertatem & exitū mihi promisit pridie Natiuitatis Domini. Quod si præstiterit, Deus sum: Fortunam ipsam anteibo fortunæ meis. Nunquid enim seruale & miserum tibi uidetur in hac languere carnificina, in qua nullus nisi de inferendis uerberibus sermo? Quales putas qui nos erudiūt præceptores? diceres esse plagiarios, carnifices, & tortores uulnerarios, inter leænas, inter lupas, & tigres educatos. Si quid fortasse aberrauimus, si tantillum oculos deiecerimus, si uel unguem latum recesserimus ab eorū mandato, tota uis consurgunt in pœnam. Denudant nos à calcaneo scapularum tenus, lacerant, tundunt, mutilant, pedibus conculcant, parietibus illidunt. Nullum in miseriam nostram non comminiscuntur impietatis genus. Sola oculorum toruitate & contractione superciliorum nos adeo plerūq; terrent, ut mallemus in orci culū incidisse. Quodq;

f

summe



summæ infelicitatis & extremæ crucis est argumentum, cum in nos ita seuiunt & debacchantur, non auderemus præ metu hiscere: nec mihi quidem aut gratia facere. Quod si addiderimus uerbum, ictibus pluunt, & colaphis grandinant. Tam perimus, quàm qui iugulo implicatam iam habet restim. Excuterem tibi lacrymas, si cætera infortunia ad umbilicum tantum perducerem. Vale.

## EPISTOLA LXXII.

**M**ulti habent me suspectum latrocinij, quod nunc sericatus appaream & purpuratus, qui prius eram mulio & auriga: neque sibi possunt persuadere, tantas sine furto accreuisse mihi diuitias: quibus utinam explorati essent labores, quos pertuli prius quàm eò rerum peruenir: non enim tam facile de me iudicarent, neque mirarentur me tam citò erectum è stercore. Quascunq; habeo fortunas, Dijs acceptas refero: ausim tamen iuramento contendere, me meis laboribus plura multò meruisse. Nam ex quo tempore excessi ex ephēbis, non recordor diem ullum sine linea præterisse me: quod semper subiret in mentem Portij Catonis, qui detestari solebat, si qua dies per incuriam inanis effluxisset. Natus annos quindecim seruiui cuidam trapezita, moroso supra quàm sit credibile. Nam irascebatur ob rem nihili, ob floccos, ob unguem prauè sectum. Imperabat ad nictum oculi. Coniectare plerunque me oportebat, quid digito creparet. Si uitrum rupissem, comminuisset mihi caput sandalio. Iratus quandoque aqua & igni mihi interdicebat. Perferebam omnia, neque me piguit: moriens enim heredem me constituit, meorum memor obsequiorum. Quas ego diuitias non temerè prodigi, ut solent plerique. Nam cōuertere me ad studia, ubi quamuis adultus breui tempore adeò profeci, ut socios meos relin

relinquerem à tergo, & multis præcessissem paraſangis. Cum adhuc eſſem rudis, aliquid quandoq; dabam muneris doctioribus: neq; me pudebat conſulere iuniores: cur enim puduiſſet, cum Socrates philoſophorum optimus, à mulieribus doceri, indignum Philoſopho non duxerit? Diotinam appellare magiſtram, & Aſpaſiam frequenter? Hæc ad te ſcribo Ligurine, ut exemplo mei, dominum tuum tantis obſequijs tibi demerearis, ut tuæ conſulat paupertati. Vale.

## EPISTOLA LXXIII.

**Q**uid habes Pauline? quid frontem caperas? uideris mihi triſtior ſolito: facies tua mœroris promittit argumentum. Compertam habeo tuam naturam. Tu in primore fronte geris affectum animi. Non conſueueras hoc modo me præſente triſtari. Secure potes accerbitatis tuæ uirus mihi euomere. Quicquid dixeris, pèrinde ac theſaurum continebo, & fortasſe dolori tuo medebor, ſi modo capiat medicinam. Prius quàm occurrebam tibi, mihi arridebas, & à tertio uſq; iugere porrigebas dextram. Cur ſic te mutatum uideo? Neſcio an uerba mea nuper cum ſtomacho exceperis, quibus te inſimulabam pigritiæ: at ego aliouerſum loquebar quàm ut bilem tibi excitarem. Propterea non ageres amicum, ſi hoc ipſum mali conſuleres. Quicquid dixi, præterpropter mouendam tibi choleram dixi: ſemper dedi operam, ne quid detrimenti ulla in re caperes. Amaui te à puera, & molliter educaui: fouiq; ſemper mitius, quàm alumnum ſuum nutricula, neq; grauatus ſum ſtudia mea ſepenumero interpellare, ut facerem, quæ in rem tuam eſſent. Quare errares uehementer, ſi aliam perſuaſionem indueres. Eac ſemper mei in te amoris periculum, non inuenies me uerbo tenuis ami-

f 2 cum,

cum. Si qua in re opera mea tibi fuerit opus, ad me semper uelut ad anchoram confugas: qui te amet uehementius habebis neminem. Verum & uolo, ut me semper candidum amicum, & infucatum iudices. Non sum ex ea hominum nota, qui in ostio tantum formosi, palam blandiuntur, & clanculum mordent. Vale.

## E P I S T O L A LXXIIII.

**C**redo horam illam fuisse mihi fatalem, & inauspicatam, qua primum Lutetiam ueni. Antea nihil mihi dcerat, habebam omnia ex animi uoto. Eram indutus holoserico, bysso, & dalmatico. Ne multis agam, eram totus sericatus. Nunc uero incidi in tantam paupertatem & penuriam rerum, ut me oporteat domesticatum & ostiatim uictum emendicare, & manum ad stipem porrigere. Vale.

## E P I S T O L A LXXV.

**N**ulla non hora mihi caueo ab insidijs tuis: nam te suspectum habeo furti, & aliorum scelerum, quæ sunt turpissima relatu, & castas aures offendunt. Nullum fuit mihi frequentius uotum, quam ut uirtutem amplectereris: nunc uero de te nullam spem mihi promitto, omnem in te despero probitatem. Nihilominus quicquid ages, caue ne insolescas, & (ut est in prouerbio) exuiuium leonis induas. Erunt enim qui retundent tibi arma, si secus egeris. Vale.

## E P I S T O L A LXXVI.

**Q**uoniam auriculari nuper digitulo te percussi, nullo non die (ut multorum uerbis ad me perlatum est) maledicere mihi desistis ubique locorum. Quod quare facias, miror summopere. Ea non sunt humani ingenij, mansuetique animi officia. Conuiciare tamen ut uoles. Si insimulaueris me superbiæ, latrocinij, & aliorum id genus scelerum, non uorterim manum. Si animus esset iniuriam reponere,

nere, & hanc tuam petulantiam retaliare, patet amplissimus dicendi campus.

## EPISTOLA LXXVII.

**S**atis superq; conspicio uerissimam esse paræmiã, quæ aduersis fortune flatibus non esse desperandum fertur, aut in prosperis minime superbiendum. Compluscultos enim uidere est, grauib; infortunijs exagitatos, quos molli gremio post paulò eadem complectitur fortuna. Contra uerò per plures non desunt, quos ab immensis opibus ad humilem pastoris cõditionem compellit. Quocirca nosce te ipsum, nec tantum tibi tribuas. Vale.

## EPISTOLA LXXVIII.

**Q**uandiu fuisti probatis moribus, & spem bonæ indolis præ te tulisti, rebus tuis semper consului: nunc uerò quoniam ablegasti uirtutem, & hominum expectationem de te sefelisti, interdico tibi domo mea. Quòd minaris mihi satyras & mortem, ego has comminationes non facio pluris, quàm fulgur ex uitro. Si quid in me iandiu parturis, parias quæso. Tanti facio uerba tua, quanti nugas obstetricum, & delirantium iam uetularum. Si nihili pendis quod dico, multò minoris æstimo quod facis. Vale.

## EPISTOLA LXXIX.

**M**alè agis & iniquè, si habes me suspectum insidiarum, aut alicuius in te coniurationis. Hocci'ne est credibile, me in eum insidias parare uelle, cui quicquid habeo doctrinæ, acceptum referre debco? Nutriuisti me à puero: fecisti ex seruo, ut essem libertus, & quod habuisti summum pretium, persoluisti mihi. Næ inhumanus essem, & planè inciuilis, si tanta beneuolentia excideret animo meo. Parce, quæso, furori, tantisper dum rei ueritas innote

Ex Terentio.

scat tibi clarius. Demū si talem me reperias, qualē suspicaris, interdicas mihi domo tua, ipsaq; adeo consuetudine & familiaritate: nam & ero dignus tanta nota. Vale.

## EPISTOLA

LXXX.

**D**emeruisti me tibi multis obsequijs: Dij faciant, ut mihi liceat aliquando gratiam referre, & agnoscere beneficium. Si uelis fieri certior rerum mearum, contineo me domi, neq; amplius sequor militiam; partim quod hæc professio nō uideatur mihi magnæ frugis, partim etiā quod præ senio iam sim emeritus & donatus rude. Quod rogas, ut de fratre tuo bene merear, eumq; ad uiam uirtutis reducam: illud factu perdifficile est: iam enim adeo occalluit in sua nequitia, ut nulla sit spes eius reuocandi. Ad hæc aspectum meum reformidat ac refugit, quanta maxima potest opera. Vale.

## EPISTOLA

LXXXI.

**O**Mnes habent te suspectum eius homicidij, quod heri perpetratum est in suburbij, horam circiter nonam. Si res ita se habet, uitæ tuæ non parum timeo. Non solum enim uapulabis à carnifice compitatum: at (quod longè deterius est) traheris ad furcam. Vide quonam modo effugium tibi reperies. Non poteris enim depreccari mortem, si quis aduersum te sententiam tulerit. Præterea iudices instabunt, ut ratiocineris usq; ad assem de pecunia, quā uno abhinc anno temerè prodegisti. Vale.

## EPISTOLA

LXXXII.

**N**on est mirum si parentes ignauiam tuam pertæsi, omni ope te destituerint: quoniam (ut accepi) tu quotidie pernoctas in alea, præterea insidiatrices quædā metreticulæ facultates tuas exhauriunt, & crumenam: à quibus nisi caueas, non habebis tandem unde satisfacias tuis

cre

creditoribus, & ab eorum ære te eximas. Vale.

## EPISTOLA LXXXIII.

**S**æpenumero multis periculis uitam obiect, ut ab his te redimerem quæ uidebantur imminere tuo capiti. Nihilominus si quādo opus est mihi opera tua, subterfugis astutē. Vtere tuis astutijs ut uoles: futurum enim spero, ut nihil inde fructus consequare. Ad extremū dabis poenas tuæ ingratitude: nam non est credibile, deos hoc scelus inultum relicturos. Vale.

## EPISTOLA LXXXIIII.

**M**irari quidem satis nequeo impudentiam tuam. Vides corruptissimam tuam uitam probatissimis quibusq; uiris displicere: tu tamen nihili facis. Cum adhuc eras puerulus, omnes grande aliquid sibi promittebant de tua indole: nunc uerò spem omnem futuræ in te uirtutis ademisti: uiue tuis legibus. Scies tamen parum frugis ex hac uiuendi ratione tibi futurum. Longè prudentius faceres, si eorum consilium sequerere, qui tuæ prospiciunt utilitati. Vale.

## EPISTOLA LXXXV.

**D**olenter & ægrè fero, quòd non facias frequentius uidendi tui copiam: cum exploratissimum habeas meum in te amorem. Quotusquisq; amicorum tuorū prospexit rebus tuis uigilantius quàm ego? Te oro, utere amico tuo familiarius. Nulla in re (quam petiueris) repulsam passurus es. Vale.

## EPISTOLA LXXXVI.

**D**ii immortales, quàm diuersa est hominum natura. Qui hac tempestate uolunt rem augere domesticam, eos oportet assentatores esse maximos, multa dissimulare, habere animum à labijs dissentientem: secus non



dabitur locus, aut ratio augendæ facultatis. Proinde si facilem accessum uelis tibi patere ad principes, in primis dicendum erit uale Virtuti, repudianda Veritas, atq; etiam probandum gratante & plausibili uultu, quicquid illi dixerint, aut fecerint: uel si hominem interfecerint. Vide apud te, an in iusta paupertate malis uiuere, an per nefas ditescere: potior tamen mihi uidetur honesta paupertas, quam congregatæ per scelus diuitiæ. Vale.

## EPISTOLA LXXXVII.

**A** Dinam tibi metum in quo nunc es, & explebo animum gaudio, cum quid tibi dixerò, quod à receptæ fidei hominibus intellexi. Pater tuus constituerat te exigere sua domo, exorauì tamen meis precibus, ut propositum hoc immutaret. Da operam, ut eum in amore tui contineas. Nemo est mortalium, cui plura debeas, quam illi. De te (scio) bene merebitur, si hominum expectationem non destituas. Vale.

## EPISTOLA LXXXVIII.

**V** Su plerunq; accidit, ut illiterati grammaticæ multò pluris æstiment sese, quam homines egregiè docti, & oraculorum Sibyllæ interpretes. Quod in te expectatus sum. Luce clarius est, & uero uerius, te adhuc esse elementarium, uixq; à tenebris ignorantiae pedem eduxisse: adeò tamen tibi places, & blandiris, ut neminem præ te ducas hominem. Quæso prius quam amplius insolescas, metire te tuo modulo. Putas te dignum grammatici nomine, quòd ineptas quasdā differentiolas, friuolasq; etymologias didiceris? Hallucinaris plurimum, si tam breui gyro Grammaticen concludas: cum oporteat perfectum grammaticū Philosophos, Oratores, Poëtas, Iurisconsultos, omnem deniq; scriptorum genus excussisse. Vale.

EPIST

## EPISTOLA

LXXXIX.

**F**requens fuit mihi uotum ac desiderium, uniuersam uitam in bonis literis consumere: at qui nimia, aut, ut uerius dicā, Orbiliana præceptoris mei seueritas usque adeo nosce tripli-  
me diuertit, & absterruit, ut certū sit mihi Porcarium potius aut mulionem agere, quā diu eam sustinere crucem. Hoc si grauatē et dolēter ferat pater tuus, consule quāso, quonam modo poterit occurri, aut iri obuiam. Sum enim imparatus, neq; consilij locum habeo, neq; auxiliij copiā, ut ait Terentianus ille Pamphilus, nec satis compertum habeo, quod remedium huic malo inueniā. Si ratione ulla fieri possit, cauere uolo, ne ea res mihi sit infamiæ. Vale.

## EPISTOLA

XC.

**Q**uoniam percontaris sepenumero, quomodo res nostræ sese habeant, uolo explere animum tuum. Illud primum omnium scito, nobis omnibus prosperè esse, lautè & genialiter satis uiuimus. Vnum est tamen quod malè nos habet, quia frequens est tibi consuetudo cū perdidita nescio qua muliere, quæ facultates tuas omneis instar hircinis exugit, & te ipsum radit usq; ad cutem. Vtinam consultè & recta reputares uia, quā fraudulentæ sint diobolares huiuscemodi meretriculæ, animū tuum (ut cōiicio) ad aliud negotium appelleres. Erit quòd succenseamus tibi, si in re nihili tantū semper feceris sumptū. Pròinde medeare huic malo, & quā poteris citissimè. Vale.

## EPISTOLA

XCI.

**I**n morte patris fingebas te plurimum dolere: uerū ea sollicitudo bidui solum extitit, aut tridui, fuitq; ficta, & similis præficarum lacrymis: demum desisti dolere. Tu non refers par pari, si iam patris oblitus es, qui tamen nihil unquā tibi deesse passus est. Dabitur tibi magis  
f 3 gno

Diobolæ  
meretriculæ  
est utilissimæ

gno probro, si hæc ingratitudo ad aures hominum per-  
uenerit: propterea fac, ut probū decet adolescentē. Vale.

## E P I S T O L A

XCII.

reuocare.

**P**vtas te fecisse pretium operæ, quod triuales quos-  
dam uersiculos conscripseris: hisq; p̄inde tibi pla-  
ces, ac si arduum aliquod opus & Arcopagitarum thea-  
tro dignum edidisses. Te oro per amicitiam nostram (quæ  
incepta à paruis cum ætate accreuit simul) caue ne sis ti-  
bi Suffenus, aut simias imiteris, quæ suos foetus quamlibet  
deformes, pro formosissimis admirantur. Non monerem  
te huius rei, nisi certò uiderem, plus inde futurum detri-  
menti, quàm utilitatis. Ceterùm audio te quibusdam fla-  
gitijis deditum esse & procliuē: à quibus pedem reuoces,  
te quæso. Admodum enim difficile est, ab eo se malo extri-  
care, cui quis ab incunte ætate insueuit, & innutritus est.

## E P I S T O L A

XCIII.

**P**etiui abs te decem aureos solatos muneri, nulla qui-  
dem coactus necessitate, aut indigentia: sed ut ani-  
mum tuum pertentarem: nam (quod dijs habeo gratiam)  
auri & argenti est mihi abundē. Passus sum abs te repul-  
sam: quod in magnam me traxit admirationem. Hoc enim  
scio, me meis in te beneficijs meruisse, ut fortunas tuas,  
ipsamq; adeò uitam pro me exponeres. Quid? polliceba-  
ris montes & maria, dicebasq; me esse tibi chariorem tuis  
oculis. Hæccine est illa beneuolentia? Qua fiducia id au-  
des recusare, quod paulò ante promiseras? Nunc quoniam  
explorata est mihi fides tua: caue deinceps ne conspectui  
nostro te offeras: facilè carebo opera tua. Vale.

## E P I S T O L A

XCIIII.

**N**escio unde tibi creuerit hic fastus, ut abiectionē me  
putes, quàm quo cum uerba facias. Primum omnium  
(quantum

(quantū conijcio) nō sunt tibi plures animi & naturæ doctes, quā mihi: sed ut sint, debes propterea eò arrogantiæ conscendere, ut neminē præ te ducas hominē? Diuitiæ tuæ (ut cōiectura colligo) hoc superciliū tibi non induunt. Nā licet patrē habueris, ut omnium hominum sapientissimū, ita locupletissimum: rem tamen domesticam, iuxta & uniuersum patrimoniū sic prodegisti, ut parum absit, quin te oporteat emendicare uictum ostiatim. Proinde te oro, nosce te ipsum: nec tantum tibi tribuas, quantum consueuisti. Nosce te ipsum

## EPISTOLA

XCV.

Nescio quanam ratione factum sit, ut in odium tuum inpegerim: nihil me omisisse puto, quod amicum fidelem deceat. Si fortē conquereris, quod nihil pecuniariū pridie ad te miserim, non est quod conqueraris: nam ego & nostrates frē omnes, tantā rerum omnium penuria laboramus, ut pauci admodū reperiantur, qui habeant unde uel mediocriter uiuant. Propterea non est credibile te iam prodegisse, quod pridie dominicæ Natiuitatis ad te misimus. Si quod aliud mororis argumentum te pupugerit maximē uellem cognoscere, ut possem resarcire & reparare, si qua per me iactura tibi contigisset. Vale.

## EPISTOLA

XCVI.

Nullo frē non die te moneo, atq; uehementius insto, ut proficias in bonis literis, quō tua doctrina modū aliquem reperias uiuendi: nam parentes tui omnes uix habent, unde seipsos nutriant uel tenuissimē. Itaq; longē tua expectatione falleris, si eorum fiducia iuuentutē in torpore consumeres, & (quod dici solet) in utranq; aurem dormire otiosus. Si nihil promoueris, tu solus eris in culpa: neq; enim tibi deest ingenium, nec item boni præceptores, qui te bonas artes edoceant. Vale.

EPIST

## EPISTOLA

XCVII.

**N**ihil unquam mihi respondet ex animi sententia: nec compertum habeo unde inauspicatum hoc malum me semper consecretur, nisi quia aurem præsto nonnullis impostoribus, qui amicitiam uultu promittentes, furtim me decipiunt, & uerbis lactant: à quibus quum uolo me extricare aut reuocare, nequeo: acrius tum nituntur: & dant operā, ut me trahant in suas pedicas. Quod non adeò grauatè ferrem, nisi deciperer à quibusdam, pro quorum salute uitam meam multis quandoq; periculis exposui. Te oro, si quod huic malo remedium queat inueniri, exhibe te amicum: nullum etenim habeo præter te unum, à quo ratio meæ utilitatis dependeat. Vale.

## EPISTOLA

XCVIII.

**C**onsulo tibi frequentissimè, quonam modo te oporteat uiuere, quibus cum uersari, quos refugere, quos imitari. Videris tamen parui facere quod moneo. nam nunquam reminisceris uerborum meorum. Hoc unum certò scio: neminem unquam extitisse, qui prospexerit rebus tuis uigilantius, quàm ego. Di; deaq; omnes illum perdāt pessimè, qui primū te diuertit, ne uirtutem amplectereris: nā (ut uidere est) adeò te corrumpit, & perditis inebriauit moribus, ut liberandi tui nulla spes omnino relicta sit.

## EPISTOLA

XCIX.

**V**ideris tibi felix, & (quod aiunt) cælum digito attigisse, quòd quædam epigrammata & elegias dederis in lucem. Putas enim te magnam ab eo mercedem habiturum, cuius nomini opus ipsum nuncupasti. Noui hominem intus & in cute, eiusq; mores mihi sunt exploratissimī. Est opulentus quidem, uerū etiam adeò tenax & illiberalis, ut facilius sit elicere aquam ex pumice, quàm ex eius crumena

mena plumbeum nummum extorquere. Si speras blandis uerbis ipsum ambire & inescare, nihil agis. Aurem facile præstat adulatoribus & parasitis: sed semper palpum obtrudit. Vale.

## EPISTOLA C.

**Q**uid habes Nucerine? dissimulas & suppressis dolorem tuum quàm potes maximè, & adulterino quodam risu lætitiā promittis: est tamen aliquid, quod intus te torquet pessimè. Vbi primum te aspicio, arguo protinus animum tutum ex ipsa fronte. Mi animule, si me amas, noli te macerare. Quum te uideo uultuosa facie, & obductis supercilijs, lacrymis nequeo temperare. Potes citra metum arcanum mihi tuæ mentis committere. Non est enim (quantum conijcio) in tota mortalium uita, qui magis honori tuo & famæ timeat, quàm ego. Quod si nondum satis explorasti, experire certius quum uoles. Vale.

## EPISTOLA CI.

**V**erba tua atq; etiam mores magnopere mihi placent, adeò inquam placent, ut incredibilis uoluptas accrescat animo meo, quum iucundissimo tuo aspectu frui licet. Aliquantulum tamen displicet immoderata loquacitas, nec mihi tantum, at etiam plerisq; magnæ celebritatis hominibus. Si uelles aurem præstare meo consilio, parcius loquereris. Nam magna & heroica homini uirtus, linguā cohibere, in cōuiuijs maximè: ubi quū quis impudenter loquitur aliquid, aut inconsultè, non caret ebrietatis suspitione. Apertè omnia dico. bene enim mihi promitto de tua beneuolentia iuxta & humanitate, ut existimem te equi boniq; consulturum, & non laturum ægrè, uel si acerbissimè te obiurgauero. Vale.

Linguā cohibere in conuiuijs homini uirtus est heroica.

## EPISTOLA CII.

Dici



**D**ici profectò nequeat, quàm dolenter & agrè tulerim, quòd toto triennio, quo Lutetiam habitas, ternas tantum literas ad me miseris, & eas quidem breuissimas. Quid? quo tempore discessisti à nobis, iurabas te scripturum unoquoq; mense: uide quomodo constiteris tibi. Næ tu es egregie malus, dignusq; multis plagis & cicatricibus, quòd iam memoria tua exciderint, qui rerum tuarum semper & ubiq; sategerunt. Emoriar, nisi te poeniteat tuæ ingratitude. Si unquam uidero te ad eam rerum inopiam reductum, qua aliquando elaborasti, non miserebor tui, uel si sanguine fleueris. Vale.

## EPISTOLA

CIII.

**N**emo est, qui te nimia temeritatis non arguat, quòd adeò superbè & elatè respondeas senatoribus: nec iniuria sanè. Periculosum est enim in eos temere murmurare & obloqui, penes quos uitæ nostræ iuxta & mortis pendet potestas. Iam hoc idem tibi prædixerā antè paulo, quàm discederes à me. Te oro, si antehac imprudenter uitam institueris, ut posthac in teipsum descendas, & tuo te pede metiaris. Quicquid dico, sine felle dico. nam quantum infra meritum, & citra quàm debuisti meæ in te beneuolentiæ responderis, non possum, tamē nō beneuolē te hortari. Quum nuntius tuas ad me literas deferret, nō pergat amplius ad antiquum meum domicilium. Nam habito è regione Gymnasij Nauarriensis, ubi nemo est qui à secundo iugere, mihi non assurgat, ob eam doctrinæ & uirtutis opositionem, quam de me conceperunt omnes. Vale.

## EPISTOLA

CIIII.

**F**uit nescio quis apprimè tibi familiaris, qui uitam tuā omnem ab ipsis (quod aiunt) crepundijs mihi enarrauit. At nihil uel modicæ dignū de te gloria intellexi, præter qu

Suo se metiri  
pede.  
Sine felle di  
cere.

terquam quòd abstemius uiuis. Nullo ferè nò diè aleã pro-  
trahis in mediam noctem. Supra modum & messem tuam  
sumptum facis, & ultra quàm tui parentes opinentur.  
Fieri nequit, quin pessimè tibi uertat, si uoluptatibus sem-  
per indulgeas, ut hactenus cõsueuisti. Non ignoras te Lu-  
tetiam profectum esse, præterpropter uoluptates & lu-  
dos. Non respondes parentũ de te opinioni: et meã ipsius  
spem fefellisti maximè. Hucusq; merui de te supra quàm  
debui: amaui te ultra quàm tibi persuadeas. Verum nisi ab  
huiusmodi uanitatibus pedem reuoces, ego relinquam te  
omni ope destitutum, & interdicam tibi domo mea. Vale.

## EPISTOLA

## CV.

**V**T inam esset mihi otium ab his occupationibus, quæ  
me nulla non hora interturbant, & ferè obruunt.  
Facerem ut intelligeres, quantum nomini tuo tribuam.  
Aliquot abhinc diebus nisi ad te nonnihil pecuniariũ, plus  
multo propediè missurus. Vtrum autem acceperis, nec ne,  
clam me est. Si non acceperis, per me non stat. dedi enim  
cuidam homini, qui probatæ admodũ fidei mihi uidebatur,  
atq; etiam dignus quo cum in tenebris tutò & citra scrup-  
ulum micare possem. Porro desine quæso litigare cum Li-  
gario. Certius & exploratius nosti hominem, quàm ut de-  
pingi tibi debeat. Mores eius domesticè tanquam tuos un-  
gues tenes. Præterea uulgò dici solet, gallinaceos in suo  
sterquilinio plurimũ ualere. Si unico uerbo factione cum  
eo susceperis, fretus parentum fiducia, interficiet te. Cete-  
rũ si Codrus domum tuam se contulerit, caue maximè ne  
eum intromittas. Secus si feceris, te pigebit facti. Nam pri-  
ma (qua meũ iacuit) nocte, pannos, culcitram, puluinar,  
lodicem, suppedaneum, brachas, cothurnos, soccos, cæ-  
teraq; id genus uestimenta (honor sit auribus tuis) tur-  
pissim

piſſimè percacauit, & ſtercorauit. Vale.

## EPISTOLA

CVI.

**P**vtabam cum animi candorem eſſe tibi congenitum, ut nunquam uelles aliquid in me fraudis comminiſci. Vbicunq; enim occurrebam tibi, tu pellace uulpe benignior blandiebaris mihi, & arridebàs. Nunc uerò àpertè uideo, te hominem eſſe fraudulentum, & nigra (quod aiunt) cauda: atq; animum habere à lingua & labijs diſſentientem, & procul remotum. Nam quū pericula multa me circumſtetcrunt, non ſolū non ſubueniſti amico, at etiam de induſtria nocuiſti. Nunquā per deum Herculem quieſcam ex animi ſententia, quin te cumulatiſſimè, & cū multo ſcœnore retaliauero. Quinq; anni iam præterierūt, ex quo abunde, & ambabui (ut aiunt) manibus omnia tibi ſuppeditauimus: at ſi te oporteret uictū emēdicare, non extorqueres à me nummū plūbeū ad emendā reſtim. Vale.

## EPISTOLA

CVII.

**Q**uotidie ſerè conuertis omnium in te oculos, quòd ſericatus appareas, ſuperbiuſq; induaris, quā ut fortunam tuam & facultatem deceat. Et (quod eſt extremum dementiæ) quod omnes uertunt crimini, tu laudi tribuis. Legiſti ne unquam hominum inconſultiſſime probro datum eſſe Quinto Hortenſio oratori, quòd compoſitè circumſpecteq; & multa cum munditia indutus eſſet? Tu capillos unguento delibutos pectis ad ſpeculum. Vnico digitulo (quod aiunt) caput ſcalpis. Inſueſcis lecticæ & plumis Sardanapali. Oculi tui ſunt ludibundi & ebrioli: manus inter agendum geſtuoſæ. Putas hæc omnia carere ſuſpicionem mali, quod per ſœditatem nominare non licet. Si me amas, & honori tuo uiſ proſpicere, abſtineas à nimia illa corporis elegantia. Vale.

EPIST

## EPISTOLA CVIII.

**S**olus sum quem diligunt Dij immortales, si nulla ægritudo uoluptatibus meis intercesserit. Pater meus (quod Dijs habeo gratiam) prosperè se habet & pugilicè. Mater abundè pecuniarum mihi attulit. Quid quæam expectare maius, aut felicius? Si forte fortuna aliquis me morbus inuaserit, sub manu, & dicto citius præsto aderunt infiniti medici, qui morbo meo medeantur. Vnum tamen est duntaxat, quod me excruciat miserrimè: Ego sum planè ignarus: literas ne à limine quidem salutavi, aut primoribus degustavi labijs: hoc si carerem infortunio, cæteros mortaliū præ me uno infelicißimos crederem. Vale.

## EPISTOLA CIX.

**D**um quid scribis, opera tua tibi rident adeò, & blandiuntur, ut digna protinus existimes, quæ & euentilari, & in lucem prodire debeant. Quæ in re non parum timeo ne sis tibi Suffenus, ac simias imitare, quæ suos foetus quamlibet deformes pro formosißimis admirantur. Si saperès, ab alieno potius arbitrio penderes, quàm tuo. Cæue ne his aurem præbeas, qui te magnis laudibus palàm efferrunt, omnesq; Latinae linguae principes præ te uno rudes & agrestes esse prædicant, clàm uerò medio te monstrant digito. Fallaces hoc genus parasiti perbellè tibi imponunt, & te molliter inescant, ut aliquid semper trahant in suam nassam. Finem faciam huic epistolæ, ne uerbis meis defatigatus pertædeas: quamuis iusta te obiurgatione incessam. Si percontaris ut ualeam, bene sanè. Nulla est ægritudo, quæ animi mei seueritatem obnubilet, præter tuam illam cæcitatem. Hoc si abesset malum, cætera lætus essem. Vale.

## EPISTOLA CX.

**A**Nteà cum accersebam te domũ meam, à tertio (quod dici solet) iugere & stadio mihi arridebas, eorum omnino similis, qui in ostio tantum sunt formosi, uidenturq; pellace uulpe benigniores. Ne multis agam, adeò blandiebaris, ut indubitata fide omnia de te mihi promitterem. Nunc tamen apertè uideo te ex eorum esse numero, qui montes & maria pollicentur: denum ubi res ipsa postulat, nihil omnino præstant. Abhinc paucis diebus te orauì, ut aliquid contra ius & contra æquitatem ageres, ut eximeres me à periculo quodam, quod immincebat capiti meo. Respondisti, nulla omnino de causa declinandum esse de uia, etià si amici crebris efflagitarint conuiçijs. Sed dic mihi hominum æquissime, unde noua isthæc religio in te incescit, & suborta est? Chilo præstabilis homo sapietie, nūquid conseruandi amici gratia falsum dedit consiliũ? Nunquid & Pericles promisit se accommodaturum amicis usq; ad aras? Sed de his hactenus. Si quando acciderit tempus quo indigeas opera mea, tu talionem accipies.

## E P I S T O L A

## CXI.

**L**ongè tua te fallit opinio, si putes nos aulicos ceteris mortalibus esse feliciores. Nos quidem lautè & genialiter uiuimus. Habemus affatim diuitiarum, induimur bysso & purpura. Superbè & plus quàm tragicè incedimus palàm populo. At multi forinsecus magnà præ se ferunt & promittunt opulentiã, quibus res est angusta domi, & curta supellex. Alij usqueadeò obruuntur ære alieno, ut ipsam quoq; debeant animam. Prætereà putas ne sub elegantissimis nostris tuniculis multam sordem quandoq; deutescere? Pleriq; intus & in cute à calce ad uerticem capitis sunt scabiosi. Alij omnino podagrici, & membrorum impotes: & (quod in maximã miseriæ partem repono) ui-

uen

uendum est nobis non arbitrio nostro, sed aliena (ut aiunt) quadra. Si quis nostrum in morbum quamlibet grauem inciderit, nullo penitus indicio dolorem suum audebit exprimere, ne rideatur ut mollis, et effeminatus. Præterea (si me audis) noli commutare solitam tuam professionem. Vale.

## EPISTOLA

## CXII.

Conquereris et plus nimio, quod nudiusquartus breuem quandam pecuniam auferis: quod me maxime reddit mirabundum, cum præsertim leuis et impœnitenda sit iactura, et quæ nullo ferè labore compensari queat, et resarciri. Studerem tibi dolorem hunc excutere, nisi uererer mea uerba tibi fore irrita. Si uelis rependere hoc detrimentum, quare non reuerteris ad pristinam professionem, cum præsertim ea sit quæstiuosa et exploratissimæ commoditatis? Aliud est, quod te monitum uelim: Cum quis in odium tuum impegit, in eum protinus ructas, et cuomis quicquid in buccam uenit. Contrà uerò cum quempiam amicum tibi delegisti, prima statim fronte patefacis intima tuæ mentis arcana. Te oro ex consilio Chilonis, sic ames, tanquam aliquando osurus: hactenus demum oderis, tanquam postea amaturus. Vale.

Sic ames tanquam aliquando osurus.

## EPISTOLA

## CXIII.

In aprico nuper quiescebam ego et pater tuus. cum autem unà fabularemur, accessit protinus nescio quis nuntius agrestis planè et inelegans, qui prædicabat se familiarissimum tibi fuisse, et eidem præceptori operam dedisse. Propterea percontati sumus, ut ualeres, atque in literis profecisses? Respondit ille te mortalium omnium pigerrimum, et (quod aiunt) Epimenidis somnum tuæ indormire negligentiae. Id ubi primum pater tuus intellexit, turpibus in te uerbis, et indignis relatu temperare non

Epimenidis somnum dormire.



potuit. Si uis ut eum in amorem tui reuocem, expergiscere, & ab eiusmodi nota, quàm maximè poteris, caue. Vale.

## EPISTOLA CXIIII.

**C**ontrahis tibi pessimum nomen, quòd nihil habeas frequentius in ore, quàm uerba obscœna, & quæ castas aures offendunt maximè: & (ut nihil dissimulem) non desunt, qui ex ea procacitate linguæ, & illoto sermone mores tuos arguant & metiantur, dicantq; uitam ipsam orationi respondere. Non est quòd mihi succenseas, si te beneuolè & amicè corripiam: quoniam nostræ omnium aures iam callent turpissimo illo rumore, qui passim de te circumfertur. Caue tibi, nam si nota illa diutius increuerit, nunquam eluetur, & tu ipse uix poteris in bonâ uulgi opinionem introreperere. Nemo est parentum tuorum, quem tantæ non pudeat turpitudinis. Et certè periculum est, ne turpissima tua uita desinant haberi in pretio. Vale.

## EPISTOLA CXV.

**P**ater tuus grauitè & iniquo animo tulit, quòd audiuerit, nullum esse tibi frequentius uotum, quàm ut uxorem ducas: nec dubito, quin pessimè tibi uertat, nisi entaris qualicunq; astu irrepere ad demerendam eius beneuolentiam. Sed dic per deos omneis, undè nam tibi incessit mutandæ conditionis desiderium? Non ignoro multas esse in tua professione misérias: uerùm hæ maioribus emolumentis pensantur, & oblitterantur. Ea causa ad te scribo, ut te à proposito diuertam, & absterream. certius enim quàm tu uideo, quantam facturus sis iacturam, si ab eius mandato uel unguem latum recesseris.

## EPISTOLA CXVI.

**O**lim cum quid ad me scribebas, epistolæ tuæ legébantur palàm, & sine ulla uitij suspitione circumferre

ferebantur. Nunc uerò cum quid scribis, manifestarius error tertio quoq; uerbo deprehenditur. Qua in re homines non solum multa lectione exercitati, at etiam tenues, & obscuro loco nati te derident: neq; est quisquam aure adeò surda & iacenti, quin faciliè perspiciat, & animaduertat hanc inscitiam. Timeo ne longa studiorum desuetudo, hac barbarie te contaminauerit. Si uelis redire ad intermissum, interruptumq; & interpolatum calorem, erit quòd speremus te nonnihil profecturum: at si diutius insucueris huic negligentiae, iacta est alea: nos te omnino desperamus.

Iacta est alea.

## EPISTOLA CXVII.

**M**ulti & sapientia, & autoritate præditi conueruntur sæpenumero de quibusdam sciolis, ineptulisq; & diobolaribus grammatistis, qui pedibus (quod aiunt) illotis, ad sacrosanctas legum & Philosophiæ disciplinas diuertunt: aut frequentibus auditorijs palàm profitentur, cum tamen nihil unquam bonarum literarum, nisi fortè in transcurso, degustauerint. Sunt etiam (proh Iupiter) qui Platonem legere uelint, non uitæ ornandæ, sed linguæ orationisq; comendæ gratia: nec ut modestiores fiant, sed lepidiores. Utinam utinam iactantiaculi isti nebulones nugarum tenus docti inniterentur uestigijs discipulorum Pythagoræ, quorum nemini prius licebat aut commentari, aut uerba facere, quàm factus esset eruditus silentio. Horum igitur periculo tibi magnopere cauendum est, ne conscēdas altiores disciplinas: quæ & ingenij, & doctrinæ captum longe exuperant. Vale.

Pythagoræ discipuli silentio eruditi.

## EPISTOLA CXVIII.

**D**olui iampridem, atq; in dies ingrauescit animi mei ægritudo, quòd uniuersum patrimonium uix toto

uertente anno prodegeris. Pater tuus nunquam minoris  
cœnauit, quàm decem aureis : nunquam minoris habitauit  
quàm decem millibus aureorum. Tamen ex tot tantisq;  
opibus, quas reliquit moriens, uix superest urceus, aut fi-  
ctilis lagœna. Sed certè nil mirũ. uili enim uēdidisti, quod  
magno emerat. Multi me præsente stultitiæ te insimula-  
runt: semper tibi patrocínatus sum : sed noli deinceps ex-  
pectare patrocínium meum, dum te uidero immutatum.

EPISTOLA

CXIX.

**V**ideris ex eorum esse numero, qui cum nihil refert,  
pudent, ubi uerò pudendum est, tunc eos descrit pu-  
dor. Nudiusquartus cum insimulauimus te ignorantiae,  
protinus demissa fronte crubuisti. Vbi uerò adulteria tua  
in medium protulimus, culpæ tuæ patrocínari cœpisti: tan-  
tum abest, ut pœnitentia ducereris. Miror qua fronte tot  
probrosas de te contumelias perpeti possis. Bis ad subsellia  
iudicum tractus, extrema stetisti fortuna, & ita discessisti:  
non quòd innocens credereris, sed ne iudices peierasse di-  
cerentur. Caue ne diuina ultio (quæ lento gradu ad uindi-  
ctam sui procedit) ampliori exitio te reseruet, tarditatēq;  
supplicij grauitate compenset: multis enim fortuna parcit  
in pœnam: & quem saepe casus transit, aliquando inuenit,  
ut inquit ille. Vale.

Valerius  
Max.

EPISTOLA

CXX.

**F**rater tuus publicè profitetur Aeneidem Verg. ma-  
gna doctrinæ suæ ostentatione : utinam tanto audito-  
rum fructu & plausu. Non satis scio, quam gratiam inde  
relaturus sit, nihilominus tanta est discipulorum nostri tem-  
poris ingratitude, ut ubi primum discesserunt à conspe-  
ctu præceptorum, statim obliuiscantur ueteris beneficij,  
neq; agnoscant per quos profecerint. Expertus & sciens  
loquor.

Ingratitudo di-  
scipulorũ no-  
stri temporis.

loquor. Multi enim ex officina & umbraculis meis prodierunt, qui nunc me nihilo pluris aestimant, quàm porcærium, aut mulionem abiectissimum. Qui de ingratis bene merentur, hoc frugis referunt. Ceterum, quòd me consulis, an debeas aulicæ sequi vitam: si me audis, immorare solitæ tuæ professioni: nec induas tibi aureas illas & fucatas cōpedes. Melior est enim libera paupertas, quàm uel opulentissima seruitus.

## EPISTOLA CXXI.

**Q**Uum te obiurgo, impietatis insimulo, quòd rarissimè proficiscaris ad templum, culpam tuam excusas, causarisq; te esse podagricum. Eo modo proximè atq; tu aut etiam æquè (ut iuxta mecum, ipse nosti), laboro: neq; tamen mihi satisfacio, aut apud me conquirere possum, quin tertio quoq; die templum adeam, uotiuas preces Deo immolaturus, persolaturus, & oblaturus. Nemo est æquè spernendus, quàm cum pietatis obliuiscitur, & religionis. Amo te plurimum, nec hodie uiuit quisquam mihi amior ac tu. Nisi tamen perspexero te alio ingenio atq; olim fuisti, fieri uix poterit, quin amicitia nostra refrigescat, & minuatur. Vale.

## EPISTOLA CXXII.

**V**erum est quod scribit Lucanus, Nescit plebes ieiuna timere. Quoniam magna est rerum omnium penuria, & incredibilis annonæ caritas, multi qui labore & quæstu suæ professionis quaritare sibi uictum nequeunt, coguntur ad latrocinia & expilationes diuertere, aut uictoribus insidias moliri: licet certò uideant se suspensum iri, si corripiantur. Sed quid facias, fames est adeò intolerabilis, & malè suada, ut ad quoduis discrimen uitæ perferendum propellat. Ego & aliquot alij nuper ibamus

Lucanus.

Fames malè  
suada.

rusticatum colligendi animi gratia: uix aberamus à Lute-  
tia iter quinque stadiorum, cum ibi protinus quatuor san-  
guinarij grassatores in dumis & uepribus delitescentes,  
in nos præter spem impetum fecerunt animo maleuolo &  
gladiatorio, quibus nisi intrepidè & aperto Marte resi-  
tissemus, actum erat de nostra omnium uita: nec tamè usq;  
adeò uitam tutari ualuimus, quin unusquisq; nostrum ali-  
quod uulnus acceperit. Hoc innuit eos non satis prudèter  
sibi consulere, qui foras profisciscuntur soli, nisi suprema  
quædam necessitas adurgeat.

## EPISTOLA CXXIII.

**I**ncredibile uidendi tui desyderiū iam pridem me tenuit:  
adeò ut nulla nox prætereat, quin imago tua oculis  
meis obuersetur & oberret. Et si liceret citra ullū discrimē  
ad te cōmigrare, cōmigrarē protinus: uiamq; ipsam (quod  
aiunt) raptim deuorarem. Sed multa sunt, quæ ab hoc ani-  
mi mei desyderio me remorantur, & auocant. Nam præ-  
terquàm quòd ægrè hodie & difficulter uiuitur ob ma-  
gnam annonæ caritatem, multi ubiuis locorum reperiun-  
tur milites, aut (ut uerius dicam) grassatores. Literis tuis  
scire uelim, quonam modo iuiuant uestrates. Nam qui apud  
nos degunt, multis miserijs & calamitatibus obruun-  
tur. Et nisi dii immortales res nostras clementius intuean-  
tur & custodiant, periculum est, ne iniquissimè nobiscum  
agat fortuna. Vale.

## EPISTOLA CXXIIII.

**L**iberares hanc urbem magna fæce & perditorum ho-  
minum colluue, si eos tecum foras duceres, qui nul-  
lo non die de nostro omnium interitu cogitent, & machi-  
nentur: atq; etiam eorum saluti fortasse prospiceres. No-  
biscum enim diutius uersari nequeunt, qui uitæ omnium &  
cerui

cervicibus parant insidias. Et si qui forte fortuna remanserint, observabuntur vigilantissime, multisq; praesidijs opprimuntur, ne commovere se contra Rempub. possint. Nemo te habet suspectum coniurationis. Si alienus est animus tuus ab hominum expectatione, muta mentem: mihi crede. Etenim tenebris undiq; & luce clariora nobis erunt consilia tua omnia.

## EPISTOLA

CXXV.

**Q**uod ad me tribus abhinc diebus misisti opus, formosum satis & elaboratum supernè mihi visum est: ipsumq; (ni fallor) grande aliquid proficitur, & inauditum. Vereor tamen, ne non sis ubiq; similis tui. Si me audis, caue ne quid facias Horatiano monstro simile, ne ue unum & alterum assumens pannum, ad intempestivas digressiones prodigaliter euageris. Lectores enim risum tenere nequeunt, quum quis ab ipso principio uerbis sesquipedalibus ampullatur: demum remisso, & languente paulatim stylo serpit humi. Stude breuiter quanta maxima poteris diligentia, modò tamen propterea non fias obscurus. Caue ab ampullosis illis & confragosis dictionibus, sed eatenus, ut propterea nerui & animi non deficiant.

## EPISTOLA

CXXVI.

**T**antum scelerum te notant omnes, ut si uera sint quæ de te passim prædicantur, sperem te propediem damnatum iri capitis. Nemo est què tuæ turpitudinis corruptissimæq; uitæ non pudeat: ubi tamen tuæ salutis quis te monet, uerba fiunt mortuo. Nihil mea refert satagere rerum tuarum: quum tamen reminiscor periculi cervici tuæ imminentis, non possum non misereri. Quum ad iudicum subsellia protraheris, tuorumq; uitiorum accusa-



bere : inficiare quantum uoles , uerba tua non habebunt fidem : præterea facillimum erit te conuincere . pridem enim facta tua turpiſſima omnibus innotuerunt, & uenerunt in apicum.

## EPISTOLA

CXXVII.

**P**ater tuus ægrè ſatis & indignanter tulit, quòd au-  
diuerit te bonam ætatis partem contriuiſſe in huma-  
nis & politioribus literis, in quibus nihil eſt omnino fru-  
gis, nullum penitus emolumentum : ſed illeſtatrices tan-  
tùm, & uelut quædam uerborum meretriculæ, quæ nihil  
aliud profunt, quàm aures titillant, & inebriant. Certius  
noſti, quàm ut moneri debeas, quàm curta ſit domus ue-  
ſtræ ſupellex. Non eſt quòd à patre ampliſſimas diuitias  
tibi polliceare, niſi tua unius induſtria tibi ipſe fabrices  
fortunam. Quare, ſi ſapis, conuerte animum ad alias ar-  
tes. In his enim tibi nec ſeritur, nec metitur. Quod autem  
ſcribis, de perduto quodam nebulone, qui paſſim tibi de-  
trahit: uis audire quid ſentiam? Bibe ſurdis auribus omnia  
eius conuicia, patere etiam ſi tuis oppedit naribus. Si  
enim uelles eum retaliare, & eadem reſpercutere maledi-  
centia, periculum eſſet, ne inſanum cum redderes, qui tan-  
tùm deſipit.

## EPISTOLA

CXXVIII.

**P**ridie quum rediſti Lutetia, putabas amicos omneſis  
obuiſ uulnibus tibi gratulatuſ, tuumq; aduentum ad-  
modum plauſibilem fore. Nihilominus nemo omnium re-  
pertus eſt, qui tibi arriferit : imò uerò cachinnum ſuſtule-  
runt omnes. Cauſam ſi percontaris, non pudebit dicere.  
Eò te miſeramus, ut bonis literis proficeres, quam tamen  
de te conceperamus opinionem, ſeſelliſti. Semper enim  
porrectis (quod aiunt) dormiuiſti pedibus, & in utran-  
uis

107  
tuis aurem, nec prima elementa didicisti. Si hoc feceris fiducia nostri, erras haud dubie. Non enim mouebimur tuis infortunijs, uel si fleueris sanguine. Vale.

EPISTOLA

CXXIX.

**P**ollicebaris mihi mercedem amplissimam, si doctrina mea ab ignorantie tenebris te educerem, non peperi labori, docui te quanta maxima potui diligentia, adeo ut iam praefectore non indigeas, possisq; (ut aiunt) nare sine cortice. Antea distuli mercedem meam reposcere, quod fortuna tua uideretur mihi exilis & modica. Nunc uero opes tuae creuerunt, omnia tibi suppetunt ad uotum, & uirgula (quod fertur) diuina. Quid igitur causae est, quamobrem non reponis beneficium? Arrogas ne tuae unius uirtuti, si quid in bonis literis profeceris? Ista tua ingratitudo non adeo esset intoleranda, si quam rerum patereris penuriam: at (ut iam dixi) habes omnia ex animi sententia, tu es uelut bos apud aceruum: metis citra arationem, citraq; semetem. Non satis aperte uideo quonam modo culpe tuae patrocinari possis.

Nare sine cortice.

Virgula diuina.

EPISTOLA

CXXX.

**N**on parum mihi displicuit, quod heri in quodam conuiuio iuuenarcris uerbis impudicis, creparesq; immunda & relatu turpissima. Sed tua ista culpa non omnino caret uenia: putabas enim fortasse id ab omnibus laudatum iri, quod à quibusdam abiectissimis homunculis, cicerisq;, & fractae nucis emptoribus comprobatur. Diu satis desipuisti, mea quidem sententia: nunc tibi relinquendae sunt nuces. Sudabis fateor non parum, prius quam priscum illum uiuendi modum dediticris: at ubi desieris aliquandiu, nihil erit factu facilius. Vale.

EPISTOLA

CXXXI.

Monui

**M**onui te frequentissimè, ut relicto studio poëtico ad orationem solutam animum conuertas: nam uersus tui, quotquot scribis, prodeunt inuita (quod aiunt) Minerva, & Musis collacrymantibus. Nihil est penitus frugis, nihil quod uel tantillum famæ tibi comparet, quin potius facis te publicam & communem uulgi fabulam: adeò ut iam notissimus apud omnes inualuerit rumor, te esse uelut asinum ad lyram. Multò prudentius ageres, si tuo te pede metireris, nilq; non æquum uiribus tuis assumeres. Vale.

## EPISTOLA

CXXXII.

**I**nsolentiam tuam satis ridere nequeo. Pater tuus patrentesq; omnes pauperrimi sunt, nudi tanquam ex matre (ut apertè nosti) uictum emendicant ostiatim, manum ad stipem porrigunt: paucis, non habent unde restimulant. Tu tamen loci natalis nullam penitus habens rationem, superbis, non aliter quàm si esses rex tragicus. Cui animi & capitis tui morbo quomodo possit occurrì, non satis uideo. Quum enim uiri prudentes rerum tuarum uolunt satagere, & suadere quid factu sit utile, aures occludis, pèrinde ac si per te satis saperes, essesq; remotus ab omni uitio. Non adeò uitijis tuis offenderemur, si pauca essent: at tam multæ flagitiorum species uitam tuam contaminant, ut nullus relinqui possit ueniæ locus.

## EPISTOLA

CXXXIII.

**S**emper de te bene merui, sperans te aliquando fore frugi hominem, censoremq; omnium: at spes omnis futuræ in te probitatis omnino adempta est. Nam (ut audio) bonam iuuentutis partem stolidè contriuiisti: dilapidastiq; uniuersum patrimonium in alea, fritillis, & sphæristerio. Si essem liber laborum, qui me nunc circunstant,

&amp; op

et opprimunt, ad te quàm citissimè conuolare, uia ipsa (ut cum Sidonio loquar) deuorata: idq; sum facturus, dum per occupationes licebit. Quòd si rem ita compere-  
ro, ut communis prædicat fama, scias animum meum fore multò remissio-  
rem, segniusq; in tui amorem, quàm prius irritatum iri. Vale.

## EPISTOLA CXXXIIII.

**Q**uum quid scripsisti, soles me adhibere iudicem tuis operibus: at dum suadco ut ambitiosa recidas ornamenta, reddasq; incudi quæ non bene tornata sunt, et polita: mauis defendere delictū, quàm inuertere. Propter-  
eà ames te et tua sine riuali, nullum enim uerbum assu-  
mam ultrá. Quod autem percontaris, quid hic rerum agatur: Res creditu difficilis, et maximum risum tibi excita-  
tura, nouissimis diebus accidit. Lentulus qui genialiter adeò et luxuriose prius uiuebat, quiq; omnia prodige-  
bat per luxum, nunc auarus usque adeò factus est, ut in-  
explebilis sit eius cupiditas. Nunc quoniam non suppetit otium scribendi pluribus uerbis, qui has ad te defert lite-  
ras, totū hominē suis coloribus graphice depinget. Vale.

## EPISTOLA CXXXV.

**N**on parum mihi displices: nec mihi tantum, at his omnibus, qui tecum aliquando uersati sunt, quòd sis adeò prodigus uerborū, ac in tuam ipsius laudem propen-  
sus, et procliuus. Ante omnia, pessimè audis, et magno probro tibi uertitur, quòd palàm te prædices bellicosum. Commünaris egregie: uerba tua nihil non martium spi-  
rant: at si quis te aggrediretur, fugam protinus arripe-  
res: totus animus tibi in pedes decideret. Quod qui no-  
runt, temperare nequeunt à risu, quum audiunt has inae-  
nes de te gloriolas.

## E P I S T O L A

## CXXXVI.

**N**on satis scio, qua causa amicitiam contraxeris cum Cornelio Dolabella, aut unde frequens adeò familiaritas tibi cum perditissimo illo nebulone, et (quod aiunt) terræ intestino, intercesserit. Qui ut aperte nosti, et patrimonio, et gentilitijs hereditatibus mulctatus est, ob infinita flagitia, quibus ab ipsa iam tū infantia fuit innutritus. Corruptam adeò egit iuuentutem, ut sæpenumero ad subsellia iudicum pertractus esset, et in extremā stetisset fortunam, nisi pecunia se redemisset ab inquisitoribus. Vbi uerò ad uirilem peruenit etatē, nihilo secundiore, imò uerò deteriore fama usus est. Vnde nunc quoq; (ut planè uides) discedere è medio, et (quanquàm morbo quartanæ aggrauante) per singulas noctes latebras commutare cogitur. Potuisssem uersari cum eo si libuisset, at semper ab eius societate abstinui, licet quotidianis ferè precibus inuitarer. Vale.

Discedere è medio.

## E P I S T O L A

## CXXXVII.

**Q**uod è patria Lutetiam te contulisti, simul ad declinandam perditissimam quorūdam nebulonum inuidiam, qui te oderant, quiq; per iocum nonnunquam tibi comminabantur: partim etiam, ut per otium et requiem Apollonio Moloni clarissimo dicendi magistro operam dares, factum tuum probo. Nihilominus uelis nolis redeas oportet. Nam res uestræ domesticæ pessimè se habēt, et iam eunt pessum, nisi per te unum tantæ occurras calamitati. Turpissimum tibi esset in amicorum discrimen decidere, patris præsertim, cui fortunas tuas omneis, ipsamq; adeò uitam debes cum anima.

Ire pessum.

## E P I S T O L A

## CXXXVIII.

**F**amiliaris ille tuus Gellius mortalium auarissimus, diues

diues est quidem, at eius omnes diuitiæ ex occulto fœnore creuerunt, & rapinis. Vt paucis omnia complectar, est bipedum omnium nequissimus, quosq; terra sustinet scelertissimus, ut de Iugurtha scribit ille. Vsq; adeo tamen hominem ipsum diligis, ut in eius uerba iurasse uidearis. Si uelis aurem commodare culturæ, facile te diuertam & reuocabo: at si omnia priua autoritate uelis agere, ego te relinquam, & missum faciam, ut adolescentem perditum, & mihi desperatum. Vale, & probè monentem sequere.

Bipedum  
omnia nequi-  
mus,

## EPISTOLA CXXXIX.

**N**ihil unquā tentauī aut molitus sum, quin optimates & ditissimi quiq; frequentes & obstinati confluerint ad resistendum mihi, nec unquā desierunt præpedire, quicquid quod mihi esset uoluptiferum, perspexerint. Proinde constitui in reliquū tempus abstinere curia. Nam etiā lites illæ forenses macrū me faciēbant, & extenuabant penitus. Præterea quid amplius optādū est mihi, cui iā contingit abunde, quod ad uiuēdū lautè satis est? Qui sunt inexplebiles, & nullū suis uotis finē præscribunt, pauperrimi uidentur, hisq; multò infeliciores, qui uictū emedicāt. Vale.

## EPISTOLA CXI.

**S**i fortuna ad animi uotum mihi arisisset, ab humili priuataq; conditione ad amplissimos honores potuissem peruenire. Nam populi multitudo semper mihi fauit, & ad me confluit ultro, operam suam in omni re promittens. Soli diuites, aduersarios & propugnatores se præstiterunt. Quorū decreto ut primum cōperi paratos esse, qui ui ac per arma me corripere, sententia mutata pro temporum conditione quieturus sum. Erat in manu mea terrorem maximum eis iniicere: at si hoc fecissem, incredibilis inuidia me in posterum mansisset. Vale.

EPIST



## EPISTOLA

CXLI.

**C**ornelius, quo cum tibi familiaris est & frequens consuetudo, nuper tractus fuisset in carcerem, nisi sponsoꝝ interuentu se à creditoribus redemisset. Qui, ut eum eriperent, suas omneis fortunas, ipsam & adeò uie tam cum tota supellectile uoluerunt oppignerare. Heri tamen abiit per posticum furtim, & insalutato quidem hospite. Incertum metu'ne noui discriminis, in quo maturius subueniret imploranti patri, qui in repentinũ quẽdam morbum fertur incidisse. Porro frater tuus apud omneis suspectus habetur cuiusdam homicidij: propterea sicubi gentium tibi occurrer, dic ei tacitè & in aurem, ut maturè sibi præcaueat. Nam si corripitur, nullis precibus quamlibet importunis consequi poterit, ut legibus soluatur in homicidas constitutis. Dic salutem meo nomine nostratibus amicis: atq; etiam si qua ratione fieri possit, reconcilia me patri mihi irato, quòd literis eius cunctantius paulò responderim.

## EPISTOLA

CXLII.

**O**mnia tibi contigerunt ex animi sententia: idq; adeò, ut nihil maius queam uouere. Vnum est tamen, in quo non usquequaq; mihi places, quòd interim excrucies te ipsum. Si fomenta ista curarum posses relinquere, uiueres multò diutius. Nihil enim est quod magis hominis uitam imminuat, quàm molestæ illæ animi ægritudines. Propterea da operam, ut medearis & occurras huic malo. Ante omnia caue, ne adeò immoriaris lucro, ut propterea nolis te quandoq; labori surripere. Nam nihil est in rerum natura, quod exemplo dierum ac noctium alternas uices feriarum quandoq; non desyderet.

EPIST

## EPISTOLA CXLIII.

**A**dmiror ingenium tuum, atq; etiam plurimi facio, paratam tuam in scribendo celeritatem, quod priusquam uestigio pedem educas, multos sub manu uersus euomas, instar illius Chryssippi, cuius meminit Valerius. Hoc tamen non eò ualet, ut protinus euentilare debeas, quæ raptim adeò & tumultuariè componis. Nam quò quæq; res est acceleratio, eò minus perfecta. Contrà uerò, quò lentius incrementum suscipit, eò quoq; tardius desinit. Saluta meo nomine Hermodotum, eumq; diuertas, ne à scholastica uita ad aulicam se conuertat. Principes isti sunt admodum liberales & prodigi uerborum, suisq; famulis montes & maria promittunt, ac uerborum inducunt credulitatē. At ubi diu satis eorum opera usi sunt, uerba emittunt pro forma. Vale.

Principes prodigi uerborum.

## EPISTOLA CXLIIII.

**N**on parum mihi displices, nec mihi tantum, at omnibus etiā, quibuscum aliquando fuit tibi frequēs & familiaris consuetudo, quod unumquenq; crimineris, palam uituperes: cū tamen hodie sceleratiores te uiuat nemo. Consultius multò & prudentius ageres, si tuā ipsius carperes uitā. Nam (ut in Sallustium scribit Cicero) Carere debet omni uitio, qui in alterū dicere est paratus. Fateor neminem esse mortaliū, qui omnibus horis sapiat. Nihilominus id intolerabile est: cū quis pergit malè semper agere. Ceterum scis quid in aurē tibi nuper dixerim. Laboras quodam uitio arcano, & paucis cognito: à quo nisi desuescas, tandem ueniet in lucē. Veritas enim filia est temporis: & dies omnia reuelat. Neq; est quicquam tam arcanum, quin aliquando euentiletur, & à tenebris prodeat in apicū.

Nemo mortaliū omnibus horis sapiat.

b

EPIST

## E P I S T O L A

CXLV.

**E**Ram uegetis uiribus & expedito corpore, priusquam ad perdiscendas literas animum appuliffem, nihil penitus dolebat mihi: at nocturnæ lucubrationes usque adeo me attenuarunt & confecerunt, ut pedibus infirmis subsistere nequeā. Desinas ergo mirari, si ægrè & inuitus ferè repeto ludum literarium. Nam quotiescunq; illuc redeo, uidere uideor locū mæroris & tristitiæ plenus, & quādam (ut aiunt) Trophonij spelūcam. Præterea toto ferè triennio oleum & operā lusi. Nam dedi operam seminario cuidam & pœnitēdo magistello, sub quo parum aut nihil omnino profeci: quod tamen negligentiæ meæ nō est adscribendum, at potius eius ignorantiæ. Erat enim planè rudis & illiteratus, nec unquā bonas literas ne à limine quidē salutauerat. Ut finia, uniuerfam eius doctrinā uitiosa nuce nō emerem.

## E P I S T O L A

CXLVI.

**M**irantur nonnulli uitam rusticam tantis à me commendari laudibus, & (quod aiunt) ad cælum ferri: qui si cognoscerent, quantum sit in ea uoluptatis, relictis urbibus uellent rusticari, uiro in primis conuenienter naturæ, nihil est quod diuellat mihi somnum. Nihil quod studium interpellat. Sed fac nobis rusticis non multum esse diuitiarum: quid inde? Num tamen propterea damnum certius aut propius medullis accipimus, quam uel maximè nummati? Vos urbani, & qui seruitis diuitibus, genialiter quidem & lautè uiuitis: at caretis libertate, quam omnibus Arabum diuitijs longè præpono: perpetuam seruitutem: uobis obseruandum est, quid domini digito crepent. Si uobiscum immaniter & centauricè lo-

quan

quantur, surdis auribus perferendæ sunt omnes contumeliæ, nec licet hiscere præ metu. Nolim te incastigatum relinquare. nam uideris mihi attentior ad rem quàm satis est. Quòd tamen dicis me quibusdam ridiculum esse, & contemptibilem ob meam istam poenam, & paupertatem, non uerterim manum. Si percõtaris, ut ualeo, sum letus omnia: excepto quòd durum est mihi tandiu carere fructu iucundissimæ tuæ consuetudinis.

## EPISTOLA CXLVII.

**O** Peram meam, ipsamq; adeò pecuniã tibi puero gra-  
tuitam semper contuli, nec minore studio adultũ pro-  
sequutus sum. Non memini me unquã abrogasse tuis man-  
datis. Si quid in me beneficij contuleris, abundè, aut etiam  
cum scõnore rependi. Propterea finè facias tuis calumnijs, Cũ scõnore re-  
pendere.  
neq; pergas me fraudulentũ & impostorem dicere. Nemo  
est omniũ, qui non fateatur me hominẽ apertum, sine fūco,  
& extra omnem doli suspiciõnẽ. Et si facultas mea suffice-  
ret ad subleuandã & resarciendã istam tuã poenã, faceres  
adhuc periculũ manifestius amoris erga te mei: at pauper-  
tas tua maior est multò, quàm quæ opibus meis subleuari  
possit. Aequi boniq; consulas hæc mea uerba: nã aliorum  
tendũt, quàm ut bilem & stomachum tibi moueãt. Vale.

## EPISTOLA CXLVIII.

**F**alleris plurimũ, si quid expectas gloriæ ex eo ope-  
re, quod in lucem nuper edidisti: nam præter plurima  
(quæ deprehenduntur passim) errata, peccasti in ipso quo-  
que operis ingressu, & insulse adeò, ut nullus pateat excu-  
sationis locus. Fefellisti plurimũ quam de te ceperant o-  
mnes expectationem. Publicus erat rumor te iam in literis

abundè promouisse, at res longè aliter se habet, ut uideo. Si animus tuus aspirat ad diuitias, te oportet consultius rerum tuarum satagere. Hac enim uia non peruenitur ad honores & magistratus. Si me audis, dissuesce ab antiqua illa morum consuetudine.

## E P I S T O L A C X L I X.

Conniuere in  
delictis.

**Q** Vum culpæ impunitas, & liberior peccandi licentia, atq; etiam leuitas pœnæ augere soleant uitia: non constitui in delictis uestris conniuere. Si boni eritis, amabo uos unicè, nulli rei magis studebo, quàm utilitati uestræ: & quandiu pecuniæ mihi suppetent, non permittam uobis deesse quicquam. Contrà uerò, si posthabita uirtute diuertatis ad corruptissimos mores, & degeneretis à parentibus, quorum inculpatissima fuit uita: augebo pœnas facinorum, tantum abest ut eas imminuere uelim. Si desyderetis proficere in schola mea, fores apertæ sunt. Nullum penitus laborem detrecto, dummodo uideam uos beneuolos, & animo in me propenso. Vt spero, non pigebit uos meæ doctrinæ: nam (quod de Isocrate fertur) innumeri lingue Latinæ principes ex meo ludo literario, tanquam ex Equo Troiano, prodierunt. Nemo uestrum propter adultam iam ætatē debet erubescere, quò minus proficiat. Nam & Cato iam octogenarius operam dedit literis Græcis. Et parens eloquentiæ Cicero, post amplissimos in Repub. magistratus, adhuc se dedit recoquendum Apollonio Moloni, clarissimo tunc dicendi magistro.

## AD LECTOREM.

Textoris com-  
mendatio.

Abes cādidissime Lector Textoris, uiri per-  
paucorum hominum, aliquot epistolas non  
uulgaris eruditionis. Quem si fata diutius no-  
bis seruassent incolumem, ausim uel inuidia  
teste, aut Momo iudice, contendere, ceteros omneis no-  
stræ tempestatis homines multis fuisse parasangis præces-  
surum, multisq; præcursurum stadijs. Sed quid fā-  
cias? sic unumquenq; sua manent fata. Stat  
Parcarum cōstans ordo & inuariabilis.

Supereſt, lector optime, ut mortuo,  
ſeu potius è morte ad uitam uo-

cato, bene preceris, mor-

tuum petulantissi

ma non in-

ſecte-

ris lingua: ſi uetat honeſtas

iuxtà & pietas, mor-

tuum le-

dere.

## TETRASTICHON AD PIVM LECTOREM,

Quid tantis luges lacrymis? cur impia clamas

Numina? Textorem ſic periſſe putas?

Num periijt, clauſa reſouent quem ſydera ſorte?

Deſine, Textoris molliter oſſa cubant.

F I N I S.

h 3





The first of these is the  
 question of the  
 nature of the  
 evidence. It is  
 not clear that the  
 evidence is of a  
 nature which can be  
 used to establish the  
 facts of the case.

The second question is  
 the question of the  
 weight of the evidence.  
 It is not clear that the  
 evidence is of a nature  
 which can be used to  
 establish the facts of the  
 case.

The third question is  
 the question of the  
 nature of the evidence.  
 It is not clear that the  
 evidence is of a nature  
 which can be used to  
 establish the facts of the  
 case.

The fourth question is  
 the question of the  
 nature of the evidence.  
 It is not clear that the  
 evidence is of a nature  
 which can be used to  
 establish the facts of the  
 case.

The fifth question is  
 the question of the  
 nature of the evidence.  
 It is not clear that the  
 evidence is of a nature  
 which can be used to  
 establish the facts of the  
 case.

